

NOVA  
DE MACHINIS  
PHILOSOPHIA

In qua, Paralogismis Antiquæ detectis,  
explicantur Machinarum vires

Vnico Principio, singulis immediato

A V T H O R E

NICOLAO ZVCCHIO PARMENSI  
SOCIETATIS IESV

Olim Professore Mathematicæ

*Biblioth. Scholar.* In Collegio Romano. *Pian. S. Pantalei.*

Accessit exclusio vacui contra noua experimenta,  
contra vires Machinarum.

Promotio Philosophiæ Magneticæ

Ex ea nouum argumentum contra systema Pythagoricum.

Initium Operis Proposita distinctius exhibet,

Errata, suis locis asterisco notata, corrigit.

*Geo. Alf.*



*Knell.*

R O M A E,  
Typis Hæredum Manelphij. M. DC. XXXIX.

— SUPERIORVM PERMISSV. —

*Ex lib. Alph. Boril.*



SERENISSIMO PRINCIPI

RANVTIO II.

FARNESIO

PARMAE PLACENTIAE, &c.

Duci Sexto.

NICOLAUS ZVCCHIUS F.



Inter Philosophiæ Partes sola,  
quæ de Machinis est, suffragio  
totius eruditi Senatus, admira-  
tionem fecit suam: dum naturæ  
virium in particularibus corpo-  
ribus non tam contemplatrix, quàm arbitra,  
nullam non debiliorem confirmat, & promo-  
uet; nullam non potentiolem sistit, ac superat.  
Hanc tamen mirabilium effectricem tibi, Dux  
Serenissime, sine vlla suspitione iniuriæ, sup-  
plicem facio, qui sub ipsis regnandi initijs in-  
hæreditaria maiorum tuorum laude iam adul-

rus, comprobasti: omnem mouere machinam,  
& inter oppositas vires, etiam Potentiorum,  
æquilibrium statuere, Farnesianum esse. Viue  
diu nihil non perfecturus ( dum vires menti,  
mentem dum viribus addis ) & quidem cer-  
tiùs, si sublimioris Potentiæ Machinatorem,  
audieris, qui iactabat ex vero (omnia possum)  
omnem felicitatis Machinam complexus vno  
Principio (Pietas ad omnia utilis est. )



# LECTORI.



NNO M. DC. XLVI. Typis Parisiensibus nouam methodum edidi, qua Machinarum, in adiumentum virtutis debilioris, vires ad vnum in omnibus, & æquè primam in singulis Principium reuocabam. Peritiorum iudicia subinde per meas, per amicorum litteras prouocaui, non ad inanem plausum, sed veritatem in re tanta certius colligendam. Ex ijs aliqui ita probarunt, vt se non aliam, quàm propositam à me causam augmenti virtutis per Machinam, vt veram, & vnicam admissuros, non aliam professuros contestarentur; inter quos hic duos appellare libet, ex libris editis accerrimæ subtilitatis, melioribus Mathematicis iam accensitos, & quidem eo ordine, quo illorum iudicia ad me peruenerunt; D. Euangelistam Torricellium, qui meo, & amicorum rogatu rematurè discussa, in litteris ad amicum, quas locupletissimas sententiæ illius testes habeo, apertè proficitur, se paucas illas nouæ methodi paginas, sibi transmissas, voluminibus benè magnis præhabere, ad quarum normam Auditores suos, si qui in posterum de Machinis à se doceri vellent, dirigere constituisset. Patrem Carolum de la Faille Societatis nostræ, olim in Regia Academia Madritana, nunc apud Serenissimum Ioannem Austriacum Mathematicarum disciplinarum Professore, qui iterùm ac tertio, me exoptulante, nouam methodum examinauit, & omnino comprobauit. Alij verò solliciti de existimatione Magnorū Virorum, quos Eruditorum consensus in Mechanicis ad hæc vsque tempora Præceptores agnouisset, multa pro firmandis eorum fundamentis, & nostro subruendo, velut infesto, & ex inopinato consurgente, obiecerunt: quibus tamen validiorem nostri confirmationem, & completam alienorum dissolutionem

\*

debere

debere te agnosces, si, quæ coherentèr ad primò proposita in Parte tertia respondemus obiectis, patienter per leges. Ad omnium autem faciliorem intelligentiam aliqua præmissi ex ijs, quæ de Machinis adhiberi solitis tradi solent, nonnullis indicaris nodis, qui in communi modo philosophandi de illis non habent solutionem; at in nostra methodo repererunt facillimam. Postremò vt complementum apposui, An vir-  
tus Agentis naturalis ita per Machinam augeri possit, vt Va-  
cuum inducat inter corpora. Addidi Parergon de virtute  
Magnetica, per quam velut machinam Intelligentiæ non er-  
ranus sit consistentia inter extremas Mundi partes, non ve-  
rò motus Planetarum à Sole; & ad causas progressionum  
Magneticarum rite digestas, & certius constitutas Philosophiã  
Magneticam prouehere contendi. Si pauca ist hæc boni con-  
sules, stimulos addes ad ea citius exequenda, quæ de instau-  
randa veteri Optica, & in multis perficienda alijs pollicitus  
sum, & magnam iam ex parte digressi, ab anno M.DC.XXVI.  
quo primum in Collegio Romano Mathematicum pulue-  
rem publice signare iussus sum, inchoata & curis graui-  
oribus intermissa. Viue Deo, & æternum viues.

Florentius de Montmorency  
SOCIETATIS IESV.  
Vicarius Generalis.

**C**Um librum, qui inscribitur Noua de machinis philosophia, à P. Nicolao Zucchio nostræ Societatis sacerdote conscriptum, tres eiusdem Societatis recognouerint, & in lucem edi posse probauerint; facultatem facimus, vt typis mandetur, si ijs, ad quos spectat, ita videbitur: cuius rei gratia has litteras manu nostra subscriptas, sigilloq; nostro munus damus. Romæ 9. Augusti 1649.

*Florentius de Montmorency*

Imprimatur, si videbitur Reuerendissimo P. Magistro Sacri Palatii Apostolici.

*A. Riualdus Vicesg.*

**E**GO Io. Baptista Giattinus Societatis Iesu, iussu Reuerendissimi P. Magistri Sac. Palatii, vidi librum Reuerendi P. Nicolai Zucchij, cui est titulus; Noua de Machinis Philosophia, &c. & nihil reperi contra sanam doctrinam: sed omnino dignum existimo, qui ad publicam vtilitatem in lucem prodeat; cum rem ipsam attingere videatur, & abstrusam veritatem apte, atque accurate explicare.

*Io. Baptista Giattin. Soc. Iesu.*

*Imprimatur.*

Fr. Raymundus Capizuccus Mag. & Socius Reuerendiss. P.  
Fr. Vincentij Candidi, Ord. Prædicatorum, Sac. Pal.  
Apost. Mag.

PAR-

## *Ordo totius Operis.*

### P A R T E I.

Præmittitur brevis explicatio Machinarum, quarum communior Tractatio, & vsus est apud Machinatores. Et proponuntur aliqua insolubilia in communi modo philosophandi de ipsis.

### P A R T E II.

Ostenditur insufficiens Principij augmenti virtutis per Machinam, tum ex Aristotele, tum ex Archimede desumpti; Et nulla eius ab aliqua prima Machina ad alias deductio. Proponitur, & explicatur nostrum Principium; & ostenditur immediatè complecti vires omnium, & singularum Machinarum, quæ in adiumentum virtutis debilioris assumuntur: Non ita vires, quibus magna, & exigua moles humidi, in amplo vase, & angusto canali continuata, pro æquali supra horizontem altitudine constituuntur.

### P A R T E III.

Soluuntur, quæ ex varijs Europæ Prouincijs, tum pro Aristotele, & Archimede, tum contra nostrum Principium obiecta sunt ab eruditissimis viris, examinantibus primæ impressionis folia, quæ continentur Parte 2. Occasione obiectorum, & solutionum traduntur peculiariora. De Artificio Machinæ. De Centro Potentiæ, quæ oritur ex connexionem virium naturalium per Machinam. De incremento virtutis, & decremento Resistitiui per illam. De vera mensura Virtutis, & Resistitiui ratione medijs, & debilitate argumenti Lynceorum contra leuitatem posituiam. De vera mensura velocitatis, & tarditatis motus per Machinam exerciti.

De-



De nexu limitationis nullo modo immutatæ per Machinā in virtute, in impetu, in motu debilioris cum victoria non limitata de alidiori, & validiori resistitui, in eodē ordine  
De improportione cuiuslibet augmenti virtutis motuæ per Machinam cum dispositione, per quam corpora resistunt penetrationi mutuæ, aut diuulsiōi, quando non potest succedere aliud corpus inter diuulsa. Vide Parte IV. in fine.

#### P A R T E I V.

Epistola prima ad Amicum de nouis experimentis, ad vacuum inducendum adductis: secunda de aliorum responsis ad illam confutatis.

Quorū occasione explicantur peculiaria in prima Epistola. De Antiperafasti, & Congelatione.

In secunda De condensatione, & Rarefactione continuorum permanentium.

De continuatione successiuorum.

De mensurabilitate vacui.

De vi omnibus corporibus intrinseca, per quam, nullo modo motuam, resistunt mutuæ diuulsiōi, quoties inter diuulsa nullo modo potest succedere aliud;

Cuius resistentiæ exercitium à nulla peculiaris corporis dispositione præstari, à nulla illius virtute motiua, etiam adiuta per Machinam, superari possit.

#### P A R T E V.

Dissertatio de vi magnetica connectente Terram cum extremo cœlo ad persistendam in centro vniuersi; non verò Solem cum reliquis Planetis ad motum.

Quorum occasione explicantur.

Seçt. I. Natura virtutis Magneticæ, quæ est eiusdem rationis in omnibus, & varietas subiectorum illius, quorum ostenditur eam esse verū accidens, à substantia contradistinctū.

Seçt. II. Directio illius in subiecto, cui permanenter inhaeret,

& talis subiecti per illam in Mundo.

Sect. III. Determinatio Polorum diffusionis in Agnete Magnetico, & facierum virtutis, tum in radijs diffusionis, tum in subiecto, per eos permanentemente affecto; & Refractionis radiorum magneticorum in illo.

Cur magnes armatus in ferrum pro aliqua distantia minus agat, ei tamen quod proximum, cum tanto maiori pondere, velut de eo suspensum adhæreat.

Sect. IV. Quæ sit dependentia virtutis Magneticæ a præsentia Agentis, & dispositionibus accidentalibus Passi.

Sect. V. De oppositione inter virtutes magneticas eiusdem rationis ex varia directione, quam obtinere possunt in subiecto.

Sect. VI. De fine proximo motionum, & consistentiarum, quæ in subiectis constanter affectis per virtutem magneticam exercentur.

Sect. VII. Virtutem magneticam non esse ad disponendas, & uniendo partes in Toto, sed ad disponenda plura Tota magnetica inter se.

Sect. VIII. Terram habere in sua interiori massa virtutem magneticam, cum determinatione polorum; tum ad situationem sui determinatam in Septentrionem, & Austrum, tum ad diffusionem radiorum magneticorum.

Magnos Continentes diuertere versoria à meridiana per radios Magneticos, receptos à polis Terræ, & in eis refractos; & nō posse per Inclinationes, & Declinationes versorij determinari latitudines, vel longitudes Regionum.

Sect. IX. Cœlum continens Mundum, & Immobile esse primum Magneticum, diffusuum virtutis Magneticæ; Terram verò, natura sua capacem illius, esse primum susceptiuū influentiæ Magneticæ; & sicut ex illo mensuratur dispositio diffusionis, ita ex hac dispositionem receptionis determinari.

Sect.

Se<sup>ct</sup>. X. Virtutem magneticam esse in primis hisce magneticis, & extremis corporibus ad determinandos per aliquid intrinsecum Cardines in illis, & exercendam secundum eos constantē correspondentiā inter illā, per stabilitatem Terræ in medio; & consequenter ad constituendam de se stabilem climatum dispositionem pro Degentia uiuentium, quomodo ei à primo Conditore destinata est.

Se<sup>ct</sup>. XI. Virtutem magneticam de se impeditiuam motus Terræ, quo per Zodiacum fingitur à Pythagoricis, motu annuo circa solem agitari: non sic esse impeditiuam motus diurni, quo circa suum Axem dicitur conuolui ab iisdem; sed hunc per Grauitatem, illi iunctam in Terra sufficienter impediri.

Se<sup>ct</sup>. XII. Nullam esse correspondentiam Magneticam inter Solem, & Planetas reliquos, præsertim prouocatiuam circuitus ipsorum circa illum, per conuolutionem in solari corpore verè existentem. Nullam pariter inter Lunam, & Terram; aut inter Lunam, & Mare, qua Marini æstus excitentur.

Errata sic corrige.

Quæ in decursu operis asterisco notantur.

Pag. 2. ad finem (cognito pondere) lege) cognito vnus pondere.

15. ad medium (non sufficiet ad) lege) non sufficiet sic paulò maior ad.

28. ad finem (eiusdem constitutio) lege) eiusdem extremo constituto.

65. ad initium (vnus vis) lege) cuiusvis.

137. ad finem (diu non hærentem) lege) diu hærentem non.

263. ad medium, deest confirmatio ex tenuissima charta intrrposita, quæ sicut tollit continguitatem inter partes ferri integri ex armante & appposito; ita aufert talem divergentiam radiorum ad appositum, & effectum in illo Magneticum valde diminuit.

189. ad initium (magnetica à fuga) lege) magnetica impedita à fuga.

216. post medium (æquabilis per) lege) æquabili super.



# PARS PRIMA.

De Machinis, quarum communis  
est explicatio, & vsus

## RATIO

*DICENDORVM.*




NOVAM de Machinis philosophandi viam  
initurus, necesse habui aliqua de ijs præ-  
mittere ad perceptionem terminorum,  
& prægustationem difficultatum, quæ in  
communi modo philosophandi de illis  
occurrerunt. Constitutionis autem Ma-  
chinarum in adiumentum virtutis debi-  
lioris, & mirabilium, quæ per illas fiunt, veram causam  
parte 2. complectemur.

## SECTIO PRIMA

*De Libra.*

PROponunt primò libram tamquam instrumentum, ad  
quod reliqua reuocentur, tùm quæ tamquam Machi-  
næ simplices ab ijs explicantur .I. Vetus, Trochlea, Axis in  
peritrochio, Cuneus, Vitis; tùm consequenter compositz  
ex illis.



Nomine libræ intelligunt instrumentum secundum duas positionis differentias ad A. & B. hinc inde extensum, & Trutina, seu Fulcro C. in duas partes C.A. & C.B. distinctum; dictas partes brachia Libræ vocant, quæ illi aliquando æqualia, aliquandò inæqualia attribuunt, ponderibus ad extrema illorum appensis, vel in certa proportionē libratīs. Aequalibus brachijs æqualia pondera appensa semper paria habent momenta, dum neutrum alteri, vel ratione ponderis, vel ratione distantiae à Trutina, vel alterius adiuncti, quod momento seruire possit, præualer; ac proindè, in quocumque situ sibi correspondentia collocentur, quiescunt.


Inæqualibus brachijs si pondera ita inæqualia appendantur, ut pondus appensum breuiori in eadem proportionē superet pondus appensum longiori, in qua extensio longioris superat extensionem breuioris, pariter quiescunt: alioqui si pondera sint æqualia, vel inæqualia secundum aliam proportionem fit motus, quo potentius, computatis pondere, & distantia à Trutina deorsum tendens alterum eleuat, ex quo fit, ut in usu communi cognito pondere, & utraque distantia innorescat pondus alterius quiescentis; vel si grauius præponderet & descendat, aucta distantia alterius, fiat consistentia; & ita habeatur notitia, quæ quæritur.

S E-

*S E C T I O I I .*


*De Vecte.*

**V**ECTIS est instrumentum secundum duas positionis differentias extensum, & semper distinctum in duas partes, sed non semper à Fulcro intermedio; cum aliquando pondus mobile, aliquando virtus applicata intermedient; ex quo varia Vectis genera distinguuntur. Cum



fulcrum in C. (quod & hypomoclion dicitur) intermediat, & extremis applicantur, in altero A. resistens, in altero B. virtus, est primum genus Vectis, idem cum libra, nisi quod communiter fulcimentum ab eo separatum ei in usu supponitur.

Cum vero



fulcimentum est in altero extremorum A. & in altero B. Virtus; resistens autem vincendum est in situ intermedio C. est secundum genus Vectis, prorsus à prædicta libra diuersum.

Vtrumque genus Vectis aptum est ad iuuandam debiliorem potentiam, & in utroque valet, quod dictum de libra habente brachia inæqualia.


In Vecte autem secundi generis incipit mensura ab extremo illius sustentato in A., & procedit versus appositum extremum B; distantia enim virtutis à fulcimento est tota longitudo A. B; distantia verò resistentis bene computatur ab

A 2

extre.

extremo Vectis sustentato in A. ad C. signabile in Vecte, cui medium resistentis correspondet.

Tertium genus Vectis est



cum extremo illius sustentato in A, mobile resistens existit in altero extremo B, & virtus applicatur inter utrumque in C. quod genus ab aliquibus omissum, quia non iuvat virtutem debilem ad vincendum potentius resistitium, sed potius requirit virtutem de se potentioris resistitium, ut constat ex mensuratis, modo dicto in secundo genere, distantijs; nihilominus placuit apponere, quia quoties abundamus virtute, & egemus velocitate motus, & extensione illius, potest esse maximo vsui; quia applicatio virtutis in illo talis esse potest, ut dum illa tardius, & minus mouetur, mobile vincendum tantò velocius, & plus moueatur.

In adiumento, quod præstant virtuti de se debiliori Vectes primi, & secundi generis (reservato examine ad sequentem Tractatum de principio vniuersali augmenti virtutis per Machinam) placet hic advertere duo: Primum est, quod iuxta applicationem regulæ traditæ in Libra habentibus brachia inæqualia, si pondus applicetur in tanto minori distantia à fulcimento, v.g. subdupla, respectu eius, in qua est applicata virtus sufficiet ad sustinendum illud virtus subdupla eius, quæ sine Vecte requireretur, paulò maior ad eleuandum; ita ut si distantia ponderis à fulcimento respectu distantie virtutis ab eodem sit, ut 5. palmorum ad 10, sufficiat virtus potens ut 5. respectu virtutis ut 10. quæ de se æquivaleret ponderi ad sustinendum; & paulò plus, quàm 5. ad mouendum requiratur.

Quare cum huiusmodi proportionibus ex distantia diuisibili in



li in infinitum, quantum est de se, possint importare maiorem, & maiorem excessum vnius supra aliud in infinitum; poterit consequenter minor, & minor virtus in infinitum, cum tali excessu maioris distantiae à fulcimento, sufficere ad sustinendum, & mouendum pondus v.g. maius & maius in infinitum, sic minus & minus distans ab eodem (quod sine adiumento Vectis requireret maiorem & maiorem illa in infinitum) & hoc est maximum commodum ex tali Machina.

Sed habet adiunctum incommodum, quia iuxta breuiorem distantiam ponderis à fulcimento tantò illud tardiùs mouebitur, & per tanto minus spatium, respectu tanto velocioris motus requisiti in virtute, & tantò maioris spatij decurrendi ab illa.


Secundum est, quod non solum (vt ostendimus in sequenti tractatu) ij, qui de Machinis scripserunt, aberrarunt in assignanda causa augmenti potentiae per Vectem, cur sc. facta proportione, secundum quam vt se habet distantia ponderis à fulcimento ad distantiam virtutis ab eodem, ita sit virtus ad pondus, tunc fiat inter maius pondus, & minorem virtutem consistentia; & si quid addatur distantiae virtutis, aut ipsi virtuti fiat motus, per quem praeualente virtute cedat resistens, & pondus eleuetur. Verum etiam loquendo de 2. genere Vectis, cum sc. fulcimentum & virtus sunt in extremis instrumenti, minùs rectè philosophari sunt; dum ex eo, quod sustentatio ponderis, in intermedijs appensi, partim à fulcimento, partim à virtute exerceatur, & utroque concurrente fiat consistentia, & quies, inrulerunt: si quid addatur virtuti posse mutari consistentiam, & pondus eleuari. Licet enim ita de facto fiat; non tamen inde sequitur, sed ex communi principio augmenti virtutis per machinam, de quo tractatu sequenti; quantumvis enim fulcimentum in altero extremo sustineas Vectem, hoc ipso seruiat ad sustinendum id, quod innititur Vecti, & sic partialitèr

litèr cum virtute , sustinente oppositum extremum Vēstis , concurrat ad impediendum descensum ponderis connexi cum Vēste ; attamen ad eleuandum operatur sola virtus , quæ sola sursum nititur , & præualet , nullo modo sursum nitente fulcimento : cum tamen in impediendo motu ponderis , & facienda consistentia , non sola virtus in suo extremo consisteret , sed fulcimentum paritèr in suo ; quare poterat inter virtutem , & fulcimentum aliquomodo diuidi consistentia ; non potest sic inter vtrumque diuidi eleuatio , quam sola virtus operatur , posita sustentatione oppositi extremi Vēstis à fulcimento , tamquàm mera conditione . si ergo pondere in medio Vēstis existente , sufficiebat dimidium illius virtutis ad sustinendum , quæ , Vēste non concurrente , requisita fuisset ; quia fulcimentum secundùm alterum dimidium verè impediēbat descensum ponderis , quomodo quid quid addatur virtuti , sufficiet ad eleuationem , quam sola sua eleuatione debet perficere virtus ? cum enim ista responderet ante ponderi vt dimidia , non potest per illud multò minus , quod additur , fieri integra , & excedens , nisi aliunde iuuetur , quod ipsi non viderunt .



*S E C T I O I I I .*

*De Axe in Peritrochio .*



**C**onstituit hanc machinam vectis secundi generis, cum in gyrum mobilis à virtute, vni extremo C. applicabili, altero D. inni ente, vel incluso in materia solida, conformatà in cylindrum, vel aliam figuram aptam sui volutione conuoluere funem B. attractiuum resistentis A. illi alligati: Huius Machinæ vsus est, axe D. E. cui Vectis inferitur erecto, vel prostrato; & Vecte, vt indicaui, vel libero, vt cum Vectes D. C. lignei, siue ferrei, immittuntur laxiori foramini cylindri v.g; vel incluso, seu designato aliquo modo in materia continua, vt cum radij, seu scythalæ C. C. cum Tympano D. cui inferuntur, constituunt longitudinem illius vsque ad medium Machinæ pertingentem.

Porro huius Machinæ vsus, & proportio virtutis ad resistens per illam cognoscuntur, si extremum Vectis, vel Scythalæ, cui applicatur virtus, comparetur secundum distantiam à medio axis, cum distantia, per quam ab eodem elonga-

elongatur superficies corporis, vnde extenditur funis ad resistens mobile; perinde enim est, ac si vni extremo eiusdem longitudinis virtus adesset, & alterum illius extremum tali motui in gyrum prouocando fulciretur in centro, resistens verò inter extrema esset appensum.

Hinc habetur, quod, quanto Vectes liberi sunt longiores, & rota conuoluenda amplior, vel de se, vel cum Scythalis extantibus, respectu axis, super quem conuoluitur funis, tantò facilius vinci potest per huiusmodi Machinam resistēs;

sed tardius moueri necesse est cæteris paribus: quare si funis vbi semel super axem conuolutus est, iterum ac tertio super priores sui spiras conuoluatur, difficiliorem reddet virtuti motum, quia minuet excessum distantiae illius ab hypomoclio, supra distantiam resistētis, ab eodem; motum autem resistētis reddet velociorem, si virtutis motus in sua celeritate persistat.



## SECTIO IV.

### De Trochlea.

Construi solet hoc instrumentum ex duplici capsula A. B. intra materia m solidam continente orbiculos C. C. D. D. circa axes, quibus in medio illius inseruntur, conuoluendos, fune illis circumposito, ita vt altera A. longius à resistente mobili F. alligata, alteri B. propiori illud alligetur.

In Trochlea, iuxta aptiorem modum philosophandi à prioribus propositum,  
Primo



Primo asseritur orbiculos capsulæ A. remotioris à resistenti mobili nullo modo prodesse, ut virtus illud sistens, aut mouens, id præstare possit, quando de se est minor; cum se habeant per modum libræ æqualia brachia habentis, axis enim eas in medio sustinet, & tam virtus, quàm resistentis mobile, secundum æquales distantias, hinc inde circumpositum illis funem ad se trahere adiutantur. Quare quod accrescit virtuti ad æquiualendum potentiori se, vel ad præuallendum pari, aut etiam potentiori per Trochleas, totum sit à rotulis D.D. capsulæ vicinioris B; in quibus communiter agnoscunt rationem Vectis secundi generis, dum longitudo D.E. designata, ut diameter in rotula, in altero sui extremo E. sistitur fune, cui alibi per alligaturam firmato extremum huiusmodi innitatur; pondus autem exerceat suam resistentiam in medio, ubi est axis; denique in opposito diametri extremo D. Virtus applicetur per funem, sic ex ea parte ab ipsa tentum: unde inferunt; quod cum virtutis distantia à fulcimento sit duplo maior, quàm sit ea, de qua pondus resistentis exercet resistentiam, poterit ipsa duplo minor æquiuale re ponderi requirenti de se duplo maiorem ipsa. Verum quæ ratio Vectis secundi generis esse potest in illis, cum tantum moueatur extremum diametri rotulæ, in quo dicitur Vectis firmari, quantum mouetur oppositum extremum eiusdem, quod dicitur vrgeri à virtute, & æqualiter semper mutantur huiusmodi diametri signatæ in rotulis; ut semper nouæ diametri horizonti æqui distantes in orbiculis benè suspensæ Trochleæ sint signabiles? neque id sit præter rationem huius Machinæ iuxta finem intentum per illam; immò maximè opportunum, ut rotulis conuolutis facilius fiat motus, & sursum ascendat pondus in directum, quod non fieret si alterum extremum diametri illarum, moto opposito, deberet consistere, ut consideranti patebit. rursus si impediuntur rotulæ inferiores D.E.

à conuolutione, & sic ab eis amoueat<sup>ur</sup> omnis suspicio Vectis, deberet auferri omne adiuumentum virtutis per Trochleam; nihilominus si tam funis circumpositus rotulis, quàm ipsæ benè leuigentur, vt in frictione sit minus impedimentum, excurrente fune inter rotulas potentia trahente, magnum illi accrescit ex Trochleis ita constitutis adiuumentum; ergo illud, rotulis etiam motis, minus rectè tribuitur communiter Vecti in ipsis assignato. quare huius etiam nodi solutione magis constabit veritas, & vsus nostri principij vniuersalis, quo vnicam, & veram causam assignamus augmenti virtutis per Machinam, vt sequenti Tractatu explicabitur. Interim aufer rotulas omnino, & appone annulos, inter quos excurrat funis, & istam opinionem falsitatis magis adhuc conuinces.


Secundo ex eò, quod id, cui in G. supernè alligatur funis, qui circumponitur orbiculo inferioris Trochleæ, concurrat ad sustinendum pondus ex æquo cum Virtute in H. sustinente funem ex altera parte; ita vt vtrique simul correspondeat totum sustentatum pondus; alteri verò secundum dimidium; inferunt, quod sufficiente virtute secundum dimidium eius, quæ sine Machina corresponderet sustentato ponderi, ad sic sustinendum pondus per Trochleam, si quid addatur ultra dimidium poterit eleuare. Verum vt illatio sit bona, debent supponere, quod etià ei, cui alligatus est funis, pariter correspondeat huiusmodi eleuatio ferè secundum dimidium, quod, vt dixi, de Vecte secundi generis, est falsum; cum tota eleuatio debeat dici esse à virtute, quæ sola vltèrius nititur; cum non sola ante consistet, nec sua consistentia solum alterum extremum funis firmaret, altero firmato ab alio consistente in G. esto ex principio tractatu sequenti explicando ipsa plus possit operari cum Machina in huiusmodi eleuatione, quam se sola posset.

# Sectio 4. de Trochlea.

II

Tertiò maiorem facilitatem, quàm experimur in sustinendo, & eleuando pondere, quando funis est alligatus inferiori Trochleæ, Alij prorsus omittunt, & non agnoscentes in orbiculis C. C. Trochleæ superioris A; nisi Libram cum brachijs æqualibus, dùm totum adiumentum refundunt in solos Vectes orbiculorum D. D. Trochleæ inferioris B, nèc eam explicant, nec explicare possunt; quia dictos Vectes talis alligatura non mutat. Alij docent prouenire ex eo, quod in tali casu concurrunt plura ad sustinendum, & consequentèr ad iuuandam eleuationem: Nam

per ipsos, consideratis duarum Trochlearum superioris & inferioris duobus orbiculis C. D. funis alligatus Trochleæ inferiori, & ascendens ad orbiculum C. superioris, cui imponitur, est primum sustinens pondus F, quod de inferiori Trochlea B. pendet; rùm verò descendens ad orbiculum D. eiusdem inferioris, & ei suppositus, est secundum sustinens; denique ab isto iterùm sursùm eductus, & à potentia ei applicata detentus, est tertium sustinens; & huiusmodi tria ex æquo ad talem sustentationem concurrere. Quare quomòdocumque multiplicentur orbiculi correspondenter in Trochleis, semper alligato fune ad inferiorem Trochleam aderit vnum sustinens, quod alibi alligato fune deerit; vt videre est in particulari apud Guidaldum propos. V. VII. & VIII. Sed hæc doctrina non videtur admittenda; quia funis alligatus Trochleæ inferiori, & sic ponderi de illa pendenti, & sursùm eductus, nisi firmetur ab aliquo aptè ad suspendendum, non solum nihil iuuat ad suspensionem, vel





elevationem ponderis; sed potius suo pondere addito facit cum Trochlea inferiore, & pondere de illa pendente onus grauius, respectu sustentantis totum aggregatum. Sed non firmatur in occurrente extremo diametri orbiculi superioris, cui imponitur, cum is liberè conuolui possit, & sic ipsum cum reliquo pondere dimittere; quod si funis ex altera parte diametri dicti orbiculi superioris descendens firmetur ab alio, iam orbiculus superior in modum Libræ æqualia brachia habentis, cuius trutina sit axis illi insertus, per æquiponderans, seu æquiualens sistet pondus ab opposito extremo dependens: Cum autem non adsit æquiponderans, & funis descendens subijciatur orbiculo illius, liberè circa suum axem paritèr volubili, nullam adest, à quo firmetur, seu sistatur, nisi potentia, quæ ipsum ab inferiori orbiculo sursum eductum sustineat, & qua ipsum dimitte, reuoluto liberè orbiculo vtriusque Trochleæ, pondus suspensum decideret. Quod si 2. ductus funis, à superiori orbiculo descendens, alligaretur etiam ipse Trochleæ inferiori, cui alligatus est primus ascendens, iam sustinens Trochleam superiorem, esset vnicum adæquatum sustinens tam ipsam, quàm inferiorem, & pondus illi connexum; & sicut esset inutile numerare ductus funis, quibus connecteretur pondus Trochleæ inferiori, tamquàm tot sustinentes; quasi sustinens illam cum pondere connexo, non esset vnum adæquatum sustinens; ita prorsus inutile numerare ductus funis, quibus inferior Trochlea alligatur superiori ob eundem finem. Atque ita iuxta hunc modum philosophandi, alligato fune Trochleæ inferiori modo dicto, sola potentia esset loco æquilibrantis, & non solum non iuaretur à tali alligatura ad sustinendum pondus, sed per illam auferetur adiuvans, quale est alterum firmans funem sibi alligatum, & cum potentia sustinens, tùm ipsam Trochleam, tùm pondus illi annexum, vt sit in communi vsu  
huius



huius Machinæ. Facilitas igitur maior, quam experimur alligando caput funis Trochleæ inferiori, nodus est, quem Machinalem artem docentes soluere nequiverunt, & quem soluit principium vniuersale à nobis infra afferendum, quo probatur debere adesse maior.

Sunt, qui asserunt pro regula generali ad agnoscendum quantum propositæ Trochleæ multiplicent virtutem. Si numerus serierum funis inter vtramque Trochleam colligatur, is vnitate dempta ostendat intentum; v.g. si sint duæ rotulæ inferiores, & duæ superiores, erunt 5. series funis, vnitate dempta, remanent 4; Sufficiet igitur cum huiusmodi Trochleis ad eleuandum pondus quarta pars virtutis eius, quæ alioqui fuisset sine illis requisita: in quo multipliciter peccant; nam alligato fune inferiori Trochleæ illa vnitas malè aufertur; rursus etiam si iuxta duos vectes in rotulis Trochleæ inferioris fieret, vt ipsi volunt, adiumentum virtutis, nihilominus quarta pars virtutis, quæ sufficiet ad sustinendum, non sufficiet ad eleuandum pondus, vt suprâ\* probauimus. Denique fallacia regulæ ex illorum principijs conuincitur, seu rectius ex regula manifestatur fallacia dictorum principiorum, si fiat progressus; nam additis duabus rotulis, altera superiori Trochleæ, altera inferiori, erunt 7. series funis; additis alijs duabus eodem modo, erunt 9; quare, nisi regula falleret, signum esset in prima additione, dempta vnitate, sufficere virtutem subsextuplam, in secunda suboctuplam; quod tamen secundum illorum principia esset falsum. Cum enim Vectis assignatus in rotulis, quæ sustinent pondus in medio, semper augeat potentiam virtutis per dimidium, sicut posita virtute, vt 8. de se proportionata ponderi vt 8; primus Vectis seruiet, vt sufficiat virtus subdupla; quæ hic est 4. ad 8; secundus vt sufficiat dimidia subdupla. idest subquadrupla, quæ hic est vt 2. ad 8; ita tertius seruiet, vt sufficiat dimidia subquadrupla idest suboctupla,

pla, quæ hic est. 1. ad 8; & sic deinceps addito 4; vt sufficiat medietas vnus, quæ est, vt vnum ad sexdecim.

At iuxta regulam allatam tertius Vectis addens cum duabus rotulis superiori, & inferiori duas series funis, dempta vna, assignaret virtutem subsextuplam; quartus addens vterius alias duas series cum duabus rotulis assignaret virtutem suboctuplam, quæ scilicet esset vt 1. ad 8.

Quare à principijs illorum regula discordat; at cum vera regula bona sit, exceptis duobus primò notatis, quæ sunt corrigenda in illa, falsitatis arguuntur principia, quibus ratio vectis constituitur in rotulis inferioris Trochleæ vt ab ea augmentum virtutis desumatur: concordat autem regula cum praxi, & vtraque cum principio vniuersali, parte secunda explicando, ex quo etiã illius veritas stabilietur.


## S E C T I O V.

### De Cuneo.



**C**Vneus est instrumentum ex materia solida, cuius basis solet esse quadrilatera ex altera parte longior; latera super basim sunt superficies sibi mutuò conuiuentes; ita vt duabus sibi oppositis in triangulum cuique proprium hinc indè terminatis, aliæ duæ ante completum triangulum desinant, per coincidentiam in linea, ad cuius extrema aliarum duarum cuspidēs terminantur. Ne mireris rei notissimæ obscuriorem esse descriptionem; sic enim in notissimis euēnit. Vis illius est in diuidendo continua, quæ si habeant fibras duras ab illis etiã iuuatur scissio; sicut cum quis extrema diducta manibus in diuersa vrget; si fibræ vterius exten-

extendantur duræ, tantò faciliùs causat vltiorem separationem, quantò illa extrema fuerint à loco scissionis vltèrius faciendæ remotiora; sequitur tamèn illa multò faciliùs per cuneum intèr dicta extrema progredientem, & eò faciliùs, quo is cæteris paribus in acutiorem angulum definit: quorum omnium ratio statim patebit applicato, vt videbimus, ad illa nostro principio, omnibus operationibus mechanicis communi, & singulis immediato. Constat etiàm, quod vbi fibræ duræ non profunt; Cuneus valeat ad diuisiam vltèriùs inuicem remouenda. Cunei vim cum Aristotele aliqui explicant per duos Vectes primi generis, qui per sui medias partes fulciantur in extremitatibus diuidendorum; vel remouendorum, quas attingunt, postquàm inter illa per sui cuspidem aliquantulùm penetrauerint; operentur verò ad vincendum resistens per sui extrema, quibus in acumine Cunei coincidunt.



Alij recentiores per Vectes secundi generis, qui in acumine Cunei per coincidentiam se mutuò fulcientes, per media, quibus attingunt diuidenda, vel remouenda, vrgeant hinc inde illa ab inuicem. Sed contrà huiusmodi Vectes operantes in Cuneo apertas instantias attulimus in folijs primò publicatis, quæ afferemus Parte 2. pag. 2. Nunc reiciamus explicationem eorum, qui volunt latera Cunei, quibus attingunt diuidenda, vel remouenda, esse veluti plana inclinata, supèr quæ illa in ingressu Cunei moueantur,



tur; & quia facilius pondera per planum inclinatum eleuantur; quam per erectum perpendiculariter; ideo forma Cunei proffit, vt illa, facilius sic mota super eius latera, facilius abiungantur ab inuicem; ex quo vltius sequatur, vt existente tantò maiori facilitate motus in plano inclinato, quantò maior fuerit eius inclinatio; ideo Cuneus in acutorem angulum desinens; cum latera habeat magis inclinata, maiorem causet facilitatem in motu diuidendorum, & remouendorum super illa; & sic faciliorem diuisionem, vel remotionem. Videtur reijci hic modus philosophandi; quia cum ex vna parte plano inclinato pondus innitatur, quod erecto solum adhæret, & planum magis inclinatum magis præmatur à pondere ipsi innitente: Ex alia verò qui vritur Cuneo non pondus vrgeat supra planum de se consistens, sed moueat planum subiiciendo illud tali, ipsum in ingressu suo prementi; non potest inclinatio laterum subintrantis Cunei inter diuidenda, vel remouenda; vt inclinatio planorum est, dare facilitatem eius ingressui, nec maior laterum eius inclinatio dare maiorem; cum ex ijs sequatur maior pressio super illa.

Constabit autem ex vero principio augmenti virtutis per Machinam, & sic facilitatis motus ab illa in resistente, cur inclinatio laterum Cunei ad huiusmodi facilitatem conferat, & maior ad maiorem. Modò satis sit, exclusis alijs modis explicandi vim Cunei, quæ per nostrum principium statim patebit, parasse nostro principio confirmationem.

Solet incuti impetus Cuneo, percussione per malleum, vel aliud instrumentum exercita; in qua sicut maior conatus percutientis, ita & velocior motus mallei, qui cæteris paribus sequitur posito eius manubrio longiore in manu percutientis, seruit ad maiorem impetum incutiendum; concipiunt enim quæ mouentur ab vrgente extrinseco, & quæ cientur virtute intrinseca, maiorem impetum ex motu velociori,



*Sectio 6. de Vite, seu Cochlea.* 17

velociori, dùm virtus mouens cum in illis applicatione sui causat, quod vero impetus, qui per centum passus transportasset malleum vnius Libræ, si malleus percutiat resistens vt centum, sit illud promoturus per passum, non potest ita facilè agnosci, vt hæc regula praxi seruiat; cum non constet, qua proportionè imperus omnibus partibus consequenter positus imprimatur, nec sit certa ratio mensurandi resistantiam, quæ consurgens ex combinatis conditionibus mobilis, motui protali medio, potest pulsi imminuere motum.

*S E C T I O V I.*

*De Vite, seu Cochlea.*




**V**itis est instrumentum ex corpore solido striato secundùm spirales ductus, qui helices dicuntur vt vides in; Fig. E. D. cuius vsus multiplex, & vis ad aperienda, quæ videntur imperuia, & ad eleuanda pondera, si ritè applicetur, insignis est.

Explicant eius potentiam aliqui per latera Cunei, circumposita Cylindro v.g; & ita nullam in ea aliam virtutem agnoscunt, quam Cunei. Alij considerant helices in vite velut plana inclinata, designata per latus trianguli certo angulo oppositum, & parallelam illi ductam; si enim spatium illis comprehensum præcidatur, & circumponatur Cylindro v.g. ita vt, quod præcisum est de latere altero, angulum cum ipso constituyente, coincidat cum extremitate Cylindri, describuntur helices vitis. Verum cum ij ipsi, qui potentiam Vitis, seu Cochleæ explicant per Cuneum modo dicto, ipsam Cunei vim tandem reducant ad facilitatem

remotus per plana inclinata, vt supra vidimus: Vtraque explicatio adiumenti per helices tandem coincidit; & per supradicta de Cunei potentia male sic explicata, simul cadit. Parte 2. agnosces, sicut in alijs Machinis, ita in hac, vim nostri Principij.

Adhibetur miro successu Cochlea ad eleuandam aquam



autore Archimede: Circūponitur Cylindro E.D. Tubus secundum spiras helices, altero eius extremo D. ad certam mensuram eleuato, altero E. immerso aquæ: tum conuoluitur Cylindrus, ita vt os hians Tubi ex inferiori parte aquæ, cui immergitur, eleuetur versus superiorem; continuata enim tali conuolutione in superiori parte cylindri D. ex Tubo ibi aperto aqua effluet; cuius effluxū si continuare abundantius velis, plures huiusmodi Tubos per spiras helices circumpones Cylindro, ita vt eius superficiem vestias: maioris artificij est vestire sic superficiem Coni, cui sit præcisus vertex; Tubi tamē à basi illius laxiores debent sensim in progressu coartari; & est operæ pretium ex maiori aquæ abundantia, quam Conus excipiens intrā Tubos, quibus vestitur, ad basim sic apertos, & per conuolutionem dictam eleuans, è superiori parte effundit.

Huius effectus mirabilitas singulariter in eo se prodit,  
quod

quod ascensus aquæ per cochleam obtinetur, aqua suo pondere semper in decliviora tendente. quod ut aliquomodo percipias, designa Triangulum *A. B. C.* in charta, seu lamina subtriliori, & alicui eius lateri *C. B.* duc parallelam intervallo aliquo, quod sit instar latitudinis Tubi adhibendi, & extende illam, ut reliqua Trianguli latera *A. B.* & *A. C.* secet; latitudinem sic terminatam præcide, & secundum latus truncatum appone lineæ terminanti basim Cylindri; ibi enim firmata, & circumvoluta per latus integrum *C. D.* & parallelam, complectetur cylindrum, progressu secundum spiras ordinato. sicut autem in Triangulo *A. B. C.* dictum latus *C. B.* integrè assumptum posito quod iaceret alterum *A. D.* cum quo constituebat angulum, censeretur habere determinatam elevationem supra planum horizontale, quæ mensuraretur dicto angulo; & illam amitteret, si latus iacens erigeretur, ut cum plano horizontali constitueret angulum prædicto angulo æqualem; si quidem, posita tali erectione sui, dictum latus constitueret ad latus assumptum, & ad planum horizontale angulos alternos æquales; & sic latus assumptum esset necessario parallelum horizonti. Similiter si Cylinder, cui latus assumptum, & ducta ei parallela ad spiras helicas constituendas, circumposita sunt, inclinetur supra planum horizontale ita, ut diameter basis cylindri constituat cum illo angulum æqualem ei, quem latus assumptum ad spiras helicas constituit cum truncato appposito ad orificium cylindri; planum secans cylindrum aliquomodo per lineam helicis, & pertingens ad dictum angulum, assumi poterit ut aliquomodo parallelum horizonti, ita ut diameter basis cylindri faciat cum utroque plano angulos alternos æquales.

Addidi in hac comparatione particulam (aliquomodo) quia in rigore Geometrico non potest duci planum secans Cylindrum per lineam iam adhibitam ad formandam heli-



cem; quæ hoc ipso, quod est ei in spiram circumuoluta, non est in vna superficie plana; nec mensura anguli, assumpti de supradicto triangulo, potest esse in rigore mensura inclinationis helices: nihilominus cum istæ æqualitates angulorum, & planorum situationes assumantur ad operationem physicam, non egent mensura rigorosa, & facile per temperatam inclinationem Cylin dri, de qua mox, vitari potest ne discrepantia geometrica noceat fini intento.

Atque ita dici potest cum dicta cautela, quod plana, quæ secabunt Cylindrum per ductus helices, ad eandem lateris positionem correspondentes primo, erunt similiter aliquomodo horizonti parallela: quare si augeatur tantisper inclinatio Cylindri versus horizontem, inclinabuntur pariter versus illum prædicta plana, quæ in priori situ Cylindri erant illi physicè, ut ita dicam, parallela. Ex quo sequitur aquam, per crificium inferius in Tubum ingressam, dum illud, conuolutione cylindri ab inferioribus ad superiora apertum eleuabitur, in occurrente latere helices cum decliuitate supradicta descensuram, cui, eadem Cylindri conuolutione pergente, occurreret aliud latas ad eandem positionem cum sua simili decliuitate similiter disposita. Cum igitur per dictam conuolutionem cylindri eleuetur semper illa pars lateris Tubi, ex qua debet defluendo aqua recedere, sequitur quod semper latas helices, ad eandem positionem consequenter occurrens, ad quam aqua peruenit, sumptum secundum se totum, & comparatum præcedenti, eleuetur supra situm, in quo erat præcedens, quando aqua antecedenti motu defluebat in ipso; quia tamen in vno quoque latere ad eandem positionem, & correspondentem præcedentibus, signabili, retinetur in tali situ cylindri semper decliuitas in anteriora illius, necessario aqua, sic pergendo intra illa in anteriora, descendet; & nihilominus, quia latera sequentia semper sunt eleuatiore præcedentibus descendendo in illis, cum illis ascendet.



## S E C T I O V I I.


*De Complicatione plurium Machinarum.*

**D**. Vas ex pluribus hic propono; alteram ex progressu similium; alteram ex compositione dissimilium.

Prima igitur fit per rotas plures suis axibus sustentatas, ita tamèn dispositas, vt ultimæ sit insertus Cylinder, cui debet conuolui funis alligatus resistenti; singulis autem ad latus, vel connexa sit rotula minor eodem motu maioris rotanda, vel eius suppleat locum Cylinder singulis insertus, & ad similem positionis differentiam cancellatus; vt cancellis ingeri possint dentes rotæ subsequenter, qui ex illorum motu sunt impellendi: sic enim seriatim dispositis rotis pluribus, & inserto manubrio in Cylindrum cancellatum, omnibus præpositum, fiet motus à virtute, illi proxime applicata, in gyrum, & per illum mouebitur prima rota per suos dentes illius cancellis successiuè insertos; quemadmodum secunda à dentibus rotulæ ad medium primæ illi cohærentis, vel cancellis Cylindri illi, vt diximus, inserti, & sic deinceps. Hoc modo agnoscunt plures Vectes primi generis concurrere ad vincendum vltimum resistens, quorum fulcimenta sint per axes Cylindri, & rotarum sustentatos in lateribus continentibus integram Machinam, inter quæ sunt dispositæ, & consertæ rotæ; ita vt immediatè virtus applicetur Vecti contento in dicto primo Manubrio: in secundo per cancellos Cylindri motos, & mouentes Vecti contento in prima Rota: tertio per dentes primæ rotulæ vel cancellos secundi Cylindri similiter motos, & mouentes Vecti contento in secunda, & sic deinceps. non apposui pro Cylindro cancellato cochleatum; licet multùm faciliorent motum ad vincendum resistens helices sua conuolutione successiuè pro-

propellentes dentes primæ rotæ, sibi confertos; ne mutarem progressum similium Machinarum.

Secunda sit ex Veste, Vite perpetua, Axe in Peritrochio,



& Trochlea. Si quidem Manubrium insertum voluendo  
cylind-

*Sectio 7. de Complicatione:* 23

cylindro, cui circumpositæ sunt helices, habet rationem Vitis secundi generis; helices in Cylindro addunt vitem, cuius spiræ ita admittunt dentes rotæ appositæ, vt quot eius conuolutione propelluntur, totidem successiue admittantur propellendi, & constituunt vitem perpetuam: rota autem habens pariter pro axe Cylindrum, supra quem conuoluitur funis, constituit Axem in Peritrochio; & quia funis non necitur immediatè resistenti, sed medijs Trochleis, de quibus pendet resistens vincendum, vltimum locum tenent Trochlææ.

Et hæc de aliquarum Machinarum compositione, quæ insignitè iuuat virtutem mouentem, & de Machinis communiter vsitatis indicasse sit satis.



# PARS SECVNDA.

## De vero Principio augmenti Virtutis per Machinam.

### SECTIO I.

*Expenditur Aristotelis sententia de principio  
auctæ per Machinam potentie.*



**A**RISTOTELES, qui primus eorum, quæ per Machinas fiunt, mirabilium causas inuestigasse videtur, & in quæstionibus suis machinatricem artem constituisse, in earum præmio velut vniuersale principium statuit, quo tota ars nitatur, cum ait, [omnium huiusmodi causæ principium habet circulus] tunc verò propositis quibusdam, quæ videntur in circulo admiratione digna, illud ipsum principium sic confirmat [ea, quæ circa Libram fiunt, ad circulum referuntur, quæ verò circa Vectem, ad Libram; alia autem ferè omnia, quæ circa mechanicas fiunt motiones, ad Vectem] hæc ille; ita ut ex illius sententia circulus in omnibus machinis virtute contineatur, & virtutem omnium ipse contineat.


Quæ tamèn miriùs sunt intelligenda, ne veritati prorsus repugnent: neq. enim in alijs Machinis, quæ sunt in usu, ferè omnibus ratio Vectis reperitur, Nec mechanica motio, quæ sit fulcimento non consistente, secundùm circulum.



*Sect. I. Expenditur Arist. de Vi mach. 25*

exercetur: cum de ratione circuli, per delationem lineæ describendi, sit consistentia alterius extremi illius; fulcimenti autem inconsistentia non se habet per accidens ad illam motionem mechanicam, cui si non adesset, necessario procuranda foret ab arte ad finem intentum; cum progredi, quo, & qua ars intendit, Mota nequeant, nisi motione, quæ sit mixta, fulcimento pariter moto; vt agitationem naus per remos consideranti patebit. Sicut igitur Aristoteles, vt mox explicabimus, proponit motum secundum Circulum tanquam motum ex progressionem secundum naturam virtutis impellentis, & retractionem præter naturam facta à centro, & nihilominus vt motum maximè machinalem illum agnoscit; pariter motus per tale machinamentum factus, concurrente motione fulcimenti ad constituendum motum aptum ad finem intentum, vt motus machinalis agnoscendus erit, non tamèn propriè secundum circulum exercitus.

Neque exactiùs loquendo verum, omnem Vectem ad Libram referri; cum de ratione Libræ sit, vt fulcimentum me-



diet inter pondus, & virtutem æquiponderantem, vel mouentem;

uentem ; & inter vectes , qui sunt in vfu , licet ille , cuius fulcimentum est inter pondus , & potentiam , quæ Vecte vtitur , ad illud sustinendum , vel mouendum , ( vt apparet in prima figura ) sit instar libræ , cuius brachia sunt inæqualia , & fulcimentum infra constitutum , vt videre est in 2. figura ; is tamen , cuius fulcimentum est in extremo illius , pondus verò intèr fulcimentum , & potentiam in opposito extremo collocatam ( vt proponitur in 3. figura ) prorsus est à libra diuersus .

Denique ratio Vectis non reperitur in cuneo , multò minùs in machinis , quæ motù secundùm helices peragunt . Aristoteles quæst. 17. assignaturus causam cur [ *à paruo existente Cuneo magna scindantur onera , & corporum moles , tamque valida sit impressio* ] agnoscit in lateribus Cunei duos Vectes inuicem oppositos , & concurrentes in vertice illius , quibus vtamur per virtutem , percutiente malleo , impressam ad basim cunei ; & iuxtà conditiones Vectis primi generis , singulis pro fulcimento assignat extremitatem corporis scindendi , vel mouendi , ad quam peruenit linea diuidens partem Cunei ,



quæ cum Vertice illud subintrauit à parte eiusdem extrà illud remanente , vt patet in figuris 4, & 5 ; onus autem remouendum à singulis vult esse id , quod singulis ad Cunei Verticem

*Sect. I. Expenditur Arist. de Vimach. 27*


ticem obistere intelligitur. Verum cum operatio Cunei perficiatur, esto nec vertex, nec partes vicinæ vertici aliquid dimouendi corporis attingant, sed illæ solum, quæ sunt inter extrema distrahendi corporis pro fulcimento assignata, euidens est vim Cunei secundum talem rationem Vectis minimè exerceri.

Immo quando partes vicinæ cuspidi Cunei attingunt corpus diuellendum, quæ ad dexteram illud attingit, nullo modo potest dici pertinere ad Vectem assignatum ad sinistram, cum necessariò dicenda sit spectare ad illum, qui ad dexteram basis incipiens, ad cuspidem usque Cunei excurrere concipitur. Quod si ex tali percussione in basi per malleum facta, dicatur per vnâ partem, ad cuspidem pertingentem vrgeri alteram cum eadem in cuspidem coëuntem ad impellendas partes corporis diuidendi, dicatur etiâ, quod dum hinc inde altera alteram premit, sibi mutuo potius resistunt, quàm se mutuo vrgeant ad corpus hinc inde diuellendum.

Neque dici potest partem, quæ ad cuspidem Cunei concipitur impellere partes corporis diuidendi ad dexteram, v.g; pertinere ad Vectem pariter ad dexteram assignatum; cum id omninò sit contrà rationem Vectis, de quo est figura 1. quando scilicet fulcimentum mediat inter onus, & potentiam; in eò enim extremitates semper mouentur in contrarias positionis differentias, dum semper onus mouetur ad situm oppositum ei, in quem inclinat potentia premeudo.

Minus placuit hæc assignatio primi Vectis in Cuneo Guidaldo à Monte, atque ita in suis mechanicis, tractatu de Cuneo, eum redegit ad Vectem secundi generis; quotiès scilicet, vt in figura 3, fulcimentum est in altero extremorum, & resistens diuellendum v.g. mediat inter fulcimentum, & potentiam, alteri extremo applicatam: quare duos

secundi generis Vestes in Cuneo constituit, qui in illius cus-  
pide sibi inuicem aduersantes per sua extrema fulciantur,  
& virtute in oppositis extremis ad basim per incussionem  
mallei accepta, vrgeant per sui media extremitates cor-  
poris diuellendi, ad quas pertingit linea, distinguens par-  
tem Cunei, extrà tale corpus extantem, ab ea, quæ subin-  
gressa est.



Sed neque operatio Cunei per talem Vestem explicari  
potest: si quidem vbi aliquid Cunei subintrauit partes di-  
strahendas, aliquomodo secundum initia diductas, potest  
Cuneus per vim incussam tam facile vrgere extrema illarum  
hinc inde (velut pondus sibi obfistentia,) si verticem ab illis  
habeat multum distantem, quam facile vrget, si parum di-  
stantem; immò facilius; & de facto facilius scindit Cuneus  
in acutiorem angulum desinens in figura 5. Licet com-  
parando partem, quæ ingressa est corpus scindendum,  
ad eam, quæ extra illud remanet, eandem habeat pro-  
portionem distantiae, immò maiorem ea, quæ reperi-  
tur in Cuneo, qui secundum angulum minus acutum appli-  
catur figura 4; ergo non adest ibi ratio Vestis, quæ secun-  
dum proportionem distantiae tam oneris, quam potentiae à  
fulcimento in altero eiusdem constitutio operatur; vt quo  
maior est excessus distantiae eiusdem virtutis à fulcimento,  
suprà



*Sect. I. Expenditur Arist. de Vi mach. 29*

suprà distantiam resistentis ab eodem, eò faciliùs talis virtus superet resistentem.

Adde, quod idem operabitur Cuneus, si cuspidè careat, solumque aliquid Cunei decurtati residuum sit inter extrema diuellenda; illa enim pars Cunei, quæ iam subintrauit, & sæpè saltè non attingit amplius partes corporis diuellendi, vt videre est figura 4. & 5. perindè se habet ad ampliandam scissionem, siuè adsit, siue non: Sed solum ad id confert pars, quæ per impulsu alterius pergen- do, talia extrema diuellit magis ab inuicem, secundum proportionem suæ maioris crassitie successiuè subintrantis. Et si quis cuspidem in Cuneo decurtato imaginaretur, suæ paritèr imaginationi deberet Vestem in Cuneo assignatū, qui verè in sui ratione non adest. Nihilominùs Cuneus motum machinalem perficit, quo potentia debilior superat validiùs resistens; cuius vera ratio constabit ex causa omnibus machinis communi, quàm ex multiplicatione virtutis in nostra Sententia afferemus.

*S E C T I O I I.*

*Quomodo in Aristotelis doctrina, & cur, facio  
secundum circulum motu, vis debilior in  
maiori distantia à Centro applicata  
faciliùs moueat.*

**A**ristotelis intentum non fuit probare solum in circum-  
uolutione lineæ per alterum extremum, velut cen-  
trum, consistentis, punctum longiùs à centro distans velo-  
cius moueri; ad hoc enim sufficiebat proponere illud mo-  
ueri velociùs, quod æquali tempore maius spatium pertran-  
sit,

fit, maiorem verò lineam æquali tempore cum minori conuolutam maiorem circulum describere, & ita extremitatem illius, longius à centro dissitam, maiorem describere circumferentiam; & hinc inferre velocius moueri. Sed uoluit, assignando causam dictæ maioris velocitatis in operosa demonstratione geometricè designata, concludere potentiam, in extremitate magis distantia applicatam, mouere facilius, ut expressè subinfert in solutione quæst. 3. de Vete; & sic tandem inferre in tali maiori distantia sufficere minorem virtutem ad sustinendum pondus vel mouendum, cui fundamento, tamquam ab Aristot. sufficienter constituto, nituntur, quæ Archimedes docet. lib. de Aequiponderantibus, dum ut Postulatum secundum, sine ulla probatione præmittit [*æqualia grauiæ ex inæqualibus distantijs non æque ponderare, sed præponderare ad graue ex maiori distantia.*]

Causam igitur maioris, & minoris velocitatis, secundum quam mouentur, quæ à centro magis, vel minus distant, assignat Arist. ex duobus, quæ ad motum in gyrum concurrunt velut opposito modo, & quidè vario pro varia distantia extremi mobilis à centro; Et sunt virtus motiua, quæ de se illud incitat in directum tali motu, qui esset illi sic ab ea moto secundum naturam, & vis retentiua centri, quæ cogit mobile deuiare à rectitudine per deflexionem, quæ eidem, à virtute motiua incitato, est præter naturam. Quod itaque propius est tali principio retentiui plus impediatur, ne obediat virtuti motiue, deflectendo magis à motu recto, ad quem ab illa inclinatur, motusque illius propterea fiat magis in transuersum, & præter naturam, adeoque tardior; sed extremum lineæ breuioris, ut potè vicinius centro, & ita principio retentiui, plus participat in suo motu de flexu præter naturam; ergo tardius mouetur. Sicut è contra, quod plus distat à principio retentiui in centro, minus retrahitur, & ita magis obsecundat virtuti motiue,





D. C. & B. E. minoris verò N. P. & M. O. Deinde à puncto B. extremo diametri maioris circuli ducatur in utramque partem tangens B. K. æqualis, & parallela ipsi A. D. & B. R. parallela, & æqualis ipsi A. C; & iunctis æqualibus, & parallelis per lineas K. D. & R. C. compleatur rectangulum D. K. R. C. Iam si semidiameter A. B. intelligatur moueri, circulum describens, & peruenire ad punctum, vnde digressa est, manifestum est quod ad spatium A. B. reuertetur. Similiter linea A. M. conuoluta persistente extremo A. redibit ad spatium A. M. In taliautem motu conuolutionis extremum lineæ A. M. quia plus retrahitur à centro, tardius mouetur, quam extremum A. B, quod retrahitur minus à motu in directum, & naturaliter.

Ducatur enim linea A. L. F. bifariam v.g. diuidens quadrantes A. M. P. & A. B. C.; & à puncto L. ubi secatur quadrantem minoris circuli erigatur perpendicularis ad ipsam A. M. quæ sit L. Q. Rursus ab eodem puncto L. ad latus R. K. rectanguli K. C. extendatur parallela Semidiametro A. B, & sit L. S, & ubi illa secatur in puncto. S. maiorem circulum, erigatur similiter alia perpendicularis ad A. B, & sit S. T. Denique à puncto F; ubi terminatur linea diuidens bifariam quadrantem B. C. maioris circuli, dicatur tertia perpendicularis ad A. B; quæ sit F. X.


Hac constructione peracta erunt L. Q. S. T. æquales cum sint latera rectanguli T. L. opposita; at verò linea B. T, quam perpendicularis S. T. abscindit de semidiametro A. B. maioris circuli, minor erit quam M. Q. quæ à linea L. Q. abscinditur de A. M. semidiametro circuli minoris. Nam si æquales rectæ cadant perpendiculariter à circumferentia in diametrum in circulis inæqualibus, quæ est in maiori circulo secatur minorem partem diametri, siquidem respondet velut chorda parti circumferentiæ minus curuæ, vt constat ex demonstratis de sinibus; Sed L. Q. & S. T. mesurant  
motum



*Sect. 2. Cur facilior motus in maiori circ. 33*

motum secundum naturam à virtute indirectum prementis per spatium æquale; at vero B. T. & M. Q. mesurant retractionem præter naturam versus centrum; ergo in spatio æquali motis secundum naturam A. B. & A. M. magis retracta est extremitas M. minus distans à centro in linea A. M. quàm extremitas B. magis distans ab illo, in linea A. B. ergo linea A. M. per æquale spatium secundum extremitatem M. mota est cum maiori resistentia, quàm A. B. secundum extremitatem B.

Verum cum sit rationabile;



ut in motu utriusque lineæ circumlatæ A. M. & A. B. Sicut se habet id, quod est secundum naturam in motu extremitatis M. ad id, quod est præter naturam in eodem; ita se habeat quod est secundum naturam in motu extremitatis B. ad id, quod est præter naturam in illo; quo tempore extremum M. peruenit in L. etiã extremum B. peruenit in F. Nam ductis lineis L. M. F. B. existunt duo triangula L. Q. M. & F. X. B. æquiangula adinuicem: quare per quartam Sexti, ut se habet L. Q. ad Q. M. ita se habebit F. X. ad X. B. & permutando, ut L. Q. mensura motus secundum naturam lineæ A. M. per extremum M. ad F. X. mensura motus secundum naturam lineæ A. B. per extremum

B. ita se habebit Q. M. mensura retractionis, quæ præter naturam fit à centro, in M; extremo lineæ A. M. ad X. B. mensuram retractionis, quæ præter naturam fit à centro, in B. extremo lineæ A. B.

Quare cum in alio puncto, præterquam in F; non seruetur proportio, idest vt motus secundum naturam vnus ad motum secundum naturam alterius, ita qui præter naturam in vno ad eum, qui præter naturam in alio est; quo tempore punctum M. peruenerit in L. punctum B. peruenerit necessariò in F, hoc est extremitas remotior à centro mota erit tantò velocius, quanto maiore spatio decurso pro eodem tempore.

Concluditque Aristoteles explicationem huius fundamenti, cui tota vis machinatrix innitatur his verbis [*quàm igitur ob causam ab eadem potentia celerius fertur id, quod plus à centro distat, punctum, ex ijs, quæ dicta sunt, est manifestum*] nihil aliud tunc addens de facilitate de qua postea quæst. 3. sic habet [*quoniam autem ab æquali pondere celerius mouetur maior earum, quæ à centro sunt; duo verò pondera, quod mouet, & quod mouetur; quod igitur motum pondus ad-mouens, longitudo patitur ad longitudinem: Sempèr autem, quantò ab Hypomochlio distabit magis, tantò facilius mouebit*]

Hæc ille; vel ex causis maioris celeritatis inferens im-

mediate maiorem facilitatem, quod examina-

bimus quomodo rectè fiat; vel sumpta

pro principio sine probatione

ea propositione, de qua

Archimedes pro-

bationem

instituit primò Aequiponderantium

propositione 6; de qua

postea .

\* \*





minoris; si à puncto consistentiæ semotum postea secundum gravitatem descendat: nam, ut cum Aristotele dicebamus iuxta demonstrata de sinibus, æqualis linea ducta perpendicularitèr à circumferentia ad diametrum plus abscindit de diametro circuli minoris; quam de diametro circuli maioris; at id quod abscinditur de diametro, mensurat in Superiore quadrante motum naturalem deorsum; Linea verò perpendicularis ad diametrum mensurat motum præter naturam in transversum illi respondentem, factum ex alligatione alterius extremi ad centrum; ergò velocius consequentèr ad progressum Aristotelis & facilius dici debet moueri extremum M. lineæ breuioris vicinius centro, quàm extremum B. lineæ longioris magis distans ab illo, si intelligentur moueri in Superiore quadrante circuli.

Certè æqualis linea in utroque circulo ducta perpendicularitèr à circumferentia ad diametrum, ostendit æqualem motum præter naturam in tanto spatio ex alligatione ad centrum A. Sed in circulo minori iunctum maiori motui deorsum, mensurato à maiore portione diametri abscissa per talem lineam perpendicularem: paritèr si velimus de diametro minoris circuli abscindere minorem portionem, quàm ante, sed æqualem ipsi B. T. quæ ante abscissa est de diametro maioris circuli, & sit M. I. ut habeamus in utroque circulo mensuram æqualis motus deorsum facti in Superiore quadrante, euidentèr constabit existente in maiori circulo linea T. S. mensura motus præter naturam; tunc motui secundum naturam, mensurato per lineam B. T. non posse in circulo minori lineam Q. L. esse ampliùs mensuram motus præter naturam, correspondentis motui secundum naturam, sumpti in illo, & mensurati per lineam M. I. breuiorem quàm M. Q. ut abscissam de illa, & æqualem lineæ B. T; Sed mensuram talis motus præter naturam, sic correspondentis, esse necessariò breuiorem, quàm Q. L. & ere-





poterit secundum eandem ratiocinationem illius, supra propositam, probari utrumque in motione mechanica secundum circulum exercita euenire; quod scilicet longius à centro distans extremum velocius, & facilius mouetur, ut in quadrante inferiori; & quod longius distans à centro extremum tardius, & difficilius mouetur, ut in quadrante Superiori.

Quod si dicas secundò virtutem mouentem, in qualibet parte conuolutionis consideratam, vrgere de se in directum, secundum lineam tangentem circumferentiam, quam suo motu designat linea diametralis per extremum à centro distans; atque ita cum in qualibet parte dictæ conuolutionis semper per circumferentiam maiorem descriptam ab extremo lineæ longioris remotiori à centro, minus recedatur à tali tangente, quam per circumferentiam circuli minoris, descripti ab extremo lineæ breuioris viciniore centro; sequi manifestè motum per maiorem circumferentiam extremi magis remoti à centro, minus participare de retentione præter naturam, ac proinde velocius, & facilius exerceri, quod Aristotiles intendebat.

Suppositum est falsum de grauitate, quæ de se deorsum inclinatur, & non sequitur directionem tangentium passim designabilium modò ad hanc, modò ad illam positionis differentiam. Destruit præterea progressum Aristotelicæ ratiocinationis, procedendo diuersimodè in assignanda mensura retractionis factæ à centro præter naturam inclinationis virtutis mouentis, ut statim patet illam recognoscenti. Denique si applicetur quadranti superioris circuli, eandem cum illa patitur instantiam,

II. Videtur deficere Aristotelis discursus, quia non procedit ex ijs, quæ per se conueniunt circulo, & virtuti mouenti secundum illum: licet enim in aliqua combinatione particulari mouentium admitteretur talis proportio retractionis

*Secio 3. Contra Fundam. Arist.* 39

tionis præter naturam à centro, & progressus secundum naturam à virtute in extremo sic distante ab illo; nihilominus cum possit applicari ad mouendum virtus, quæ non impellat de se in directum illam extremitatem, cui applicatur, sed eam sibi circumlatæ vnitæ circumflectat in gyrum, nulla erit retentiuæ, quæ sit illi præter naturam à centro, & nihilominus velocius mouebitur à dicta virtute extremum lineæ longioris, magis distans à centro, & facilius ad vincendam resistantiam.

III. Quia etiam si ille discursus admitteretur ad probandam maiorem velocitatem in motu extremi magis remoti à centro; quia pro eodem tempore percurrit modo dicto maius spatium: nunquam tamen probaret maiorem facilitatem ad mouendum in spatio proportionali; immò ostenderet eam nondari. Si enim ex retractione præter naturam oritur difficultas, & in motu lineæ longioris secundum extremum magis distans à centro, quanto maior est motus secundum naturam pro tali tempore supra motum secundum naturam extremi lineæ breuioris, tanto etiam pro eodem tempore maior est retractio præter naturam à centro in tali motu ipsius, supra retractionem, quæ reperitur in minori motu extremi lineæ breuioris tali tempore pariter exercito; iam non maiori facilitate mouebitur extremum lineæ maioris in spatio maiori, quam extremum breuioris in spatio proportionali. Et quia in motionibus Mechanicis velut supra centrum in fulcimento exercitis fiunt motus per extrema breuiorum, & longiorum linearum proportionales secundum circumferentias, eadem erit difficultas mouere extremum lineæ longioris per tantam partem suæ circumferentiæ maioris, ac mouere extremum breuioris per partem illi proportionalem suæ minoris circumferentiæ; & consequenter æqualia pondera in distantijs inæqualibus à fulcimento æquè facile mouerent, quia secundum eandem propor-



proportionem mixtionis inclinationis, & resistentiae mouerent iuxta dicta, quod est contra intentum Aristotelis, & expressam legem, quam in motionibus mechanicis ex hac doctrina praescribit quaestione 3. de Vecte. Quod scilicet quanto ab Hypomochlio distabit magis, tanto facilius mouebit.

Non videtur igitur dictis, & probatis ab Aristotele de motione, & conditionibus Circuli niti sufficienter vis Machinalis, etiam determinate secundum Circulum exercita. Posset autem si satis proballet secundum proportionem excessus distantiae à centro supra distantiam resistentis motorem applicatum tanto facilius per se loquendo moueri. Statim enim inferri posset secundum proportionem excessus distantiae supra distantiam sufficere minorem virtutem respectu ponderis ad illud sustinendum, hoc est aequiponderandum, quod ipse eadem quaest. 3. de Vecte videtur insinuare illis verbis (quod igitur motum pondus ad mouens, longitudo patitur ad longitudinem) & consequenter aucta proportionem excessus distantiae supra distantiam, ut hanc illa magis excedat, quam virtus à pondere excedatur, tunc virtutem tanto minorem, applicatam in alterius maiori distantia, non solum sustinere, sed mouere. Aristotelis doctrina melius explicatur; & tertius coniungitur Parte Tertia in solutione trium obiectionum; primo propositarum pro illa.

## S E C T I O I V.

*Expenditur Archimedis doctrina de  
potentiae ratione in Vecte.*

**T**Entauit modò dicta demonstratione stabilire Archimedes, & cum eo alij ad propositionem Sextam lib. I. Acqui-




*Sect. 4. Expenditur Archim. doctrina. 41*

Aequiponderantium : sed ratiocinationes omnium , quos legere licuit , non effugiunt instantias , quas subijciam ad doctrinam Archimedis .

Qui duas magnitudines commensurabiles , sed inæquales secundum proportionem duplam (in textu illius est sesquialtera , sed perindè est) ex puncto C. æquiponderantes ex distantijs habentibus vice versa eamdem cum ponderibus rationem , diuidit per communem mensuram in partes sex v.g. & spatium inter illas duplicatum secatur paritèr in tot partes æquales , quot ex vtraque magnitudine assignatæ sunt . Tandem in distantijs æqualibus singulas ex vtraque magnitudine partes æquales appendit . Hac constitutione supposita videtur sic probare intentum .

Distribuitur v.g. sex magnitudinibus gravitate æqualibus in distantijs ab inuicem æqualibus , (vt apparet in figura 8.)



centrum gravitatis aggregati ex illis omnibus erit ad punctum medium C. circa quod numero , & pondere æqualia , in distantijs æqualibus consistunt ; quare si fulcimentum apponatur ad punctum C. consistente longitudine , in qua sic sunt disposita , fiet æquiponderatio , & quies .

Sed dùm omnium sex magnitudinum prædictarum, sic dispositarum; centrum gravitatis est ad C. ob eamdem rationem quatuor magnitudinum ex illis S.T.V.X. centrum gravitatis est ad punctum E. circa quod binæ hinc indè gravitates æquales in distantijs, æqualibus paritèr consistunt: similiter, & reliquarum duarum Z. M. centrum gravitatis ob eamdem rationem erit in D. Idem verò respectu communis centri gravitatis in E. præstant quatuor illæ, siuè re, maneant distantijs æqualibus inuicem distitæ circa illud, siuè simul unitæ ex illo pendeant. Similiter duæ illæ circa commune centrum gravitatis D; si ergo intelligantur (ut in figura 9.) quatuor S.T.V.X. collectæ pendere ex E, & illæ duæ collectæ pendere ex D, fiet consistentia, sicut quando sex pondere æquales in distantijs æqualibus erant distributæ.

Sed in hac dispositione, sicut magnitudo ex illis quatuor collecta in E. excedit magnitudinem ex dictis duabus collectam in D; ita vice versâ longitudo totius lineæ C.D, hoc est distantia ipsius D, ex quo pendet magnitudo ex duabus collecta à fulcramento in C, excedit longitudinem lineæ C.E. hoc est distantiam E, ex quo pendet magnitudo ex quatuor illis collecta, ab eodem C. Ergo si distantia ad distantiam ita se habeat permutatim, ut pondus ad pondus, seu virtutem, æquiponderabunt.


In hoc discursu, si quod assumitur (existente centro gravitatis omnium in C. simul quatuor ex ijs commune centrum gravitatis habere in E.) intelligatur de centro gravitatis, in quo illa absolutè spectata gravitate possint, nisi aliundè impediuntur, verum est: sed si intelligatur de centro gravitatis, in quo illa quatuor exerceant gravitationem, dùm exerceatur gravitatio omnium sex ad C. falsum est; siquidem appposito fulcramento ad C, magnitudo X. unitur cum alijs duabus Z. M. ad eandem positionem ultra punctum C.

ad

*Sect. 4. Expèditur Archim. doctrina. 43*

ad exercendam æquiponderantiam, respectu aliarum trium ad oppositam positionem ponderantium, non autem cum magnitudine V. existente in opposita positione ad exercendam pro eodem tempore ponderationem, & æquiponderationem ipsorum quatuor X.V.T.S. in puncto E.

Quod euidenter offenditur; quod si minuat, vel auferatur pondus X: eleuabitur pars Vectis, quæ est à C. versus Z. M. & deprimeretur opposita, ergo magnitudo X. ad illam partem vltà C. vbi Z. & M; quæ ipsa imminuta,



vel ablata eleuatur, constituebat ante in actu exercito suum pondus, & non cum alijs tribus V. T. S. in puncto C. ad partem oppositam: Siquidem talis pars, in qua V.T.S. cum ante consisteret, postea ipsius X, per imminutionem, vel ablationem eiusdem, remoto consortio, si quod aderat, statim deprimitur; deberet autem omninò eleuari si X. ante, dum fieret consistentia, ponderasset cum tribus V.T.S. in E. velut detracta parte cum illis tribus ante ad eandem positionem in E. ponderante.

In hoc Primo videtur consistere fallacia modi procedendi in tali ratiocinatione; quod scilicet supponat, dùm om-



nium sex magnitudinum ponderatio, & æquiponderatio exercetur in C. ipsarum quatuor X.V.T.S. ponderationem, & æquiponderationem exerceri pariter etiam in E. nam assumit illas in proprijs distantijs æqualibus idem præstare, respectu puncti E, ac si simul iunctæ ex puncto E. solum penderent.

Secundò quod etiam si, dum sex magnitudines in gravitate æquali, & distantia dispositæ exercent ponderationem, & æquiponderationem ad punctum C, quatuor ex illis modo dicto exercerent etiam eam ad punctum E. quando posita assumunt idem omninò esse respectu totius ex omnibus sex collecti, si ipsæ quatuor X.V.T.S. vnitæ pendeant ex solo puncto E, ac si remaneant, ut prius dispositæ in distantijs æqualibus, per propria singularum gravitatis centra, punctis sic æqualiter distantibus respondentes, paralogizant: prius enim X. per suam dispositionem cum Z. M, habens suum momentum cum iisdem ad positionem eandem ultra C. determinabat punctum C. dispositis alijs numero, gravitate, & distantia æqualibus ad positionem oppositam, ut esset illud, circa quod æqualia existerent momenta: facta autem mutatione dispositionis, suspensis quatuor X.V.T.S. vnitis ex puncto E. iam magnitudo X. ultra C. ad positionem, in qua existunt Z. M. nihil prorsus habet, sui momenti, & ita non perinde se habet, ut prius se habebat respectu reliquorum ad constituendam, & probandam æquiponderantiam omnium per commune centrum, gravitatis in C.

Quod si transposita magnitudine X; & cum alijs tribus V.T.S. suspensa in puncto E; & remanente fulcimento ad C. adhuc perseverat æquilibrium, id dici poterit provenire ex eo, quod in ista pariter dispositione illarum remanet vera causa consistentiæ, quam hæc, & similes probationes non agnoscunt, & quam mox subiungemus & proponemus exami-



*Sectio 5. Verum Fundam. Mech.* 45

examinandam, ut verum, primum, & vnicum fundamentum Mechanicarum morionum, & consistentiarum, quæ ex modo applicationis per Machinam à virtute, alioqui de se minori, & impari ad eas præstandas, exercentur.

Progressus Archimedis, & eius debilitas distinctius cognoscetur ex dicendis Part. 3. sect. 2, in qua instantiæ contrà illum hic positi, solutis obiectis, stabiliuntur.

*S E C T I O V.*

*Explicatur vera Ratio auctæ per Machinam potentie.*

**A**ccipio primò omnia mensurabilia eiusdem generis, & commensurabilia inæqualia hoc habere; ut nihil sit in ijs tam magnum, quod non possit æquari, immò superari multiplicatione alterius in determinata quantitate minoris. Cum enim omne finitum ablatione finiti in determinata quantitate tandem consumatur, si secundum talem ablationem à maiore fiat augmentum minoris, euidenter constat posse ipsum æquari maiori, & tandem illud excedere.

Placet autem perspicuitatis, & breuitatis causa in foliis commensurabilibus doctrinam proponere, quàm constabit, ex dictis ad propositionem 7. primi æquiponderantium, ab Archimede, posse etiam incommensurabilibus applicari; & secundum Mechanicam applicationem incommensurabilia pondere reduci ad æquilibrium.

Accipio 2. tantumdem esse, saltem non minus valere, in ordine ad motum perficiendum, virtutem moriuam, ut vnum, successiue applicare ad mouendum per spatium, quinque palmorum v.g. correspondenter vni palmo post alium; atque successiue applicare quinque virtutes, ut vnum, vnam

vnam post aliam; ita vt singulæ pro singulis palmis mo-  
ueant: cum enim, facto motu per primum palmum, virtus,  
vt vnum, supersit potens pro sequenti palmo præstare quic-  
quid potest quælibet alia ipsi æqualis, alioquin non essent  
potestate æquales, tantumdẽ modo dicto erit eam, quæ  
motum effecit per primum palmum pergere vltèrius ad mo-  
uendum per secundum, atque loco illius aliam substituere  
æqualem ad mouendum per secundum, & sic deinceps.  
Quarè vis mouens successiue per spatium quinque palmo-  
rum, iu ordine ad sic mouendum, æquiualeat quinque vir-  
tutibus, quarum vna post aliam applicentur singulæ ad mo-  
uendum per spatium vnus palmi. Virtus ergo, quæ con-  
tinuè mouet, secundum diuisibilitatem motus in ordine ad  
partes spatij, æquiualeat alijs virtutibus sibi æqualibus, quæ  
successiue applicentur ad mouendum vna post aliam, sin-  
gulæ pro singulis dictarum partium; & ita virtus continuè  
mouens æquiualeat replicatur in partibus spatij ad effi-  
ciendum in ijs talem motum.

Accipio 3. si ad sustinendum, mouendumque aliquod  
pondus, aut vincendam aliquam resistantiam sufficiat vir-  
tus vt quinque v.g. perindè esse in medio apto v.g. aere,  
applicare solum vnum, quod habeat virtutem, vt quinque,  
acque applicare quinque, quæ singula habeant virtutem vt  
vnum. Dantur enim effectus ad quos præstandos extensio  
æquiualeat intensionis; vt in materia de qua loquimur, tan-  
tumdẽ in medio apto v.g. aere ponderant quinque corpo-  
ra, quorum singula sint vnus libræ, ac vnum quod dicatur  
esse quinque librarum, continens scilicet tanto plus graui-  
tatis sub tanto minori extensione; ac tantumdẽ valent de-  
cem homines, quorum singuli possint sustinere centum li-  
bras, debitè applicati ad sustinendum onus mille librarum,  
quantum valet vnus, qui possit solus mille sustinere.

Ex quo infertur consequentè ad supradicta, quod si ad  
mouen-

mouendum aliquid sufficiat virtus, vt quinque, & hæc sup-  
pleri possit per quinque mouentia, in quorum singulis sit  
Virtus, vt vnum; posse etiã suppleri per applicationem  
vnius habentis virtutem, vt vnum, quinquies replicatam; si  
secundum illam sic replicatã possit æquiualeere illis quinque.

Accipio 4. In motibus, qui eodem tempore sunt cum  
differentia velocitatis maioris in vno, quàm in altero: quod  
licet singulæ partes velocioris sint vna post aliam, & com-  
paratæ inter se, nunquàm pro duratione vni correspondente  
existat alia; attamen, comparatæ ad partes tardioris in da-  
ta proportionem, semper retinent simul dictam proportio-  
nem excessus; cum respectu tardioris totius, & cuiuslibet  
partis signabilis illius sit maior velocitas secundum datam  
proportionem in altero. Dato igitur motu in quintupla  
proportionem velociori respectu alterius sic tardioris, sicut  
totus respectu totius, ita partes vnius ad partes alterius, pro  
æquali mensura temporis signabiles, habent excessum suum  
velocitatis, vt quinque ad vnum; & sic respectu totius, &  
cuiuslibet partis illius ponunt, vt quinque cum vno; ita vt  
comparatione dicti vnius non habeat excessus, vt quinque,  
successionem: alioqui si dùm correspondet excessus, vt vnum,  
non corresponderet similiter, vt duo, vt tria, vt quatuor,  
esset assignare aliquid talis motus tardioris, cui pro aliquo si-  
gnabili temporis in velociori non corresponderet, nisi velo-  
cior, vt vnum, vel velocior, vt duo &c. quod est impossibi-  
le, pro tunc enim esset, & non esset velocior, vt quinque.

Esto igitur in motu velociori sit omnium partium suarum  
successio vnius post aliam, vt nequeant inter se duratione  
penetrari; respectu tamèn motus tardioris in dicta propor-  
tione dici potest, rationem talis excessus, vt sic, non habere  
successionem, sed simul esse.

Collige ex his; quod quia secundum dictam proportio-  
nem virtus vt vnum v.g. in motu velociori, vt quinque ap-  
plicatur



plicatur ad mouendum pro tanto spatio, quod in quolibet signabili sui se habet, vt quinque ad vnum respectu spatij, in quo correspondentèr fit sic tardior motus; æquiualebit ipsa virtus, vt vnum, pro toto spatio in tali proportionẽ excedenti mouens, quinque motoribus sibi æqualibus, qui successiuè vnus post alium singuli pro tanto talis spatij applicarentur admouendum.

Sed quinque motores, vt vnum, respectu ponderis, vt quatuor v.g. dùm retinerent pro quocumque signabili temporis in dicto motu velociori ad illud datam proportionem, vt quinque ad quatuor, superarent illud, ergò etiã virtus, vt vnum, quæ pro quocumque signabili in motu, secundum datam proportionem velociori, æquiualeat illis quinque, præualebit respectu ponderis vt quatuor.

In ista igitur connexionẽ virtutis minoris cum alio ipsam simpliciter excedente, secundum quam sic applicantur, vt, si moueantur, necessariò pro eodem tempore motus minoris sit maior respectu motus excedentis in eadem, vel etiã in maiori proportionẽ, quam sit excessus illius simpliciter accepti supra minorem, consistit totum artificium Machinæ vt sic, quæ assumitur ad adiumentum virtutis minoris ad æquiualendum, vel præualendum potentiori; quia cum hac connexionẽ minus potest æquiualeat maiori, & ita causare consistentiam, vel etiã illud superare, & sic mouere vincendo resistantiam illius: licet enim absolutè sit minus; in tali tamèn applicatione in ordine ad actum secundum, qui iuxta eam natus est sequi secundum talem proportionem, vel æquat, vel excedit; & augmentum virtutis per machinam est à replicatione ipsius in motu velociori, secundum quam æquiualeat multiplicibus, quæ sic multiplicia, vel compensant, vel excedunt id, quod ipsis minus multiplicibus præualeret. Quia talis replicatio, vel æquiualentia, licet in ipso motu virtutis minoris habeat successionem, quæ reputat



gnat coeſiſtentiaꝝ partium ſignabilium in illa, reſpectu tamèn motus tardioris ſecundùm datam proportionem, qui, ex connexione per Machinam, natus eſt correfpondenter ſequi in excedente ipſam, habet vt coeſiſtat ſecundùm illam proportionem ſimul cuicumque ſignabili illius, vt ſupra diximus num.4. & ita, pro quocumque ſignabili talis motus ſic tardioris, poſſit æquiualeſcere excedenti, vel illud ſuperare.

Quod ſi dicas, verum quidem eſſe, quod virtus de ſe minor pondere, cum quo ſit connexa per Machinam, ſi in tali collocatione moueat, vincet ſecundùm replicationem multiplicatam ſui in tali motu velociori dictum pondus, in tanto minori motu ſic minus applicatum; nihilominùs dictam virtutem non probari incipere poſſe motum, quo illud vincat; cum abſolutè ſit minor reſpectu illius.

Adde ad complendam probationem, neceſſariò illam talem motum incepturam; alioquin, vel tale pondus eleuabit illam ſic minorem, licet in tali collocatione poſitam, vel ſiſtet, quorum vtrumque eſt impoſſibile.

Si enim dicatur eleuare; iam illa in ſuo motu exercito in tali collocatione non æquiualebit ijs, quæ excedunt tale pondus, quod eſt contra ante conſtituta, & admiſſa.

Si verò dicatur ſiſtere tunc ſtabunt duo in æquilibrio, quorum alterum, licet augeatur altero immutato, non auferet æquilibrio inter illa; quod patet ex eo, quia pondus, vt quatuor, quod dicitur ſiſtere talem virtutem, vt vnum, modo dicto applicatam per Machinam, etiam ſi creſceret donec æquiualeret totidem, quibus illa æquiualeat in ſuo motu iuxta dicta, & ſic fieret pondus, vt quinque; non tamèn poſſet cum tali augmento ſupra æquilibrio aſſertum facto illam mouere; ſiquidem in exercitio talis motus non poſſet illam excedere, ne dicatur in exercitio talis motus dicta virtus illis totidem ſimul æquiualeſcere, & non æquiualeſcere.

G

Quare

Quare omnino dicendum est, quod si virtus, ut vnum v.g. ita connectatur per Machinam cum pondere, ut quatuor; ut si fiat motus, illa secundum motum velociorem, ut quinque respectu correspondentis motus tardioris in pondere, agnoscatur replicari, de facto præualebit, & mouebit dictum pondus.


Sed Parte 3. in solutione Obiectionis 4. directè ostendetur, quod hic probatur per deductionem ad impossibile.

## S E C T I O V. I.

Proponitur Assignata

*Ratio augmenti virtutis per Machinam in Vecte.*

**Q**uia in pluribus mechanicorum instrumentorum exercentur motus, inuicem ordinati, & mensurabiles per longitudines, quæ ratione communis fulcimenti instar semidiametrorum describunt circumferentias, aut partes illarum inuicem proportionatas, ut se habent longitudines; & quia proportionales in ijs facile assignantur, explicandam duximus in aliquo ipsorum allatam doctrinam.



Sit Vectis [ut in figura X.] A. B. diuisus in C; ita ut distantia

*Sect. 6. Applicatur Princip. Vecti. 51*

stantia B. ab ipso C. sit quinquies maior, quàm distantia A. ab eodem C. tùm ex A. pendeat pondus quatuor librarum, & in B. sit pondus vnus libræ, seu virtus potens sine Vecte vni libræ æquiuale. Posito sustentaculo in C. fiet punctum C. centrum, circa quod duæ longitudines C. A, & C. B. si moueantur eleuato A. v.g. & depresso B. describent in motu dicta extrema A, & B. circumferentias seu partes illarum ita proportionatas, vt ex demonstratis ad II. propositionem libri 5. apud Pappum Alexandrinum, ita se habeant circumferentiæ, & partes illarum inter se correspondentèr designatæ, vt diametri; quare si depresso B. eleuetur A, ita se habebit motus secundùm partem circumferentiæ descriptæ ab extremo B, ad motum secundùm partem circumferentiæ, pro eodem tempore descriptæ ab extremo A; sicut se habet semidiameter C. B. ad semidiametrum C. A; Sed plus excedit longitudo C. B, longitudinem C. A; quæ ad illam est, vt quinque ad vnum, quàm pondus in A; vt quatuor, virtutem, vt vnum, positam in B; & sic in motu secundùm extremum B. quinquies maiori, & quia pro eodem tempore exercetur, quinquies velociori, quàm sit motus illi correspondens secundùm extremum A., pondus, seu virtus, vt vnum, æquiualeat quinque motoribus, vt vnum, quorum singuli vnus post alium mouerent per spatium æquale ei, quod percurritur ab A; omnes tamen pro eodem tempore, quo mouetur extremum A., nulla relicta particula talis motus in A., cui non correspondeat simul & semel excessus vt quinque in motu ipsius B; ergò in tali motu sic maiori, & velociori respectu minoris, & tardioris virtus, vt vnum, replicatur vt quinque, æquiualeat quinque, quorum singula sint, vt vnum; & sicut hæc omnia superant pondus, vt quatuor, ita superabit virtus, vt vnum, illud idem in motu quinquies velociori æquiualeat illis.


Quod si pondus in A. esset quinque librarum, sicut non

excederet, nec excederetur comparatum ad quinque, quorum singula sint vnus libræ, vel ad quinque virtutes, quarum singulæ essent vni libræ proportionatæ; ita nec in motu posset excedere, vel excedi comparatum ad pondus, vel virtutem, vt vnum, in extremo B, in quo, factò motu, æquivaleret dictis quinque; ac proindè ipsis secundùm talia extrema A, & B. collocatis non sequeretur motus, sed fieret consistentia.

Ex his habetur ratio cur, quando in similibus ita se habet maior distantia à fulcimento ad minorem, sicut maius pondus, seu resistens in tali minori distantia positum ad minorem virtutem, collocatam in distantia maiori, fiat consistentia, & quies: quando verò plùs excedit distantia, in qua minor virtus, distantiam, in qua pondus, seu resistens maius, quàm excedatur virtus absolutè considerata à dicto pondere, vel resistente, fiant motus, secundùm quos præualet virtus de se minor maiori ponderi, vel resistenti.

## S E C T I O V I I.

*Explicatur vis Machinalis in Cuneo,  
Trochlea, & Cochlea.*



**E**X ratione à nobis allata augmenti virtutis per Machinam, facile perspicies, cù in Cuneo, in quo nulla per se



se ratio Vectis, vt initio probauimus, tanta sit vis ad scindendum; quia scilicet in suo ingressu inter extrema diuellenda tanto plus, & velocius mouentur latera ipsius, secundum vim incussam percurrendo talia extrema, quam moueantur ipsa extrema recedendo à se inuicem motu diuulsionis: immò ipsa extrema primùm diuulsa, respectu eius, quod est vltèrius diuellendum secundum acceptam incussionem, tanto maiori, & velociori motu moueantur.

Cur tantò faciliùs, & potentiùs faciat diuulsionem cuneus in acutiorem angulum desinens; si quidèm quantò acutior angulus ad verticem, tantò ad faciendum determinatum recessum diuulsionis extremorum corporis scindendi v.g. debet de Cuneo plus subintrare, & sic fieri maior, & velocior


virtutis incussæ applicatio per motum laterum ipsius, percurrendo, & premendo extrema diuellenda, sic minus, & tardiùs mota; quæ alioqui si considerentur ipsa moueri super latera cunei, velut pondus super planum Horizonti inclinatum (quemadmodum non nemo tentauit explicare vim Cunei) sequetur ex hoc præcisè potius difficiliorem esse operationem per huiusmodi Cuneum: si quidèm plano ad Horizontem magis inclinato pondus potius plus insistit, & premit illud, vt Parte 1. sect. 5. dictum est.

Agnosces paritèr ex dictis cur in Trochleis altero funis extremo inferiori Trochleæ, de qua pondus pendet, alligato sequatur maior facilitas in illo mouendo, nullo modo secundum Vectem, quem in ijs communiter assignant, explicabilis. Quia scilicet tunc in velociori, & maiori motu potentia plùs replicatur correspondentèr ponderi

Fig. XII



ponderi minus, & tardiùs moto. Si enim vt pondus ascendat per palmum v.g. alligato fune alibi, debent quatuor series funium, inter Trochleas excurrentium, per quatuor palmos decurtari: iam facta alligatione, vt dicebamus, ad inferiorem Trochleam, necessariò debent quinque series funium, sic excurrentium, decurtari per quinque palmos, vt



fiat talis ascensus v.g. ponderis per palmum; & sic motus virtutis in tali alligatione debet correspondentèr esse maior, & velocior respectu talis ascensus ponderis per palmum.

Deniquè agnosces ex dictis, cur Cochlea in motu, secundùm helices, factò tantopere ad magnas vincendas resistentias iuuat, cum in ijs nulla ratio Vectis, sicut, & nulla Cunei, per se operetur: Apparet autèm in helicibus Ratio omni Machinæ à nobis assignata, de tanto maiori, & velociori motu à modica virtute secundùm eas factò, respectu minoris, & tardioris motus resistentis, quod per helices superatur ab ipsa.


## S E C T I O V I I I.

*An eleuatio, & consistentia ad æqualem altitudinem supra horizontem aquarum, pro quauis amplitudine Vasis, & angustia canalis communicantium, reguletur per Principium, quo motus, & consistentiæ per Machinam explicantur.*

**I**Nter alios, qui in assignanda ratione adiumenti virtutis debilioris per machinam, meminerunt cum Aristotile maioris

*Sect. 8. Remouetur a consist. aquarum. 55*

maioris velocitatis motus eius per illam, non agnoscentes tamèn quomodò in maiori velocitate motus augmentum, eius contineretur, magno plausu exceptus est Academicus Lynceus in suo Tractatu de Insidentibus aquæ, Italico Ser-mone edito, cui in hoc placuit Aristotelem sequi, quem passim persequitur, & vltèrius ingeniosè pergendo appli-care principium regulatiuum motus, & consistentiæ per Machinam ad reddendam rationem experimenti,



quo passim videmus à magna quantumvis mole aquæ, in amplissimo Vase A.B.C.D. contentæ, modicissimam per apertum ad fundum illius in F. exiguum foramen intrà Tubum I.E. illi adiunctum propulsam, non eleuari ad maiorem altitudinem, quam ipsa obtineat in Vase; sed fieri consistentiam inter vtramque in eadem altitudine supra horizontem. Contendit igitur Lynceus quod sicut in statera fit æquilibrium, & consistentia inter pondus duarum librarum, & pondus ducentarum v.g. quoties illud in brachio longiori appenditur in distantia centies maiori à sustentaculo, quàm hoc; quia illud sic minus in tali dispositione necessario deberet moueri pro spatio centies maiori, ac proinde centies velocius, quam hoc; & ita momenta illorum, quæ



quæ existerent partim ex gravitate absoluta cuiusque, partim ex velocitate correspondente cuique in motu, qui fieret pro tali dispositione in Machina, necessario æquiparantur: ita proportionaliter eueniat in æquilibrio, & consistentia inter paruum, & magnam aquam in allato experimento.

Mensuratis enim primo Vase magno, & exiguo canali, & assignata proportionem inter moles aquæ illis contentas; tum mensurato spatio, per quod fieret descensus magnæ molis in Magno Vase, & eo, per quod fieret correspondentem ascensus parvæ intra canalem; constat euidenter, quod pro tanto maiori spatio deberet parua ascendere, & sic tanto velocius sursum ferri, si propelleretur, respectu tardioris motus magnæ deorsum, si suo descensu illam propelleret; quanto maius est pondus aquæ, magno Vase contentæ, pondere illius, quæ continetur canali: quoties autem ita se habet reciproce spatium, pro quo fit motus ponderis minoris, & consequenter velocitas motus eius, ad spatium, pro quo fit motus maioris ponderis, & consequenter ad velocitatem talis motus illius, quomodo se habet magnum pondus ad paruum, non fit motus, sed consistentia: ac proinde numquam quantumvis magna moles aquæ amplissimo Vase contenta poterit suo pondere eleuare aliam, quantumvis exiguam per angustum canalem sibi continuam, ad maiorem altitudinem, quam ipsa obtineat.

Sed ratiocinatio ista non consistit, falso nixa fundamento: quod magna moles aquæ, secundum mensuram totius sui ponderis, intra Vasis amplitudinem contenti, sit in proxima dispositione ad vrgendum illud exiguum, quod angusto canali continetur; atque ita iuxta proportionem æqualitatis momenti ex gravitate absoluta magnæ molis aquæ, & exigua velocitate motus, quo descenderet, ad momentum ex gravitate absoluta parvæ aquæ, & tanto maiori  
velo-



*Sect. 8. Remouetur a consiſti. aquarum. 57*

velocitate motus, quo correfpondentèr aſcenderet, neceſſario fiat conſiſtentia.

Falſitas autem euidentèr conſtat, quia ſi contineatur aqua in magno Vaſe parallelepipedo, cui ad latus prope fundum paruus Tubus inſeratur, aſcendet aqua per Tubum ad altitudinem æqualem ei, quam obtinebit in magno Vaſe, & in tali æqualitate fiet conſiſtentia; cum tamèn aqua in eo innitatur perpendicularitèr fundo, & ad latera eius paſſim inueniat, quod niſum illius, ſecundùm designationes per plana inclinata, impediat; vt valde exigua portio ſit, quæ, conſiderata ſecundùm determinatum aliquem niſum in tranſuerſum, habeat pro correfpondenti reſiſtitiuo aquam Tubo contentam, & propellendam ſurſum. Certè pondus inſiſtens plano inclinato ad horizontem, vt ad eam poſitionem, ad quam planum inclinatur, impediatur à deſcenſu, multò minorem virtutem requirit; comparatione illius, quàm requireret, ſi eſſet in diſpoſitione proxima ad deſcenſum perpendicularem; remota ſcilicèt aliquali ſuſtentione à tali plano, ita vt pro varia inclinatione plani ſubieſti varietur proportio virtutis ſufficientèr impeditiue deſcenſus. Ex quò conuincitur, pro maiore inclinatione plani eſſe ab illo maiorem ſuſtentionem ponderis, quod proinde, in ordine ad contranitendum occurrenti impedimento vltioris deſcenſus, æquiualeat minori ponderi abſolutè ſumpto: quò ergò minori æquiualebit aquæ moles in dicto Vaſe ſuſtentata fundo, cui perpendiculariter innitatur, & in deſcenſibus obliquis ſic impedita à lateribus illius, ſi præciſè ſumatur, ſecundum quod poteſt contraniti aquæ, ſibi in foramine Tubi appoſiti modo dicto occurrenti? Quare non eſt mirum ſi fiat æquilibrium intèr illas, licet abſolute conſideratæ ſint ita inæquales: maiore autem canali aperiente laxius oriſicium, maiores hinc inde ſibi inuicem moles aquæ occurrunt; quod ſi, poſt laxius oriſicium in ſu-

perioribus suis partibus , canalıs constringatur , inueniet etiã aqua in conuiuentibus huiusmodi lateribus suum impedimentum , vt non secundũ totam mensuram , qua conıtebatur existenti in partibus laxioribus Tubi sursũ propellendæ , dici possit proximè applicata ad eleuandam eam , quæ in angustioribus partibus canalıs consequentèr occurrıt ; sed secundũ mensuram illi præcisè correspondentem .

Nec te decipiat maior impetus , quo in ampliori Vase pleno ex aperto foramine humidum effluit ; Nam dũ aliquæ partes foramini proximæ aliquomodo defluunt , in locum illarum succedunt , quæ sunt illis proximæ iuxta proportionem , qua ratione sui situs gliscunt ad descensum , & in locum , qui deseritur ab istis pari modo subintrant aliæ , & sic deinceps ; vt eodem tempore in pluribus & pluribus partibus dicti humidi fiat impetus , & motus ad occupandum locum desertum à præcedentibus , qui totus impetus est ad vrghendum præcedentes versus foramen , & quidẽ maior , quo est à pluribus in eadem mensura sic ad descensum gliscuntibus . In quiete verò alia ratio est ; quia , vt suprà dixi , iuxta signum assignatum foramini in Vase à me proposito , pro eo statu tota moles aquæ perpendicularitèr innititur fundo persistenti , & ad latera Vasis consistentia passim habet , quod nısum illius secundũ designationes per plana inclinata impediat ne gliscat ad descensum ; & valdè exigua portio est , quæ considerata secundũ aliquem nısum determinatum in transuersum , habeat pro correspondente resistituo impedimentum , oppositum ad foramen , quod proinde sufficiat , etiã si sit valdè debile , vt constat in maximis Colijs , in quibus , obducta foramini exigua cera , omnis effluxus humidı impeditur .

Quare assumere pondus molis aquæ 100. librarum v.g. & ad pondus aquæ 1. libræ contentæ in Tubo , dum illa continetur in amplo Vase , cui adiungitur Tubus , comparare

*Sect. 8. Remouetur a consift. aquarum. 59*

vt 100. ad 1. quomodo se haberent si liberè pendentia in aëre suspenderentur de Machina, & facere compensationem inter illa, quia velocitas aquæ vnus libræ in ascensu intra Tubum, ad velocitatem descensûs aquæ centum librarum in amplo Vase se haberet vice versa, vt 100. ad 1: est ex suppositis falsis procedere.

Potest autem ex allatis in tali discursu formari argumentum, quo probetur aliquomodo à fortiori admittendam esse consistentiam inter quantumuis maiorem molem aquæ in ampliori, & ampliori Vase contentam, & quantumuis minorem intra quasuis canalis angustias illi continuatam, pro æquali vtriusque altitudine supra horizontem; nisi accedat impulsus aliundè. Nam dato etiã quod maior & maior moles aquæ in Vase dicto esset in proxima dispositione, vt secundum mensuram totius suæ grauitatis absolutæ posset suo descensu in dicto Vase vrgeri minorem, & minorem ad ascensum intra Canalis angustias; nihilominus illa in tali tarditate sui descensus, & hæc in tanto suo celerrime ascensu, si fieret motus, comparatæ inuicem compensarentur ad æquilibrium, vt constat ex dictis in explicatione principij, quo verè motus correspondentes, & consistentiæ quomodocumque inæqualium regulantur, si connectantur per Machinam; inter ea autem, quæ compensantur ad æquilibrium repugnat motus; quanto magis repugnabit non existente maiori mole cum tali proxima dispositione intra Vas, vt posset secundum mensuram totius suæ grauitatis absolutæ vrgeri in suo descensu molem minorem & minorem ad ascensum intra Canalem; & augenda necessariò mole aquæ minoris sursùm impellendæ, & imminuenda mole sursùm impellentis in tali motu, si dicatur fieri?

Et ex his proportionalitèr philosophari poteris de aqua consistente intra duos valdè inæquales secundum latitudi-



nem Canales Syphonis, & apertis orificijs, deorsum conuerfos pro æquali distantia ab horizonte; dùm quæ est in latiori, si descenderet, suo descensu cogeret subsequenter in angustiori eleuari tantò velociùs, quantò ipsa, quæ descenderet esset maior illa: verè tamen non tota maior de

continuatione cum minori dependeat, sed se-

cundùm partes suæ crassitie, quibus

minorem excedit depen-

deat de consisten-

tibus

lateribus Tubi, quibus in progressu

versùs illam occurrit, &

adhæret.

\* \*

\*





# PARS TERTIA

Propositarum contra nouam methodum difficultatum solutio.

## SECTIO I.

Ad obiecta pro Aristotele, &  
sectatoribus.

*Qua occasione ratio redditur, cur virtus per machinam facilius perficiat motum suum velociorem; & ad victoriam de validiori aequè prosit Resistentis tarditas in motu, quàm celeritas virtutis.*

**P**RIMO obiectum est à pluribus ex Italia, Gallia, Germania: quod Aristoteles idem senserit de principio augmenti virtutis per Machinam, immò passim alij recentiores, qui de Machinis scribentes expressè attulerunt maiorem velocitate in motu. Quare cum, quidquid ad rem proponitur in noua methodo, habeatur pariter in antiqua, & communi, illa immeritò reprobetur; vt nouis fucis illita, velut noua obtrudatur. Huic obiectioni inseruerunt alij alia, quæ

quæ non solum dissoluentur, sed conuincuntur partim in responsione prima, partim in secunda.

Resp. 1. in machinis, quæ sunt in vsu, constare ad sensum, Virtutem mouentem celerius moueri, quàm pondus resistens; neminem tamèn probasse, quod, & quomodo talis maior velocitas motus virtutis sit verum, & immediatum, & vniuersale principium augmenti virtutis debilioris, quæ debet mouere validius resistitium, vel æquiponderare, & in cuius adiumentum assumitur Machina; & quomodo cum tali velocitate maiori virtus debilis facilius operetur; cum alioqui facilius ab eadem potentia fiat motus tardior, quàm velocior; facilius enim effectus imperfectus, quàm perfectus obtinetur; præsertim cum adest resistens, & quidem validius.

Latere nucleum in tali velocitate, sed neminem eruisse, explicando replicationem virtutis in illa; secundum quam virtus de se minor æquiualeat tot multiplicibus, quæ simul sumpta valeant compensare, vel vincere potentius; & ostendendo quomodo replicatio dicta habens necessariò in motu virtutis successionem, obtineat nihilominus simultaneitatem respectu tardioris motus correspondentis in resistente.

Rursus nemo attigit ante in impressis, quæ videre poterim, quod retardatio correspondentè facta in motu resistentis imminuat proportionalitèr exercitium resistentiæ ab illo, & idè non minus conferat ad facilitatem obtinendam per Machinam.

Resp. 2. Aristotelem re vera non adhibuisse maiorem velocitatem motus virtutis per Machinam ad probandum incrementum virtutis per illam; sed causam ipsam maioris velocitatis ad probandam præcisè maiorem facilitatem, quàm virtus, certo situ applicata in machina, potest obtinere; & hoc totum restrinxisse ad machinas, quæ conside-  
rari

rari possunt, vt semidiametri designantes arcus circuli; dùm aliquo signabili in ijs assumpto vt sustentato, & consistente veluticentro, reliquum extensionis indè protensæ conuoluitur.

Facta autèm in suo discursu comparatione maioris, & minoris distantiae, quam potentia, in sui applicatione ad hanc, vel illam partem semidiametri, potest habere ab illius extremo fixo per modum centri respectu conuolutionis; probat in maiori distantia potentiam applicatam velocius mouere; quia in illa, pro æquali spatio decurso, minus admiscetur cum motu ipsius de retractione versus centrum, quæ, præter naturalem ipsius inclinationem, oritur ex consistentia alterius extremi semidiametri; potentia enim sic mouens in maiori distantia cogitur minus deflectere à directo progressu, qui est secundum inclinationem ipsius; & demonstrationem, qua, vt suprâ vidimus, id geometricè probat, concludit. (quam igitur ob causam ab eadem potentia celerius fertur, quod plus à centro distat punctum manifestum est) assumens postea sine alia probatione vt ex tali causa prouenientem maiorem facilitatem motus potentiæ mouentis in maiori distantia à centro in.

*Quæst. 3. de Vecte.*

Quarè cum in pluribus Machinis, vt ostendimus in Cuneo, Trochlea, & cochlea, adiumentum potentiæ debilioris non sit per dispositionem Vectis, & ordinationem motus per conuolutionem Semidiametri in gyrum; Aristotelis ratio primò non est vniuersalis, neque per se respectu Machinæ in adiumentum potentiæ debilioris assumptæ. Deinde in ijs, quæ talem ordinationem motus continent, non est tale adiumentum ex applicatione potentiæ in maiori distantia à tali signabili Machinæ sustentato, & consistente per modum centri; sed præcisè ex proportionem excessus ad distantiam, pro qua in eadem Machina applicatum est resistens;



sistens; imò æqualitèr prouenit ex maiore vicinitate resistentis ad tale signabile consistens per modum centri: quia sicut per maiorem distantiam applicationis potentiaë multiplicatur actus secundus illius, & in hoc, ex probatis in nostro Principio, ipsa potentia replicatur; ita per maiorem vicinitatem applicationis resistentis imminuitur correspondenter exercitium resistentiaë ab ipso; & consequenter potest potentia motrix fieri propior, & propior centro, atque ita in suo motu, iuxta ratiocinationem Aristotelis, admittere, plus, & plus de eo, quod est præter naturam, propter maiorem retractionem causatam à centro; & nihilominus æque facile, immò facilius, & facilius mouere vincendo idem resistentis; modo seruetur eadem, vel fiat maior, & maior proportio respectu imminutæ magis, & magis distantiaë resistentis ab eodem centro.

Secundo cum initio dissertationis meæ asseruissem nonnulla Aristotelis dicta in Proëmio Mechanicarum quæstionum limitanda esse, ne conuincantur apertæ falsitatis, v.g. quod motus machinalis exerceatur secundum dispositionem circuli: cum agitatio naus per remos sit motus Machinalis, & fiat secundum oppositam dispositionem, fulcimento scilicet non consistente: Et quod Vectis reuocetur ad libram, cum Vectis secundi generis diuersam prorsus habeat à libra dispositionem.

Obiecit primæ limitationi litteris Regio missis vir amicissimus, & suis demonstrationibus in libris P. Cauallerij benè notus, cuius sententiam exquisiui, & instantias pro Archimede perscriptas infra proponam (nostro principio vt vero, vniuersali, & proximo augmenti virtutis per Machinam omnino consentiens) obiecit, inquam, agitationem naus per remos posse fieri fulcimento consistente.

Resp. tunc nauim necessario impellendam in gyrum, & si mutarentur subindè fulcimenta sistentia extremitatem remi,

*Sectio 1. Ad obiecta pro Arist.* 65

remi, eam secundum alios, & alios arcus illis respondentes promouendam; quare ad conciliandum naui per artem motum directum, ut requirit usus, necessario remi, per scalum nauim vrgentis, debere extremum niti aquæ, eodem tempore aliquomodo retrocedenti; & quidem secundum rationem Vectis secundi generis, cuius vis in tali motione, iuxta intentionem Artis, nullam requirat, vel admittat resolutionem mixtionis ex recta, & circulari.

Obiecit secundæ (inter alia, quæ repetitis litteris Praga transmissis consignauit, & à me proponuntur) vir multis annis in Mathematicarum Encyclopedia versatus, & mechanicas quæstiones singularitèr versans; quod licet apud Aristotelem, & Archimedes non habeatur definitio libræ, quæ secundum genus Vectis comprehendat; illud tamen potest per definitionem ab alijs allatam comprehendere.

Resp; alios Mechanicæ scriptores, non tam libram definire, quàm eius dispositionem proponere in longitudine, inter cuius extrema punctum designant, à quo hinc inde partes extensæ representent brachia libræ, quæ circa tale punctum fixum, velut centrum, conuolui possint;




alia autem, quæ ex alijs Machinis possunt addi Vecti secundi generis, ut per pondus aliquod notum, & contranitens alterius corporis ignotum pondus agnoscat, non tam ostendunt rationem libræ in tali Vecte reperiri, quàm omnem Machinam ex præcognitis in illa posse alterius viribus cognosce-

gnoskendis deseruire; quod nihil est ad intentum Aristotelis, & nostrum propositum.

Tertio contra instantiam præcipuam à me propositam, ad ratiocinationem Aristotelis; quod scilicet illa ipsa integra, si applicetur ad quadrantem superiorem circuli, probet oppositum intento ipsius: quia potentia in dicto superiori quadrante pro aliquo situ non longè à perpendiculari applicata, quanto in maiori à centro distantia mouet, tanto, pro æquali spatio, motui secundum inclinationem eius facto admiscetur plus de deflexione præter naturam, ratione alterius extremi semidiametri consistentis in centro.

Obiecit vnus, & alter ex Gallia, & Italia: quod termini, secundum naturam, & præter naturam non sunt referendi ad potentiam mouentem, sed ad semidiametrum, secundum aliquod extremum sui fixam, cui, in conuolutione describenti circulum, sit secundum naturam recedere per alterum extremum à puncto B. vnde illa incipit, & ad illud idem.



redire; præter naturam verò recedere à linea tangente circulum in tali puncto B. constare autem punctum in semidiamete-



diametro, quo centro vicinius mouetur, eo magis recedere à tali tangente.

Resp. semidiametro, quæ intelligatur secundum vnum sui extremum A. figi, secundum alterum B. moueri, perinde esse secundum naturam recedere à linea K. B. Tangente circumferentiam in puncto B; à quo fit initium motus per extremum B, quod eam per sui motum describit, & ad illam iterum accedere: sicut est secundum naturam illi sic motæ recedere ab initio motus in B, & ad illud iterum accedere: immò incongruè huiusmodi terminos applicari semidiametro mathematicè consideratæ; cum quodlibet extremum illius de se sit indifferens, vt consistat altero conuoluto, vel conuoluatur altero fixo; vel vt moueatur in directum cum alio, vel alio stante defleat à rectitudine motus: nec minus sit de se simplex motus circularis, quam rectus, etiam in doctrina Aristotelis, qui illos terminos (secundum naturam, & præter naturam) expressè refert ad principium concurrens ad motum: docet enim de principijs concurrentibus ad motum oppositè aliquomodo, sed secundum aliquam proportionem cõkursus virtutis in diuersa nitentis, ea necessariò mouere per diametrum rectanguli, cuius latera sint in eadem proportionem: at vero principia contrario modo concurrentia, dum alterum sistitur, alterum mouetur sine proportionem concurrere, & necessariò ex illis sequi motum circularem: principio autem mouenti esse secundum naturam vltius tendere; quod verò à directà tendentia retrahatur, esse illi præter naturam, & prouenire à fixationem per alterum extremum semidiametri in centro circuli, qui per talem motum, designatur.

## S E C T I O I I.

## A D O B I E C T A


Pro Archimede, &  
sectatoribus.

*Qua occasione agitur de ratione centri gravita-  
tis, & centri potentiae, quæ habetur posita  
tali applicatione virtutis per  
Machinam.*

IV. **O** Bjicitur à varijs, sed peculiaritèr in litteris Regio  
missis, quod etiam si mea prima instantia vale-  
ret de actuali suspensione, & exercitio ponderationis, &  
æquiponderationis, factis pro aliquo potius determinato  
sive Vectis, quàm alio; illa tamèn, & quæ consequuntur ex  
illa nihil probent contra centra gravitatis totius aggregati  
ex illis magnitudinibus, & partialium aggregatorum, tum  
ipsarum 4. ex illis, tum reliquarum duarum sic inuicem  
comparabilium; quia omnia hæc benè considerari possunt  
secundùm aptitudinem ad suspensionem, & ponderationem,  
æquiponderationemque singulis convenientem; & sufficit  
ad discursum Archimedis, & similes talem posse esse dispo-  
sitionem illarum quatuor S. T. V. X. ut si fiat suspensio in  
puncto

*Sect 2. Ad obiecta pro Archimede. 69*

puncto E, & reliquarum duarum Z. M. remotio ad punctum D. mancant paritèr immobiles, & æquilibratæ.



Additur; quod licet non sit idem respectu totius aggregati simpliciter loquendo: illas quatuor manere in distantijs æqualibus inter se, & cum alijs dispositas, aut collectas suspendi in Vecte de puncto, E; attamen est idem respectu centri gravitatis totius, cui accidentale est, quod magnitudo X. spectet ad brachium dextrum, vel sinistrum Vectis; dummodò ob perseverantiam centri gravitatis ipsarum quatuor in E. etiamsi fiat variatio dispositionis partialium magni udinum, non fiat mutatio centri gravitatis omnium à puncto C. ut verè cognoscitur non fieri, quia cum tali variatione partium remanet consistentia, & æquilibrium omnium in tali puncto.

Resp; quod cum ratiocinatio Archimedis, & illi similes ab aliquibus proponantur per terminos significantes suspensionem, & ponderationem actualem prima mea instantia est contrà illas sic explicatas: ita tamèn ut per oppositionem, quæ est in actibus secundis ostendat habilitatem aliquomodo



quomodo multiplicem in magnitudine X. ad constituenda pro diuersis combinationibus plura centra grauitatis; alterum omnium sex in C. alterum ipsarum quatuor in E. &c.

Secunda verò instantia ab illis verbis (quandò autem assumunt) absolute concludit insufficienciam discursus Archimedis, & sectatorum. Cum enim constructio Geometrica ipsius, quàm illi imitantur, facta talium partium pro talibus distantijs distributione, solum probet omnium sex, simul ita sumptibilem, centrum grauitatis esse in C, & eadem via ipsarum quatuor, simul ita sumptibilem, esse in E; duarum verò pariter esse in D; quia retenta eadem earum omnium inter se pro æqualibus distantijs v.g. dispositione, & ipsæ sic sunt inter se variè combinabiles, & omnia ista centra grauitatis in ipsis, sic variè sub eadem dispositione, combinatis attendi possunt; gratis, immò falso assumitur; quod sic variata illa dispositione partialium magnitudinum inter se, quæ fuit illi vnicum medium ad probandum omnium centrum grauitatis esse in C; maneat earundem magnitudinum sic aliter dispositarum idem centrum grauitatis in C; ex eo præcisè, quia cum tali variatione remanet quatuor ex illis collectarum centrum grauitatis in E, & duarum in D; vt pariter erant in prima dispositione. Sicut etià gratis, & falso assumeretur: quod sub alia dispositione, quæ à distantijs æqualibus remotæ; & collectæ omnes magnitudines suspenderentur per suum centrum grauitatis in eodem signabili Vectis ad C, remaneret ipsarum quatuor centrum grauitatis in E, & duarum in D; ex eo, quia facta tali variatione manet omnium centrum grauitatis in C; ubi erat in prima dispositione; pro qua in talibus signabilibus dicta grauitatis centra magnitudinum variè comparabilium erant simul constituta.

Parce lector si te moror in subruendo hoc mechanicæ fudamēto tot sæculorū, & mathematicorū omniū cōsensus firmato.

Placet

*Sectio 2. Ad obiecta pro Archimede.* 71

Placet aduertere duo: primum est quod magnitudo X. concurrrens ad constituendum omnium sex, in tali constructione geometricè primo disposita, commune centrum grauitatis in C., id præstat præcisè quatenus cum alijs duabus Z. & M. ad eandem secum positionem constitutis respectu signabilis, C; est apta correspondere, & contraniti alijs tribus ipsis æqualibus, & æqualitèr dispositis ad oppositam positionis differentiam respectu eiusdem, C, iuxta petitionem primam ab Archimede positam, de qua infra, & propriam rationem centri grauitatis, de qua mox. Ad constituendum verò centrum grauitatis ipsarum quatuor X.V. T.S. in F, eadem magnitudo X. non concurrir nisi vt cum magnitudine V; ad eandem secum positionem respectu signabilis, E, constituta, est apta correspondere, & contraniti alijs duabus ipsis æqualibus ad oppositam differentiam positionis respectu eiusdem signabilis, E. sic correspondentèr constitutis: huiusmodi autèr aptitudines, vt conueniant eidem magnitudini, X. pro dicta constructione, necessariò requirunt dictas dispositiones, & ijs alligantur, vnaquæque aptitudo determinatæ dispositioni, sibi proportionatæ; imò necessariò requisitæ ad rationem centri grauitatis pro tali constructione retinendam, vt ex dicendis melius constabit: quare sublata prima dispositione necessariò auferetur complementum primæ aptitudinis, & vanum est inferre; quod quia manet secunda, maneat etiam prima: siquidem quando prima adest cum sibi proportionata dispositione, ex vi illius præcisè probatur ad esse, & nullo modo ex vi secundæ cum propria dispositione præsentis.

Secundum est notionem centri in aliquo genere necessariò requirere, vt hoc in tali genere sit medium inter partes æquales aliquomodo sibi correspondentes in ordine ad ipsum; sicut constat ex communi talis nominis acceptione in ijs, in quibus talis denominatio primò adhibita est. Tale autèr.

autem signabile in Veste v.g. circa quod non sunt assignabiles gravitates partiales æquales, sed maximè inæquales, esto illarum, sic constitutarum, sequatur consistentia, non potest dici centrum gravitatis; cum oppositam rationem notioni centri contineat; sed est signabile, circa quod consistentens, si fieret motus, tanta esset maioris gravitatis retardatio in motu sui centri gravitatis, & replicatio minoris in motu sui tantum accelerato; ut illæ pro tali motu sibi æquivalerent, sicut ostendimus in explicatione nostri principij. Huius autem æquavalentiæ, & ortæ indè consistentiæ rationem non attendentes, ad eam transtulerunt centrum gravitatis contra propriam notionem illius.

*Distinguitur centrum Potentiæ in aggregatis per  
Machinam à centro gravitatis inter  
illos assignabili.*

**N**OSTRÆ responsioni idem per litteras subsequentes obijcit: illud cuius dicitur centrum esse in C; & cuius per partes hinc indè respectu ipsius C. debet necessariò esse æqualis distributio, non esse aggregatum ex gravitatibus ponderum, sed ex momentis ipsarum; quod si ad tale centrum momentorum, circa illud, indicandum adhibetur nomen centri gravitatis, esse minus propriam illius acceptionem, & totum hoc ex plurimis demonstrationibus mechanicis constare, quæ alioquin essent apertè falsæ: asseritque momentum esse materiam proximam, circa quam versantur huiusmodi demonstrationes; momenti verò nomine, propriè significari ipsas gravitates ponderanrium, pro ut informatas eo, quod illis aduenit ex potiori, vel deteriori, vel æquali conditione situs ad signabile, respectu cuius intelligenda est exerceri illorum correspondens hinc indè ponde-



*Seçtio 2. Ad obiecta pro Archimede.* 73

ponderatio : quidquid sit de ratione , ob quam ex situ potest præualere vis ponderis , quam , vt rem merè ad Physicam spectantem , non attigit Archimedes.

Resp. admissio quod nec Archimedes in sua methodo , nec sectatores attigerint veram causam æquivalentiæ , vel præualentia virtutis , ratione situs applicationis per Machinam.

Quod dicitur ; demonstrationes mechanicas ferè plurimas non tam esse de grauitatibus , quàm de momentis , minus placet ; quia ipsi potentiæ , sic motiæ pro talibus circumstantijs , correspondere potest potètia sic resistitiua motui , quæ non sit à grauitate ; sed ab alio principio , vt in corporibus duris vis resistitiua diuisioni , quæ est vincenda per Machinam , & non benè significatur nomine momenti. Dicamus igitur demonstrationes Centrobaricæ ferè plurimas non tam esse de grauitatibus , quàm de potentijs motiuis , & resistitiuis motui. Distinguamusque propriè loquendo centrum grauitatis , quod assignatur inter partes hinc inde æquales in grauitate , à centro potentiæ mouendi , & resistendi motui , quod assignatur inter potentias huiusmodi , hinc inde æquales ; vnde cumque sint illæ tantæ potentiæ : rationabilitas autem distinguendi huiusmodi centra patet faciliè ex eo , quod vnum potest adesse , vbi non adest aliud.

Vndè infertur quod cum centrum grauitatis sit centrum alicuius virtutis motiæ , sicut ipsum necessariò fert secum in eodem signabili centrum talis determinatæ potentiæ mouendi ; ita statim ac ipsum remouetur à tali signabili , necessariò aufert ab eodem centrum talis potentiæ : quare si adhuc remanet in huiusmodi signabili centrum aliquod potentiæ motiæ , & resistitiuæ , necessariò importat aliquid diuersum ab ipso , & non necessariò connexum cum ipso . Atquæ ità agnoscuntur manifestè paralogizare , qui confundunt centrum potentiæ , propriæ grauitatis , quod importatur præcisè per centrum grauitatis in tali signabili , & per

illud præfens probatur adesse tali signabili, cum centro potentiaë absolutè motiuæ, & resistitiuæ, quod conuenire potest corporibus ex alijs causis. His positis; discursus Archimedis ad ostendendam distinctè veritatem, si eam contineret, deberet ita formari: illa signabilia in Vecte continent centra potentiaë alicuius integræ grauitatis, circa quæ partes æquales in grauitate sunt æqualitè dispositæ: Sed signabile C. in proposito Vecte est huiusmodi respectu aggregati ex omnibus magnitudinibus, & signabile E; respectu aggregati quatuor X.V.T.S, & signabile D. respectu aggregati duarum Z.M; vt probatur ex diuisione ipsarum, & distributione in Vecte geometricè facta: ergo ista tria signabilia C.E.D. in proposito Vecte continent centra potentiaë integræ grauitatis, vnumquodque respectu aggregati, quod circa ipsum habet partes æquales in grauitate æqualitè dispositas. (Tum verò ad concludendum intentum ita subiungi): sed aggregatum omnium sex habet centrum potentiaë grauitatis suæ in C; præcisè quia aggregatum quatuor ex illis habet centrum suæ in E, & reliquarum duarum in D; ergo pro quacumque mutatione huiusmodi partialium grauitatum, prædictæ quatuor retinebunt centrum potentiaë grauitatis suæ in E, & reliquæ duæ in D; remanebit etiam totius aggregati omnium sex in C.


Nisi enim illa minor cum tali restrictione subsumatur; nullo modo potest inferri, sufficentè ex eo, quod remaneant dictarum quatuor in E, & duarum in D, quomodo erant secū prius; etiam ipsarum sex similiter remanere in C. mutata illa distributione geometrica, ex qua præcisè adhibita, probatum fuit illorum trium aggregatorum, ita sumptorum, propria centra potentiaë grauitatis cuiusque in dictis signabilibus Vectis pariter reperiri.

Sed illam minorem subiunctam, nec Archimedes, nec alius probauit, aut illius & consequentis veritatem vnquam proba-

probabit; cum certò contineant falsitatem, sicut est cor-  
respondenter apertè falsum, quod ideo, & quoties omnium  
sex centrum potentiæ gravitatis est in C; ita centrum po-  
tentiæ gravitatis ipsarum quatuor sit in E, & duarum sit in  
D; quia potest fieri alia dispositio, pro qua omnium sex re-  
maneant in C, sed nec ipsarum quatuor in E, nec duarum  
in D. reperiatur amplius, vt euidentè constat. Remanet  
ergo integra difficultas, quam ipsi solutam à se censuerunt.

V. supra laudatus Praga scribens cum præmisisset instantiã  
meam ab illis verbis (quando autem &c.) non contendere  
Archimedes falsum conclusisse, sed falsam causam attu-  
lisse.

Obijcit; causam Conclusionis esse eam, quam præmisit  
petitione prima (æqualia pondera ab æqualibus distantijs  
æqueponderare) & hoc æquivalere ei, quod in propositio-  
nis 6. probatione controuersa assumit (pondera plura vni-  
ta æquiponderare vt separata, quandiũ seu coniunctorum,  
seu separatorum suspensio fit ex centro gravitatis) & Archi-  
medes, inquit ille, suspendit primum sex corpora æqualia



pro distantijs æqualibus distributa S.T.V.X.Z.M. ex com-  
K 2 muni



muni centro grauitatis ipsorum in C; deindè verò quatuor ex ipsis S.T.V.X. ex communi centro grauitatis in E; denique reliqua duo Z.M. paritèr in D, idque, siue loco coniuncta ea sint, siue separata, & per petitionem primam asserit sic suspensâ æquiponderare. quare cum, qui discursui Archimedis aduersetur, debere alterutrum negare; scilicet; vel suspensionem dictorum quatuor fieri in E, & duorum in D; vel ea sic vnita suspensâ non æquiponderare, vt separata: negare hoc secundum, repugnare petitioni primæ; atque ita eum, qui illud negat, non tam contradicere ratiocinationi propositionis 6; quàm non admittere petitionem primam. Primum verò adeò clarum esse, vt nemo, licet omnia ad viuum refecans, possit illud negare; cum omnes admittant, ea omnia, quæ quiescunt, suspendi de suo centro grauitatis, & ad illud punctum affigi, quod vel coincidat cum centro grauitatis ipsorum, vel sit in perpendiculari ad horizontem, transeunte in descensu per centrum grauitatis, de quo graue suspensum intelligitur.

Resp. quod licet admitteretur quod dicitur; pondera plura æquiponderare vnita, ac pro æqualibus distantijs separata; esse verum respectu proprii centri grauitatis, respectu cuius, iuxta petitionem primam, sic æqualia pondera ab æqualibus distantijs æquiponderarent; esset tamen negandum illud esse verum respectu centri grauitatis aliarum combinationum, respectu cuius sic vnita non sunt amplius æqualia pondera ab æqualibus distantijs æquiponderantia, iuxta petitionem primam, sicut erant, dum essent ante separata. quia licet in dictis magnitudinibus, sic geometricè ab Archimede distributis, possint illæ omnes combinationes fieri, immò plures; & cuiusque combinationis proprium centrum grauitatis attendi, correspondenter proprio signali in axe proposito; ita vt respectu illius æqualia æqualitèr distantia æquiponderent, siue vnita, siue separata; non tamen.

mēn necessariō euenit, vt dūm aliquæ vnitæ, per aliam dispositionem in dicto axe, sic inuicem æquiponderant respectu prioris centri, & signabilis ei correspondētis in axe, fiat etiā æquiponderatio, vt prius, cum alijs, & in alijs combinationibus respectu centrorum grauitatis ipsarum, & punctorum in axe correspondētē illis assignatorum. Constat enim euidentē, quod si omnes sex vnitæ suspendantur de puncto C. vel etiā quatuor ex illis, dūm aliæ duæ in priori situ perseverant in extremis axis, non æquiponderabunt amplius quatuor prædictæ in E, nec duæ in D. licet retineatur ponderatio, & æquiponderatio omnium sex in C.

Quid mirum ergo si vnitis quatuor ad punctum E, remaneat quidem centrum grauitatis ipsarum quatuor in E, & duarum in D, quia respectu E, & D, remanent æqualia in distantijs æqualibus; non tamē omnium sex in C. remaneat, respectu cuius, facta tali vnione dictarum quatuor ad E, non manent verē æqualia grauiā in distantijs æqualibus, nec vnita, nec separata.

Atque ita admissis etiam duobus, quæ obijciens postulat admitti: ipsa scilicet petitione prima in sensu ab illo intento, quem intra accuratius discutiemus, & quod illi sic intellectæ consequenter dicitur assumi in probatione sextæ propositionis ab Archimede; nihilominus ipsius probatio prorsus vana est ad intentum. Quod addidit obijciens, omnes iudicare, quæ quiescunt, ea suspendi de centro grauitatis, & ad illud punctum axis affigi, quod, vel transeat per dictum centrum, aut illi immineat, secundum perpendicularem per vtrumque deductam ad horizontem: Illud ipsum est, in quo ita decernentes videntur re minus considerata iudicasse; quia dari potest signabile in axe, respectu cuius ita se habeant potentiæ motiua, & resistitiua; vt neutra alteri præualere possit in motu, & ita necessariō  
quie.

quiescant; nullum tamen centrum grauitatis ipsarum, aut iunctarum, aut separatarum illi corresponsdeat, vt constat ex supradictis, & adhuc melius declarabitur in responsionibus ad sequentes obiectiones.

Contra id, quod opposueram ratiocinationi Archimedis; in prima distributione omnium sex magnitudinum indistantijs æqualibus per axem, magnitudinem  $X$ , habuisse suum momentum vltra  $C$ . cum duabus  $Z.M$ , ad contranitendum alijs tribus  $S.T.V$ . ad oppositam positionis differentiam respectu eiusdem  $C$ . constitutis; quando verò fit vnio omnium quatuor  $S.T.V.X$ . ad punctum axis in  $E$ , tunc magnitudinem  $X$ . citrà  $C$ . habere suum momentum cum dictis tribus, cum quibus est vnita ad punctum  $E$ , ad contranitendum alijs duabus  $Z. M$ . ad oppositam positionis differentiam constitutis. Instat obijciens, non satis posse determinari, quid sit hoc vltra, vel citra,  $C$ , constitui momentum magnitudinis  $X$ , vt seruiat ad rem propositam afferendo diuersitatem in constituendo dicto pondere  $X$ , quæ noceat ratiocinationi Archimedis.

Resp. hoc facillè determinandum: Cum enim punctum  $C$ , sit medium axis propositi, & ab illo hinc indè ad duas positionis differentias brachia axis distendantur, si à puncto  $E$ , signato in axe ad positionem dextram respectu ipsius  $C$ , progrediamur versus idem  $C$ ; inueniemus in prima distributione dictam magnitudinem  $X$ , vltra  $C$ , affixam in axe ad punctum, quod transit per centrum grauitatis illius; si verò vniantur quatuor magnitudines  $S.T.V.X$ , & centrum grauitatis aggregati ex illis affigatur in axe ad punctum  $E$ . progrediendo ab illo versùs  $C$ ; magnitudo  $X$ . per talem dispositionem inuenietur citrà  $C$ ,

Quare cum in distributione magnitudinum æqualium  $S.T.V.X.Z.M$ . pro distantijs æqualibus in axe geometricè facta vnaquæque illarum in puncto axis, suo centro grauitatis



*Sect. 2. Ad obiecta pro Archimede.* 79

tatis respondentī, sit constituta, certum est, quod respectu suspensionis axis factibilis, vel factæ in puncto C, magnitudo X, cum duabus Z.M. ad eandem positionem in eodem brachio axis constitutis, constituit totum, cuius centrum gravitatis respondet medio magnitudinis Z, & ipsum est æquale toti ex magnitudinibus S.T.V. integrato, cuius centrum respondet medio magnitudinis T, per propositionem Archimedis V, ad oppositam differentiam positionis pro æqualibus distantijs similiter disposito, respectu eiusdem puncti C; ac proinde ad faciendam consistentiam pro tali suspensione axis in C magnitudo X. cum duabus Z.M. ultra C. modo dicto constituta, est apta proxime contraniti aggregato trium magnitudinum in opposito brachio axis constituto; & ita verè puncto C. convenit ratio centri gravitatis, & potentiæ, quæ includitur in gravitate, quia sic habet æqualia pondera pro æqualibus distantijs in axe, cuius illud medium est, constituta, & æquiponderantia. Si verò, facta nova dispositione, quatuor magnitudines S. T. V. X. iungantur, & dicto centro gravitatis integri ex illis suspendantur in puncto axis E; euidenter apparet ipsam, vt sic dispositam in axe, sociare citra C; modo dicto, suum pondus cum tribus magnitudinibus S.T.V, ad contranitendum reliquis duabus Z.M; in opposita positione ultra C, dicto axi affixis. Quod si dictæ quatuor magnitudines S. T. V. X. cogitentur infixæ proprio axi rigido in distantijs æqualibus, & ille axis per sui medium, cui correspondet centrum gravitatis aggregati ex ipsis, insistat puncto E. prioris axis; ita vt conuolui possit circa tale punctum; quocumque tandem situ constituat dictas magnitudines, per huiusmodi conuolutionem illæ, respectu axis primi, semper ita se habent, vt nunquam ei insistant, nisi in dicto puncto E, cui talis axis secundus, proprius dictarum quatuor magnitudinum, per sui medium, & centrum aggregati ex illis innititur.

titur. quare licet materialiter ex conuolutione dicti axis secundi magnitudo X. possit constitui modò citrà, modò vltra perpendicularem transeuntem per punctum C. axis primi, nihilominus semper nititur axi primò citrà punctum C. in E; cui per centrum axis, & aggregati ex ipsa cum alijs tribus S.T.V. insitens, est proximè apta semper contraniti alijs duabus, eidem primò axi vltra C. innixis modo dicto.

### S E C T I O I I I.


Ad obiecta contra Principium Augmenti virtutis per Machinam, à nobis constitutum in maiori velocitate motus illius, & correspondenti retardatione motus resistentis, ex applicatione vtriusque in vsu Machinæ.

*Qua occasione primo examinatur sensus petitionis primæ Archimedis, & assumpti in probatione propositionis 6; Pondera plura unita æquiponderare, vt separata; quandiù seu vnitorum, seu separatorum suspensio fit ex centro gravitatis.*

**O**bjicit proximè laudatus in litteris Pragensibus, supposito Vestè, in quo pro explicatione discursus Archimedis, disposuimus sex magnitudines æquales ita, vt quatuor ex illis penderent in puncto E; duæ in puncto D, & punctum C, esset illud, circa quod eadem esset ratio distantiarum, quæ ponderum reciproca.

### *Sectio 3. Ad obiecta contra Nouum Pr 81*

Si quatuor magnitudines S.T.V.X. disponantur in proprio axe rigido pro distantijs æqualibus, & duæ Z.M; pariter in suo, & vterque axis per sui medium, cui correspondet centrum grauitatis aggregati ex illis magnitudinibus,



affigatur in dictis pūctis Vectis, idest axis quatuor magnitudinum in E. duarum in D. Tunc paritè fiet æquilibrium, vt in prima dispositione, ex vi primæ petitionis Archimedis, & eius, quod consequenter assumit in probatione 6. propositionis.

Sed non erit æqualis velocitas motus quatuor magnitudinum primò pendentium in E, & deindè dispositarum in axe rigido per sui medium innitenti, in eodem puncto E, in cuius brachijs extensis in infinitum possunt illæ æquales distantie inter se esse simpliciter maiores, & maiores singulæ; ergo augmentum virtutis duarum Z.M. ad æquiponderandum ipsi quatuor S.T.V.X. pro tali distantia reciproca non potest haberi ex proportionem in velocitate motus inter illas, vt nos asserimus.

L

Resp.



Resp. 1. sensum primæ petitionis esse æqualia grauiā pro-  
distantijs æqualibus collata inuicem ita se habere, vt vnum  
non præualeat alteri. Cum quo sensu stat, quod singula, &  
omnia in situ, in quo magis distant, possint plus premere,  
& plus valere, quàm in situ, quo minus distant à sustinente;  
& hoc ita esse conuincit experientia: si enim duo pondera,  
quæ in Vecte, propè hypomochlion ex illo pendentia, su-  
sinentur, in distantijs æqualibus, æqualitèr remoueantur  
magis. & magis ab illo, Vectem frangent. Experientia au-  
tem conformis est nostro Principio, & fractis oppositioni-  
bus illud confirmat; cum pondera in maiori distantia ab hy-  
pomochlio sint in potentia proxima ad maiorem, & velo-  
ciorē motum respectu minoris. & tardioris, quo coactus  
ab illis cedit sustinens Vectis ..

Quare non est vniuersalitèr verum, nec necessariò con-  
sequitur ad petitionem primam (pondera plura vnita æque  
ponderare vt separata, quandiū seu vnitorum, seu separa-  
torum suspensio fiat ex centro grauitatis. )

Quia tamen communiter in eodem Vecte, velut omnium  
axe, siue separata siue vnita pondera suspenduntur, & in  
hac dispositione contingit vt dum partes vnus integrī, ser-  
uato eodem centro grauitatis aggregati, separantur in di-  
stantijs inter se æqualibus, in eadem proportionē, qua ali-  
quæ earum elongantur à communi Vectis sustentaculo, in  
eadem aliæ magis accedunt ad illud, ad eandem positionis  
differentiam respectu illius, inde est, quod pro eodem ali-  
quandò reputari iure possit, siue ponderent vnita, siue sepa-  
rata ..

Resp. 2. in dispositione dicta aggregati ex quatuor ma-  
gnitudinibus S.T.V.X. in proprio axe rigido, & suspensio-  
ne per commune centrum grauitatis ad signabile Vectis E;  
& duarum similiter Z.M. in proprio axe ad signabile Ve-  
ctis in D; quantò maior fit excessus velocitatis illarum re-  
spectu.

*Sect. 3. Ad objecta contra Nouum Pr. 83*

specu mensuræ, quàm importaret reciproca proportio in C; & distarum magnitudinum pro talibus distantijs Vecti insistentium, tantò magis aufertur æquilibrium; nequè petitio prima, licet admissa in suo vero sensu, neque quod ex illa necessario sequitur, probare possunt æquilibrium perseveraturum.

Aduertendum tamèn quod si dicti axes rigidi ita insisterent ad puncta E, & D. Vectis, vt in conuolutione partium illius seruarentur semper perpendiculares ad horizontem, perindè esset, ac si ipsæ magnitudines vnitæ suspenderentur per centra vtriusque aggregati de ijsdem punctis E, & D, sed in tali casu vtroque modo seruarent proportionem velocitatis motus vtriusque aggregati, requisitam ad æquilibrium.

Si verò dicti axes, ita essent affixi ad signabilia E, & D. in Vecte, vt facta conuolutione illius recederent à perpendiculari ad horizontem; seruarent tamen eundem angulum cum Vecte, possent quatuor magnitudines in eleuatione partis Vectis C. E, non semper ascendere; immò duæ ex illis ferè semper descendere, dùm in depressione partis C. D. duæ semper descenderent, & ascendentium, descendentiumque variari proportionem. Sed hæc ad repellendam instantiam plus quàm satis.

*Vnde sit petenda mensura velocitatis motus, secundum quam debent comparari virtus mouens, & resistens.*


**O** Bjcit 2; & per hanc instantiam censet demonstrari nostrum principium esse prorsus nullum.

Sint brachia B. H, & B C. secundum angulum rectum

L 2

iuncta

iuncta in B; & supposito sustentaculo ad B. sit Brachium B.C. magis eleuatum,



& ad extrema H.C. sint per suum centrum grauitatis innexa duo pondera rotunda æqualia.

His positis iuxta communem modum philosophandi cum Archimede, confirmatum experientia non fiet consistentia, sed descendente H. ad A. ascendet C. ad E. expressè contrà principium nouæ methodi; cum tam velocitè, & pro æquali arcu moueatur C. in E, sicut H. in A. alij casus huic affines afferuntur, vt demonstretur data comparatione motus æquè velocis intèr eandem virtutem, & idem resistens per æquales arcus; nihilominus pro vna constitutione Machinæ euidentè ostendi multò maiorem esse facilitatem, quàm pro alia: ac proindè verum principium augmenti virtutis per machinam nullo modo esse petendum à velocitate motus; quod si quis velit illam aliquo modo adhibere, nullo modo sic absolutè proponendam, sed cum multis limitationibus, quas si eius author non addiderit, non deerunt, qui euidentè ostendunt fuisse addendas.

Resp. i. licuissè Archimedi, & sectatoribus absolutè asserere, quod si fuerit ratio distantiarum, quæ ponderum reciproca fiet consistentia, & nihilominus insertis ad extrema libræ ponderibus rotundis æqualibus, vt dicta extrema perueniant ad centrum grauitatis illorum; si alterum eius brachium inflectatur sursùm, dùm alterum manet parali



*Sect. 3. Ad obiecta contra Nouum Pr. 85*

parallelum horizonti, quamvis maneat æqualitas ponderum, & æqualitas distantiarum à sustentaculo, non fieri




consistentiam, sed descendere pondus appensum brachio parallelo horizonti; quia distantia à sustentaculo non sunt mensurandæ quomodocumque, sed certis servatis regulis. v.g. non à superficiebus ponderum, sed à centris gravitatis illorum, rursus non in qualibet linea ducta à centris gravitatis ad signabile sustentantur, sed in parallela horizonti ducta per centrum librationis, & quidem secundum designationem factam in illa à perpendiculari D.E. ad centrum Terræ, incedente per centrum gravitatis ponderis, quæ, quia à pondere inserto ad extremum brachij inflexi, & elevati descendens, supra parallelam dictam per centrum librationis extensam, demonstratur illam secare in minori distantia à tali centro C. per sinum primum, quàm sit distantia sinus totius C.B; qua distat pondus insertum ad extremum æqualis brachij, per quod incedit dicta parallela: ideo iure asseri, non fieri consistentiam, sed pondus in brachio æquali quidem, sed parallelo horizonti, descendere, altero elevato.

Quare ergo non licebit mihi absolute asserere à maiore  
 velocitate motus virtutis debilioris respectu tarditatis mo-  
 tus resistentis, facta ex connexionione utriusque in Machina,  
 prouenire augmentum virtutis debilioris per Machinam  
 apte ad vincendum, vel compensandum resistens validius  
 de

de se; licet velocitas, & tarditas motus non sint quomodo-  
cumque mensurandæ?

Resp. ergo 2. velocitatem, & tarditatem motus mensu-  
randam secundum lineam inclinationis potentia motuæ, &  
resistitiuæ; ac proinde in ponderibus singulariter secun-  
dum lineam perpendicularem horizonti, secundum quem  
attenditur deorsum versus illorum inclinatio,



fursum verò illorum resistentia: quare in casu obiecto non  
arcus, sed sinus esse comparandos; atque ita cum tantò mi-  
nor sit sinus versùs D.E, secundum quem ascendit pondus  
in brachio B.C; quam sinus rectus I.H; secundum quem  
descendit pondus in brachio B. H; ideò tantò maior velo-  
citas dicenda erit esse in motu ponderis prævalentis per  
suum descensum; & tantò maior tarditas in motu ponderis  
resistentis in sua elevatione.

Adhibe hanc mensuram proportionalitèr ad alios casus,  
qui similiter proponuntur in oppositum, & agnosces, stante  
veritate nostri principij designationes, & demonstrationes  
illorum verè esse casus.



*Quomodo sit attendenda mensura virtutis ad  
comparationem motiui, & resistiui in,  
usu Machinae.*

**A**D vitandos alios Paralogismos in hac materia comparandi sunt actus secundi talis motiui, & talis resistiui, non solum secundum lineam inclinationis eorum, sed secundum mensuram, in qua præcisè virtus illorum proximè applicatur ad victoriam, & resistantiam; ad quod necessario aduertendum, quid tali virtuti decreascit in ordine ad actum secundum ratione medij v.g. in quo existit; nam omne graue constitutum in medio habente aliquam grauitatem secundum mensuram grauitatis, per quam est æquale tali parti medij, quæ locum ab eo occupatum obtineret, non mouet deorsum intrà illud; cum in toto homogeneè graui, & ad centrum bene constituto, partes non grauitent supra partes, sed naturalitèr quiescant. Ex quo fit vt grauiora v.g. lapis, & plumbum immersa aquæ, non nitantur deorsum intrà illam, nisi secundum excessum supra pondus illius partis aquæ, quæ occuparet locum de facto repletum ab illis. quare si sic immersa connectantur alteri per Machinam, non erit mensuranda eorum virtus motiua, vel resistiua, dum immersio durat, nisi secundum huiusmodi excessum.

*Quæ ratione grauitas aquæ, & quidem vnius supra aliam facillimè, & exactissimè  
deprehendatur.*

**A**Pertissima est experientia, supradicta confirmans, si lapis, vel plumbum tenui filo v.g. setæ equinæ alteri brachio



brachio bilancis alligentur, & demittantur in aquam, & in altera lance arena immittatur, donèc cum pondere sic immerso fiat vtriusque brachij paralleli horizonti consistentia; tùm verò extractis illis ex aqua, addatur in lance arena ad æquilibrium in aëre. Sic enim constabit quanto minus ponderet lapis, vel plumbum intra aquam, si examinetur pondus arenæ additæ ad faciendum æquilibrium in aëre; rursus eodem lapide, vel plumbo modo vni aquæ, modo alteri immerso, & in vtrâque immersione animaduersa quantitate arenæ, quæ in alterius brachij lancem immititur ad æquilibrium, & consistentiam vtriusque horizonti paralleli, agnosceretur quanto in mole æquali, repletuæ loci de facto occupati à lapide, vel plumbo, vna aqua sit grauior alia: ea enim tanto grauior, in qua cum tanto minori quantitate arenæ factum est æquilibrium.

*Soluitur argumentum lynceorum contra  
leuitatem positiuam.*

**Q**Uod dictum est de grauioribus intrâ minus grauioribus, euidenter constat euenturum proportionaliter in leuioribus intrâ minus leuia contentis: ea scilicet in ordine ad leuitandum sursùm non nisi secundùm mensuram excessus suprâ minus leue sursùm nisura, vt similis ratio persuadet. Ex quo cum primum prodijt in tractatu de innatantibus aquæ, lynceum contra leuitatem positiuam argumentum, quàm leue esset ostendi; iuxtà cuius normam Vir illius Academiæ inter primos sic discurrebat magno circumstantium plausu: quando mobile mouetur à principio intrinseco facilius, & celerius mouetur in medio minus resistente velocitati motus, quàm in magis resistente; at si moueatur extrusum à circumstante grauiori tantò facilius & cele-

*Sect. 3. Ad obiecta contra Nouū.<sup>m</sup> Pr. 89*

& celerius sursum mouetur, quanto illud est grauius, licet sit densius medio notabiliter minus graui, in quo lentè promouetur à tanto minori eius grauitate, debilius ipsum sursum agente.

Sed dùm in amphora vitrea v.g; exponitur aqua ad ignē, vt incalcicat, exspiratio tenuis è fundo exurgens celerrimè per aquam fertur, ad cuius supremam superficiem, vbi peruenit, spectatur inclusa bullæ, qua disrupta lentissimè cernitur per aerem ascendere: ergo cum aqua tanto densior aere, tantò magis resistat velocitati motus, si exspiratio illa sursum niteretur vi leuitatis intrinsecæ, tardius multo pergeret per aquam, quàm per aerem; quod cum apertæ repugnet experientiæ, omninò dicendum videtur, celeritatem motus sursum in dicta expiratione esse à grauitate notabili aquæ, illam sursum validè extrudente; tarditatem verò motus eiusdem in aere, alioqui facillimè diuisibili, esse à modica aeris circumstantis grauitate, quæ ipsam debiliter sursum vrget.

Resp. expirationem calidam, respectu aquæ valdè leuem, secundum mensuram totius suæ leuitatis sursum niti intrà aquam; ac proinde valere ad resistantiam illius celeritèr superandam; at verò valdè exiguum excessum supra aerem obtinentem in leuitate, sursum niti præcisè secundum mensuram talis excessus; ac proinde non esse mirum si lentè per aerem ascendat; etiamsi dicatur à leuitate positua intrinseca moueri.

*Quomodo per Machinam inter virtutem debilio-  
rem, & validius nitens in oppositum fiat  
consistentia ex vi nostri Principij.*

**O** Biectum est 3, & prorsus reiectum nostrum Principium à duobus Mathematicæ Professoribus, quo-  
rum

M

rum alter libris editis merito celebris est P. Cauallerius, quod cum tale Principium restringatur ad maiorem velocitatem motus omnino nullum est in explicando æquilibrio inter debilius, & potentiùs, quando eadem fuerit ratio distantiarum, quæ ponderum reciproce; quod etiã ostendit, dum virtus debitor præualendo causat motum, talis prævalentiæ veram causam non contineri in illo Principio, in quo causam æquivalentiæ, dum per virtutem debiliorem causatur æquilibrium, nullo modo contineri euidentest.

Resp. 1. me non facere vim in nomine; an scilicet consistencia, & quies, quæ per Machinam sequitur inter debilius, & fortiùs, sit dicenda æquivalentia, & æquiponderatio, nec ne.

Resp. 2. quod si idem pondus, vt vnum sit in tali dispositione ex artificio Machinæ connexum cum pondere vt quatuor v.g; ratione cuius non possit sequi motus ipse, nisi cum velocitate, vt quatuor, respectu velocitatis, vt vnum, in motu correspondenti illius: ac proinde in motu sic velociori pondus, vt vnum, necessariò quater sit replicandum, & totiès applicandum ad mouendum, vel resistendum: necessariò in tali dispositione ex vno nostri Principij, fiet consistencia, & quies cum pondere, vt quatuor, cum quo sic connexum est per Machinam; cum non possit in tali dispositione illud mouere, nec ab illo moueri; non mouere, quia ipsum in motu sic velociori non applicaretur, nisi vt quatuor, quomodo est impossibile præualere ei, quod in suo motu necessariò esset pondus vt quatuor: nec moueri; quia in motu sic velociori, qui in pondere, vt vnum, diceretur causari ab altero, ipsum necessariò applicaretur, vt quatuor, ad resistendum; ac proinde secundum talem replicationem æquivalentis quatuor resistentibus, vt vnum, non posset vinci à motore vt quatuor in motu sic tardiore, vt semel tantum, applicato ad mouendum respectu illius.

Quomodo



**Q**uomodo virtus de se minor constituatur per  
Machinam proxime, potens incipere  
motum, quo vincat validius  
resistitum.

*Quomodo ex motu virtutis reddatur ratio à prio-  
ri eius, qui existit in resistituo,  
dum vincitur.*

**O**biectum est 4. in litteris Neapoli scriptis, & censura  
Romæ facta, ab eruditissimo, & amicissimo viro, vir-  
tutem de se minorem nullo modo replicari, nisi in motu ve-  
lociori: & iuxta nouum modum philosophandi nullo mo-  
do æquivalere, ne dum præualere posse maiori resistituo,  
nisi per talem replicationem; ergo ipsa, vt est anteceden-  
tè ad motum minor, non poterit incipere motum contra  
resistentiam potentioris; cum omnis operatio contra resi-  
stentiam alterius, exerceatur secundum proportionem ma-  
ioris inæqualitatis, addidit vir in mathematicis multorum  
magister ex Boemia rescribens: motum, qui fit per Machi-  
nas, esse quid posterius augmento virtutis operantis per ma-  
chinam, vt pote effectum illius; ergo aliundè debete proba-  
ri à priori auctas esse vires; immò, inquit, si quis neget po-  
tentiam ita constitutam posse motum incipere, tota noua  
philosophia corruet.

Omissa probatione, qua per deductionem ad impossibile  
in folijs primò publicatis ostendi, quod talis virtus licet mi-  
nor, in tali applicatione per Machinam connexa cum po-  
tentiori, necessario dicenda est motum inceptura.

Resp. 1. quod licet virtus, de se minor, non replicetur in actu secundo appositè ad intentum, nisi in motu sic velociori; nec nisi secundum illum in actu secundo vincat resistens de se validius; quod paritèr exercet resistantiam in actu secundo in motu sic tardiori; attamen ex constitutione Machinæ habetur talis connexio virtutis de se minoris cum validiori resistitui, quæ antecederet ad motum importat proximam determinationem ad correspondentiam tantò velocioris motus illius cum tantò tardiori motu istius; quatenus posita tali connexione eorum per Machinam non potest tantæ velocitati illius correspondere, nisi tanta tarditas istius, sed virtus dicta ut applicata, secundum proximam determinationem, ad huiusmodi correspondentiam, non est minus potens; immò etià potentior est respectu resistitui dicti, cum tali determinatione applicati ad resistendum; ergo antecederet ad motum, ex tali connexione per Machinam est proximè potens exercere suum motum, quo vincat talem resistantiam illius.

Minor, & consequens ex illa tibi constabunt, si attendas effectum sequi ad virtutem; non præcisè sumptam, sed secundum mensuram applicationis illius, & hanc comparatam ad resistituum, non præcisè sumptum, sed secundum mensuram applicationis illius ad resistendum; ac proinde contra vim resistitui simpliciter validioris, sed restricti per Machinam ad correspondendum per exercitium resistantiæ tantò debilioris, poterit virtus simpliciter minor, sed applicata proximè ad actum secundum tantò superiorem dictæ resistantiæ, quæ sola, & non alia potest in tali connexione per Machinam illi correspondere; incipere motum, quo illam vincat: cum præsertim talis motus illi de se non sit improporcionatus, nisi posita sufficienti impeditiōe, quam non ponit resistantia tantò minor, ad quam, per determinationem ad motum sic tardiozem, determinatur validius.

*Secio 3. Ad obiecta contra Nouum Pr. 93*

lidius alioqui resistitium, sic per Machinam adnexum.

Resp. 2. ad-additamentum; duplicem motum in vsu Machinæ posse considerari, primò eum, qui est virtutis, vincētis in actu secundo actualem resistantiam sic limitatam alterius, de se alioqui potentis maiorem exercere; secundo eum, qui in resistente contra eius inclinationem causatur à virtute adiuta per Machinam modo dicto; & me assumere virtutem, vt sic replicatam in primo ad reddendam rationem à priori secundi, qui fit in resistente.

Potest ergo virtus, vt vnum v. g. quæ applicatur proximè ad causandam eleuationem ponderis, vt quatuor, secundum præsuppositam prius naturæ applicationem sui quinquies multiplicatam in motu quinquies velociori, ex tali connexionē per Machinam, vincere tale pondus, vt quatuor, restrictum ad exercendam resistantiam in motu correspondenti quinquies tardiori, pro quo se habet vt semel quatuor ad quinque, iuxta probata in explicatione nostri Principij; & sic per talem sui motum esse ratio à priori talis motus, quo vincitur resistens; & cuius causa quæritur.

*Quomodo possit in motu essentialiter successiuo dari simultaneitas replicationis, qua virtus de se debitor vincat validius resistitium, quod in tota successione motus correspondentis semper simul habet totum id, per quod est validus simpliciter.*

**O**biectum est 4. ab alio, quem in Mechanicis problematibus singularitè exercitatum produunt litteræ ex Boemia paritèr transmissæ: quod illa replicatio virtutis, vt  
vnum,



unum, nihil præstare possit ad augendam potentiam: quia etiam si dici possit virtutem, ut unum, fuisse eodem tempore in quinque palmis spatij, pro quo resistit unum, ut quatuor, fuit in uno; non tamen illa replicatio virtutis, ut unum, est simul respectu sui; & illud unum quantumvis replicatum nihil potest ponere simul, quod sit plus quam unum; quod autem eadem virtus præstet in primo palmo, ut sic, non potest iuvare eandem ad premendum pro secundo; nam canis mortuus non mordet. At verò quatuor libræ v.g. in resistituo existunt simul, ideoque illud habet maiorem potentiam ad premendum, quam virtus, ut unum, in actu primo ad eleuandum; sero enim replicatio adueniet.

Resp. præter illa, quæ antè dissoluimus; quod assumitur, ut præcipuum in obiectione, petitum esse ex essentiali successione motus localis, secundum quam implicat contradictionem aliquas partes illius inuicem in duratione penetrari, ne sequatur idem simul commensurari maiori se, & sic esse, & non esse minus illo: sed hoc totum admittendo coherenter ad id, quod ostensum est in explicatione, & probatione nostri Principij; implicat pariter contradictionem talem motum essentialiter successiuum, qui est modo dicto tanto velocior alio, sibi in tanto maiori tarditate correspondenti, & tali connexionem vtriusque per Machinam, non habere simul proportionem talis excessus ad illum, per quam non solum totus motus ad totum motum, sed qualibet pars signabilis in illo ad correspondentem signabilem in alio non sit velocior in eadem proportionem, quam sit illa; & ita hoc est mirabile, sed verissimum, ut in sui motu, velociori respectu tardioris, cum essentiali successione in ipso consistat simultaneitas talis proportionis excessus ad aliud; ut respectu cuiusque partis, signabilis in motu sic tardiori resistentis, sit virtus replicata secundum talem proportionem in suo motu sic velociori: quare in partibus velocioribus motus impenetrabilibus

*Sectio 3. Ad obiecta contra Nouum Pr. 95*

bilibus absolutè inter se duratione, retineatur necessariò simul proportio excessus applicationis virtutis, sic motæ, supra talem resistantiam exercitam à correspondenti, quod sufficit ad intentum per Machinam, in adiumentum virtutis de se debilioris assumptæ; nec successio in partibus, & simultaneitas excessus sunt de eodem, comparato eodem modo ad idem, vt iure dici possint in tali motu velociori habere repugnantiam: neque in alio notiori, & æque extra controuersiam erant explicabiles.

*Quomodo augmentum virtutis motiuæ, sic limitatæ, & debilioris, possit crescere in infinitum per Machinam ad vincendum resistitiuum validius, & validius in infinitum.*

*Quomodo tale augmentum non solum non sit ex augmento impetus collecti in tali mouente ex motu per Machinam; sed fieri possit maius, & maius in infinitum cum eodem prorsus impetu; imò cum diminutione illius.*

**O** Brexit V. Philosophia Professor, & Mathematicarum benè peritus; quod cum in alijs agentibus, licet applicationem maiorem sequatur aliqua maior perfectio, vel in causatione, vel in effectu; nihilominus sint certi limites in causando per naturam præscripti ex limitatione virtutum in essendo, quos virtus sic limitata non potest excedere; quomodo poterit vis finita obtinere per Machinam maiorem,

rem, & maiorem applicationem in infinitum, & secundum illam obtinere maiorem, & maiorem effectum in victoria, validioris, & validioris resistitui in infinitum?

Neque videatur recurri posse ad aggregationem maioris, & maioris impetus, cum grauitas ponderis mouentis sit eadem, & eius motus possit æquali tempore, & spatio mensurari.

Resp. primò victoriam validioris, & validioris resistitui in infinitum, non posse tribui, maiori, & maiori perfectioni virtutis motiue, aut impetus producti, & collecti in moto, & mouente per illam; cum illa sequi possit, non solum persistente grauitate, & impetu in eadem mensura; sed illis licet imminutis: nam pondus cum eadem grauitate, & æquali tempore motum, æqua celeritate descendens; immò cum minori grauitate pro æquali tempore minus velociter motum, potest hoc præstare, dummodò ex connexionē per Machinam restringatur resistituum ad exercendam in motu, respectu ipsius, sic tardiori minorem, & minorem resistentiam.

Resp. 2. cum victoria, quæ reportatur de resistente in usu Machinæ, adhibita in adiumentum virtutis debilioris, procuretur per proportionem maioris inæqualitatis in velocitate motus virtutis, supra eam, quæ est in motu resistentis; & ea sequatur ex tali conformatione Machinæ, per quam talia mobilia cum tali dispositione ad huiusmodi motuum correspondentiam connectuntur, sicut talis proportio potest crescere persistentibus in eadem determinatione in se, tam grauitate ponderis v.g, quam impetu à grauitate producto; si motus resistentis correspondens magis & magis retardetur; ita non arguit necessario maiorem perfectionem in causa, aut in effectū illius.



In quo conueniant mouens per Machinam, & resistens motum cum alijs agentibus naturalibus, & passis illis correspondentibus;

*Et in quo differant ex mirabili artificio Machinae, inuenta in adiumentum virtutis motiuae debilioris contra vires validioris resistitui.*

**C**Ausa quantumuis limitata in natura, non habet limitationem in successiua applicatione totius suae virtutis ad actum secundum sibi proportionatum, consequenter producendum alium, & alium, pro mensura suae durationis; actus enim secundus praecedens, vt sic, relinquit eandem potentiam aequè proportionatam simili pro tempore sequenti; nisi ea aliunde debilitetur, aut destruatur. Virtus limitata in natura potest contra resistitiuum non constitutum in diuerso genere, si eius resistentia fiat minor, & minor in infinitum,

Hoc autem, & nihil amplius conuenit virtuti, vtenti Machina ad aequivalendum, vel praualendum potentiori, & potentiori in infinitum.

Sed artificium Machinae haec habet mirabilia; Primò applicationi successiuae virtutis contert simultaneitatem proportionis in excessu celeritatis respectu alterius; ac proinde virtus motiua, cum successione in applicatione sui ad actum secundum, obtinet per Machinam, vt simul aequiualet pluribus, & pluribus in tali proportionem respectu al-

N

terius,

terius, ad illi æquiualendum, vel præualendum; quibus tamen simpliciter loquendo, & de se considerata, non æquiualeat, nisi successiuè, per talem successiuam applicationem ad vltiorem, & vltiorem actum secundum, vt verificatur de qualibet alia virtute limitata, operatiua in natura.

Secundo quod validissimum resistitiuum in proportionem correspondente restringit ad minorem, & minorem actum secundum resistantiæ in motu sic tardiori; ita connectendo ex sui dispositione virtutem, motiuam secundum propriam inclinationem, & resistitiuum mobile contra propriam inclinationem; vt dum est necessaria connexio tantæ celeritatis motus illius cum tanta tarditate motus istius, sic celerius mouens in proportionem, non habentem successionem in sui denominatione, æquiualeat tot motoribus, qui simul sumpti non solum possunt esse pares, vt euenit in consistentia; sed etiã istud excedere, vt euenit cum mouetur, & cedit:

ipsum autem sic tardius motum non æquiualeat

nisi minori, & minori resistitiuo, quod com-

paratione debilioris & debilioris mo-

tiu, modo dicto adiuti per Ma-

chinam, vel præualere ei

non possit, & sic fiat

consistentia; vel

compel-

latur ei cedere, & sic contra pro-

priam inclinationem mo-

ueatur ab illo.

\* \*



# PARS QVARTA

De Comparatione virtutis moti-  
uiæ per Machinam, cum Resi-  
stitiuo penetrationi, & inductioni  
vacui inter corpora.

LECTORI.



*D* examen augmenti Virium motui per  
Machinam supra resistens deesse vide-  
batur comparatio cum resistiuo Pene-  
trationi, & inductioni Vacui, quoties  
inter corpora, diuellenda inuicem, non  
potest succedere aliud corpus: placuit  
hanc ipsam addere; præmissis tamen nonnullis, quæ, in-  
terrogatus de nouis experimentis ad ostensionem Vacui  
adductis, anno superiori responderam, & difficultatibus  
contra responsa propositis nuper reposui. Quod si per ea,  
alijs Philosophia Partibus opportuniore, cum numero pa-



ginarum tibi fastidium crescat, facillimum erit omittendo minuere, & ad ea, quæ propositæ comparationi directæ satisfaciunt in fine secundæ Epistola, diuertere. Unum rogo, ne grauitè feras alteri, istæ hæc ipsa volenti, esse pariter facillimum paucis exposita percurrere. Vale, & horas vacuas melioribus imple.



# MAGNO AMICO

NONNEMO EX COLLEGIO ROM. S.I.S.D.

*Experimenta vulgata non vacuum probare, sed  
Plenum, & Antiperistasim stabilire.*



AVVM interrogasti, sed versari solitum cum Oedipis, quibus conuiuere tanti est, vt mihi ex illorum eruditione aliquid fortè adhæserit, quo propositis satisfaciam: quod vt præstem, licet, præter exhibita ab alijs, propria, & sæpius iterata experimenta adhibuerim, non apponam tamen mensuras Tuborum vitreorum, aut infusi argenti viui, aut partium in illis ab eo descendente tam in vibrationibus, quàm in quiete derelictarum, nec vibrationum ipsarum numerum, aut similia; quia ad solutionem eorum, quæ mihi proposita sunt, minus faciunt, & Epistolæ breuitatem quantum fieri possit; sinè veritatis intentæ dispendio, retinere animus est, cum præsertim ea ab alijs vulgata sint.

## *Experimentum propositum.*

**S**I Tubus vitreus, secundum alteram extremitatem imperuius, ingesto per alteram patentem argento viuo, impleatur, & erectus immergatur secundum patentem, sed appposito digito clausam, alteri argento viuo in vase subiecto contento, & aqua superfuso; tum amoueat digitus  
ab

ab orificio Tubi, argentum viuum in Tubo contentum descendit, post descensum aliquantum assurgit; tum descendit minus, & resurgit minus; donec iteratis aliquot vibrationibus semper minoribus, tandem quiescat in parte Tubi inferiori, relicta superiori non ipso solum destituta, sed quouis alio corpore, quod notari potuerit in ipsius locum succedere.

Hoc posito: quæsitum est primò, an dicta pars superior Tubi, sic destituta, verè vacua sit. Secundò, si non sit vacua, quo corpore repleatur. Tertiò, qua vi argentum viuum tam graue retineatur intra aliquam portionem Tubi notabiliter eleuatum supra aliud argentum viuum in vase contentum, & post descensum agatur sursum in iteratis vibrationibus ante quietem.

Quibus antequam satisfacio, placet aliqua non iniucunda, nec extra rhombum præmittere.

### *Experimentum Secundum.*

**P**Rælusit huic experimento Gaspar Berti, Romanus, Vir nobilis, & in Physicis, Mathematicisque solidè doctus, singulari in experimentis capiendis solertia. Is enim ubi cognouisset nescio quos ex eo probare dari vacuum, saltem ad breue tempus, inter corpora; quod aqua intra Tubos ultra certam mensuram eleuata sisti non posset, quin ex apertis inferius deflueret, nullo interim ex superioribus illorum partibus corpore ad replendum locum aqua destitutum succedente, inferioribus aqua defluente occupatis.

Tubum in maiori multò, quam illi exposcerent, longitudine plumbeum erexit, cuius inferiorem extremitatem, ænea clauis benè munitam, intra vas aqua plenum immisit, ad superiorem vas æreum aptauit, cuius collum Tubo insertum stamno solidauit: in medio huius ærei vasis, fulcris e lateri-



lateribus extantibus campanulam suspendit, appposito ferreo malleolo, aptè ad incutiendum istum, si eleuaretur: tum per huiusmodi vas æreum aqua inflata Tubum ad orificium usque dicti vasis impleuit, & impositum orificio operculum statim pariter solidauit.

His ita constitutis vnco ferreo ad inferiorem extremitatem Tubi, intra aquam latentem, immisso, conuoluta clauis ænea, viam aperuit, qua liberè posset aqua ex illo in subiectum vas defluere; & verò, vt assurgens in vase aqua indicauit, defluxit quantum sex palmos circiter Tubi ante replebat, reliquum intra Tubum perstitit, patente licet ad multum tempus eadem via, quæ postea, reuoluta clauis iterum conclusa est. Tum verò, admoto magnete ad superius vas æreum, malleolus allectus, & remoto dimissus est, à quo percussa campanula, auditus ab experimenti spectatoribus est sonus; sic Tubo vtrinque probè clauso per noctem relicto, mane clauis ænea iterum conuoluta, iterum aperta est aquæ via: verum non solum nihil amplius ex ea demisit Tubus, sed ex pridie demissa resorbuit. Iteratum coram viris eruditis experimentum eodem successu Florentiam ad Amicum perscripsi.

*Experimentum Tertium.*

**L**itteris loco auctarij addidi aliud, sub idem tempus à me completum, ad reuincendos eos, qui negabant intra concamerationes subterraneas, plus frigoris esse in æstate, plus caloris in hyeme; & quod videmur experiri, tribuentes mutationi sensorij, quod calidius in æstate tali ambiente, & hyeme frigidius, secundum variam, pro varia in se dispositione, alterationem, modo frigoris, modo caloris in eodem exhibeat experimentum.

Thermoscopium siquidem intra eandem cauernam detentum

ab orificio Tubi, argentum viuum in Tubo contentum descendit, post descensum aliquantum assurgit; tum descendit minus, & resurgit minus; donec iteratis aliquot vibrationibus semper minoribus, tandem quiescat in parte Tubi inferiori, relicta superiori non ipso solum destituta, sed quouis alio corpore, quod notari potuerit in ipsius locum succedere.

Hoc posito: quæsitum est primò, an dicta pars superior Tubi, sic destituta, verè vacua sit. Secundò, si non sit vacua, quo corpore repleatur. Tertiò, qua vi argentum viuum tam graue retineatur intra aliquam portionem Tubi notabiliter eleuatum supra aliud argentum viuum in vase contentum, & post descensum agatur sursum in iteratis vibrationibus ante quietem.

Quibus antequam satisfacio, placet aliqua non iniucunda, nec extra rhombum præmittete.

### *Experimentum Secundum.*

**P**relusit huic experimento Gaspar Berti, Romanus, Vir nobilis, & in Phisicis, Mathematicisque solidè doctus, singulari in experimentis capiendis solertia. Is enim ubi cognouisset nescio quos ex eo probare dari vacuum, saltem ad breue tempus, inter corpora; quod aqua intra Tubos ultra certam mensuram eleuata sisti non posset, quin ex apertis inferius deflueret, nullo interim ex superioribus illorum partibus corpore ad replendum locum aqua destitutum succedente, inferioribus aqua defluente occupatis.

Tubum in maiori multò, quam illi exposcerent, longitudine plumbeum erexit, cuius inferiorem extremitatem, ænea clauis benè munitam, intra vas aqua plenum immisit, ad superiorem vas æreum aptauit, cuius collum Tubo insertum stamno solidauit: in medio huius ærei vasis, fulcris e lateri-

lateribus extantibus campanulam suspendit, appposito ferreo malleolo, aptè ad incutiendum istum, si eleuaretur: tum per huiusmodi vas æreum aqua infusa Tubum ad orificium vsque dicti vasis impleuit, & impositum orificio operculum statim pariter solidauit.

His ita constitutis vnco ferreo ad inferiorem extremitatem Tubi, intra aquam latentem, immisso, conuoluta clauis ænea, viam aperuit, qua liberè posset aqua ex illo in subiectum vas defluere; & verò, vt assurgens in vase aqua indicauit, defluxit quantum sex palmos circiter Tubi ante replebat, reliquum intra Tubum perstitit, patente licet ad multum tempus eadem via, quæ postea, reuoluta clauis iterum conclusa est. Tum verò, admoto magnete ad superius vas æreum, malleolus allectus, & remoto dimissus est, à quo percussa campanula, auditus ab experimenti spectatoribus est sonus; sic Tubo vtrinque probè clauso per noctem relicto, mane clauis ænea iterum conuoluta, iterum aperta est aquæ via: verum non solum nihil amplius ex ea demisit Tubus, sed ex pridie demissa resorbuit. Iteratum coram viris eruditis experimentum eodem successu Florentiam ad Amicum perscripsi.

*Experimentum Tertiū.*

**L**Iteris loco auctarij addidi aliud, sub idem tempus à me completum, ad reuincendos eos, qui negabant intra concamerationes subterraneas, plus frigoris esse in æstate, plus caloris in hyeme; & quod videmur experiri, tribuentes mutationi sensorij, quod calidius in æstate tali ambiente, & hyeme frigidius, secundum variam, pro varia in dispositione, alterationem, modo frigoris, modo caloris in eodem exhibeat experimentum.

Thermoscopium siquidem intra eandem cauernam detentum



rentum per triennium semper exhibuerat aërem æstate intra Tubum vitreum in maiores angustias reductum, assurgente aqua ex ampulla subiecta, cui altera Tubi extremitas erat immersa, ad replendas partes illius ab aëre restricto derelictas; eundem hyeme dilatatum, aqua in Tubo vitreo deorsum extrusa. Ex quo pariter deduxi contra irrisores Antiperistasis dari fugam à contrario, per quam à calido, per æstatem in superioribus terræ partibus dominante, expirationes frigida se recipiunt ad subterraneas; ad quas pariter se recipiunt halitus calidiores, dominante per hyemem frigore in superioribus.

Factum post hæc experimentum argenti viui Florentiæ, initio propositum, & à Principe Cardinali Mediceo, vt primum in Urbem Purpuratus aduenit, accedentibus ad se honoris causa Patri Leoni Sanctio, studiorum in Collegio Romano Praefecto, & Patri Athanasio Kircher, Matheseos Professore humanissimè exhibitum.

### *Experimentum Quartum.*

**A**ddamus quartum ad sanandos eos, qui inter aquæ partes, frigore constrictas in glaciem, vacuitates paruas comminiscuntur ex eo, quod aqua in congelatione ad maius interuallum occupandum extendatur; vasa enim, licet benè compacta, si à sinu latiori in angustum assurgant, & ad maximam latitudinem, vel ultra repleantur, in congelatione diffringit; non sic, infra illam, vt dilatationi spatium detur; & in marmoreis patentibus, sed recuruo intus labro, validius resistentibus, ipsa curuatur, sursum secundum conuexum eleuata; omnisque glacies, vel integra, vel etiam comminuta, cuicunque aquæ solutæ immersa superueniat.

Anno 1647. per æstatem exhibitum spectaculum in frigidationis

dationis aquæ, amphora vitrea inclusa, per immissionem, & agitationem conuenientem intra præparatam glaciem contusam.

In quo primò aqua visa est ad minus spatium restringi, relicta parte colli, quam, ante inchoatam frigoris actionem, occupabat; tum progrediente ab ambiente frigido alteratione, cœpit dilatari, vt non solum spatium relictum replet, sed exundaret, aliquot eius partibus ex amphora defluentibus: cum assurgerent interim intra aquam maiores bullæ, quæ ad superficiem accurrentes, postquam supernataissent, rumpebantur; crebrescebant verò minutiores multæ, quarum extimæ, adhærentes passim vitro amphoræ, spectabantur.

Qui Romam perscripsit hoc experimentum, vir ingenio, eruditione, & libris impressis celebris, adiecit se apparentium in illo causas inquirentem eo deuenisse, vt nec inuentas, nec inueniendas arbitraretur.

*Prænotanda ad solutionem.*

**P**lacuit multiplicare nodos; vt ex illorum solutione clarius constet, non oportere ex difficultatibus occurrentibus noua quotidie dogmata cudere, aut antiqua veterum commenta recoquere; sed satius esse quorundam ingeniorum intemperiem iniecta frigida compescere, quam fovere; ne studio nouitatis, dum animo sincero aliqui Philosophiam iam receptam impetunt, ad meliora labefactanda alij progrediantur.

Pro solutione primò recognoscenda admixtio halituum, tenuium, & spirituum in aqua, & multò magis in mixtis crassioribus: licet enim sint leuiores, nihilominus nec vi propria, nec illorum pondere sufficienter extruduntur, cum

ad tenues valdè particulas sunt redacti. Videmus aliquid proportionaliter euenire in particulis terræ, quibus difficile, & nunquam satis liberantur aër, & aqua.

Aliquod huius vestigium notare est in capiendò experimento primo; si enim quacunque industria repleas Tubũ vitreum argento viuo, aërem quidem in maiori mole, maioribus bullis inclusum, extrudi videbis; semper tamen partes illius minores, minoribus bullis inclusas, Tubo adhærentes intra illud remanere conspicias: quanto igitur minus poterunt particulae minores, & minores expirationis, seu spiritus extrudi ab argento viuo, vel alijs? obuia sunt experimenta, quibus huiusmodi halitus, & spiritus, secundum minores, & minores particulas admixti corporibus crassioribus comprobantur: & per regressum ratiocinando ex his, quæ dicemus de experimentis propositis, clariùs cognoscuntur adesse.

Recognoscendum secundo huiusmodi particulas tenuiores, & spiritus iuxta exigentiam conseruandæ debitæ dispositionis in natura vniri, & quidem factò motu ad omnem positionis differentiam: sic halitus frigidiores in æstate, calidiores in hyeme se recipiunt intra cauernas, vt se à contrario tueantur, iuxta experimentum tertium: sic expirationes igneæ saxo in calcem redactò inclusæ, si illud immergatur aquæ, & paulò post extrahatur, dum fugiunt à contrario, sociantur; & sic vnitæ non solum valent ad sensibilem alterationem, quam dispersæ antè non poterant exerce-re; sed quæ sunt intensius affectæ intendunt debiliores; vt consequenter totum aggregatum ex illis, secundum calorem melius dispositum, potentius sit ad obtinenda ea, quæ talem dispositionem naturaliter consequuntur: sic non solum, actione illarum præualente frigidis, & crassioribus, tota massa feruere incipit; sed requirente aggregato ex illis, ampliorem locum, dissipatur, etiam aliquando



aliquando cum strepitu, aliquot è crassioribus partibus eubratis.

*Experimentorum Causæ.*

**H**is præcognitis. Ad quartum experimentum censeo, in prima approximatione validi infrigidantis aquam tepentem confringi; quia talis est connaturalis dispositio subiecti infrigidati; ad minorem enim locum reduci, quæ infrigidantur, passim constat, si excipias ea, quæ congelantur, quorum dilatationem euenire aliunde, & per accidens ad infrigationem, ex mox dicendis constabit. Tum verò particulis calidæ expirationis in eo contentis, ab ambiente frigidiorē refugientibus, & inuicem associatis modo dicto, sequitur alteratio calidiorum in minus calidas, & ex hac totius aggregati in ampliorem locum dilatatio, per quam aqua non solum replet amphoram ad primam mensuram, sed etiam superfluit: quæ in maiori quantitate sociantur, illæ in maioribus bullis enatantes exeunt; quæ minoribus bullis inclusæ, non vincentes sufficienter adhærescentiam, retinentur in aqua, quæ propterea in congelatione semper ad ampliorem locum extenditur, & congelata solutæ supernatat.

Ad secundum, quando primo exhibitum est, dixi, aquam suo pondere nitentem deorsum per apertam ad inferiorem extremitatem Tubi viam, partes substantiæ tenuioris sibi immixtas extirudere sursum, & suo descensu distendere, atque pro mensura, ad quam potest illas dilatare, in vas subiectum defluere. Porro in superiori parte, quæ huiusmodi expiratione repletur, appulsu malleoli ad campanulam sonum edi, nullo ibi existente vacuo, nullo accidente sine subiecto; & euidenter conuinci, ibi fuisse corpus violenter dilata-

dilatatum ex eo, quod alteratum per noctem à frigore ambientis, & sic maiores habens vires recolligendi se in minorem locum, laxata mane extremitate Tubi inferiore, superatum est ab illo se condensante aquæ pondus: dum verò hæc sursum ab illo retracta est, aliam ex subiecto vase Tubus resorruit.

Confirmabuntur ista ex mox dicendis ad primum experimentum, de quo interrogatus sum; ad cuius solutionem.

Affero primò, certum esse ad replendum spatium, relictum in superiori parte Tubi ab argento viuo, non succedere aërem, transeuntem per poros vitri; tum quia illis similiter apertis, sicut patuerunt ad introducendum tantum aëris, posset ulterius, saltem sensim, aër succedere, usque dum argentum viuum totum descenderet in Tubo ad superficiem usque alterius in subiecto vase contenti; cum tamen certò constet id non euenire; neque illud argenti viui, quod intra Tubum quiescit, dici possit ab aliquo extrinseco contranite æquilibratum sustineri, ut mox ostendam: tum quia ubi argentum viuum, remoto ab extremitate Tubi immersa digito, primo impetu descendisset, non statim quod remansit intra Tubum subsiliret, cum non habeat, ut ostendam, æquilibrans extrinsecum, à quo per sui descensum violenter eleuato, & postea vicissim ad descensum prævalente, ipsum tantum eleuetur, iteratis, ut dixi, vibrationibus, donec quiescat; & multò facilius aër continuaret ingressum per eos poros, quam tantum ponderis relictum in Tubo argenti viui cum addito eius, quod in subsultu resorbere tur intra Tubum, e subiecto vase eleuaretur, ab aëre in superiorem Tubi partem ingresso, & se colligente ab aliqua distensione.

Denique quia si primo Tubus non omnino argento viuo repleatur, sed, aëre in aliqua eius parte relictò, inuertatur, aër ad superiora Tubi versus extremitatem vitro clausam ascendit:

ascendit: quo facto si Tubus argento viuo contento in subiecto vase per alteram extremitatem immergatur, & amoto digito inclinetur, non potest argentum viuum percurrente Tubum inclinatum omnino illum replere obistente aëre qui semper conspicitur in Tubo sic inclinato locum tenere. At vero si Tubus primò, aëre quantum fieri potest excluso, totus argento viuo repleatur; tum erectus secundum inferiorem partem immergatur, donec ab aperta inferiori extremitate argētum viuum defluens relinquat superiora Tubi destituta; si postea idem Tubus eodem modo immersus argento viuo inclinetur, argentum viuum per inclinatum excurrens totum implet, quod apertè indicat partem Tubi superiorem, ab argento viuo descendente relictam, non fuisse repletam aëre, cuius si vna particula admittatur relinqui intra Tubum, semper in eo vel erecto, vel inclinato agnoscitur suum tenere locum, vt non possit, nisi eo per extremitatem apertam excluso, Tubus sensibilibiter totus argento viuo repleri.

Affero secundò, non succedere aërem, aut aquam, subeuntem per extremitatem Tubi, quæ amoto digito aperta est intra argentum viuum, in subiecto vase contentum, & aqua superfusum. Probatur tum ex modò dictis, quæ proportionaliter contra subeuntia per inferiorem extremitatem aërem, & aquam militant; tum quia ab argento viuo in tanta quantitate circumfuso, & muniente extremitatem Tubi apertam, sufficienter illis impeditur transgressus ad superiora Tubi supradicta.

Affero tertio, spatium intra Tubum, ab argento viuo descendente relictum, nullo modo esse vacuum.

Colligitur siquidem ex iteratis, & examinatis experimentis ibi adesse corpus replens. Primò proportionaliter, vt euenit in Thermoscopio, calefacto vehementer panno lino, & secundum plures plicas ad superiores Tubi partes, argento.



argento viuo destitutas admoto, agnoscitur rarefieri quod est intus, & deorsum magis detrudi argentum viuum; Immerso verò eodem panno in frigidam, & similiter admoto, agnoscitur id, quod est intus, ad minus spatium coarctari, dum argentum viuum non solum attollitur ad mensuram, in qua quiescebat antequam calidus pannus admoueretur, sed sensibilibus supra illam: remittente autem calore, & frigore sic inducto, argentum viuum restitui ad mensuram, in qua primo quiescebat: corpore scilicet intus existente similiter, vt ante, disposito.

Secundò colligitur in superioribus Tubi partibus argento viuo destitutis adesse corpus replens ex vibrationibus ab argento viuo descendente, & rebliente iteratis; similiter ex quiete, qua tandem persistit intra tantam partem Tubi erecti modo dicto; cum modo nullo, vt mox dicemus, possint huiusmodi causari ab aliquo æquilibrante extrinseco; fiunt igitur à corpore intra partes superiores Tubi existente, per vim rarefacto ad tantam mensuram ab argento viuo, non solum secundum naturale suum pondus prævalente, sed etiam per impetum acquisitum in descensu, quo impetu imminuto, illud contra solam vim prægrauantem tanti argenti viui recolligit se, & argentum viuum sursum eleuat, collecto similiter impetu in se per talem motum, quo imminuto non potest retinere argentum viuum in tanta mole, in quanta eleuauit; quare illud descendit; sed è minori altitudine semper, & in minori mole, quam in præcedenti descensu, & ita minore vi distrahit minus tale corpus replens spatium à se relictum, quod rursus, minore vi recolligens, minus eleuat argentum viuum; imminuta sensim actione ab utroque ad alterum, minuantur vibrationes, & tandem fiat consistentia argenti viui in mensura, secundum quam corpus replens superiores partes Tubi in tali dispositione potest tantum distrahi à tanto pondere illius, &

tantum

tantum pondus illius potest sustineri à corpore sic obfistente ulteriori distensionì ab illo.

Placet hic aduertere, quod si facta consistentia, Tubus magis immergatur argento viuo, aut magis descendendo intra illud, aut per nouam infusionem, tunc crescente illo in vase subiecto, contentum intra Tubum supra mensuram prius in Tubo assignatam assurget, sed non in maiori quàm prius altitudine supra superficiem argenti viui, subiecto vase contenti; ratio huius est, consequenter ad dicta, & dicta confirmans; quia quod est immersum alteri argento viuo non nititur deorsum, sed in illo quiescit; quare præter illud, quod immersum est, debet remanere tantum, quantum à corpore supra existente sic distento potest sustineri; quodd cum sit in mensura ferè æquale ei, quod ante ab ipso sustinebatur, non potest non excedere signatam altitudinem in Tubo magis immerso, & esse in æquali ferè eleuatione supra superficiem eius, cui in vase subiecto immersum est: Quod si superfundatur aqua argento viuo in vase contento, vel superfusa augeatur, assurget contentum intra Tubum, sed minus; & ratio est, quia graue immersum aquæ tantum cessat grauare sustinens, quantum est pondus aquæ, quæ replet spatium occupatum ab illo intra reliquam aquam; idèò argentum viuum crescit supra mensuram in Tubo ante occupatam, sed pro mensura ponderis talis aquæ; immò assurget etiam magis super superficiem argenti viui in vase subiecto contenti, quod ante non præstabat; quia in isto casu argento viuo, quod ante quiescebat inclusum Tubo in tanta eleuatione supra superficiem alterius, cui extremitas aperta Tubi immergebatur, detractum est, in ordine ad sustinens, aliquid ponderis, pro mensura ponderis aquæ, repletuæ spatij intra circumfusam occupati ab illo: quare cum sustinens possit sustinere tantum ponderis, quantum à se sublatum sustinebat ante, necessariò sustinebit eleuatam

ratum supra superficiem argenti viui vase contenti illud amplius, quod respondet ponderi à dicta aqua illi substracto modo dicto.

Assero quartò, argentum viuum, quod post descensum, relictis partibus superioribus Tubi, aliquas inferiores replet supra superficiem eius, cui extremitas Tubi aperta immersa est, non retineri ibi ab vllò æquilibrante extrinseco.

Constat euidenter, quia si ad illam mensuram impleatur primò Tubus argento viuo, reliquum Tubi replente aëre, & obturata per appositum digitum extremitate, similiter immergatur argento viuo, in subiecto vase contento; tum amoueatur, etiam lentissimè, digitus ab orificio; illud argenti viui, quod erat intra Tubum, descendit ad inferiora Tubi, & in multò minori quantitate aliquid ex illo remanet intra Tubum; ergò non adest æquiponderans extrinsecum, à quo ad faciendum æquilibrium sustineretur in experimento primo argentum viuum in tanta eleuatione. Similiter admitte intra Tubum, cœteroqui plenum argento viuo, aliquid aëris, & pariter cernes, iuxta supradicta de distensione corporis replentis partes Tubi superiores ab argento viuo relictas, pro mensura qua aër admissus præter naturam suam distendi potest pondere argenti viui illi adhaerentis, argentum viuum vltèrius ad inferiora Tubi descendere, nulla ratione habita æquilibrantis extrinseci, à quo diceretur ante, pro tanta mensura eleuationis, intra Tubum sustineri.

Denique quiescente in inferioribus Tubi argento viuo, vt in experimento primo proposito eleua extremitatem Tubi immersam ad superficiem alterius, cui immergitur, & illi digitum admoue; tum altera manu Tubum è subiecto vase exime, & sustine: vix senties ab argento viuo Tubo contento digitum appositum premi. Quod si ad tantam mensuram primò impleas Tubum argento viuo, alijs eius partibus aëre plenis;



plenis; tum, appposito digito ad extremitatem patentem, Tubum inuertas; statim agnosces quanto magis prematur digitus ab argento viuo in eadem mensura, qua prius, intra Tubum existente. Quare consonè ad constituta conuincitur in primo casu, iuxta experimentum primo propositum, argentum viuum intra Tubum quiescens non egere æquiponderante extrinseco contranimente, quo illi defluxus è Tubo impediatur; sed ipsum sustineri ratione adherescentiæ, qua ad vitandum vacuum vnitur corpori in superioribus partibus existenti, & vltiorem ab eius pondere distensionem non ferenti. Quod non euenit in secundo casu; quia superiores partes occupans aër, cui argentum viuum adheret, facilè potest ab eius pondere magis, & magis distendi, & sic positus digitus notabiliter magis ab ipso premi.

Assero quòd partes Tubi ab argento viuo derelictas repleti substantia tenui, seu spiritu ex eodem expirante, à quo pondere argenti viui adherentis distento, nec vltiorem ab eo distensionem ferente, dum non potest aliud corpus succedere, argētum viuum in tali eleuatione intra Tubum sustineatur supra aliud, cui Tubi extremitas aperta immergitur.

Ad probationem huius assertionis accipio ex sufficienter ante probatis; partes superiores ab argento viuo descendente relictas repleti aliquo corpore, non tamen aere, & aqua extrinsecus aduenientibus; iam ostendamus, nec aeri, qui per minores particulas minus obseruabiles remanserit immixtus argento viuo, huiusmodi illarum repletionem tribui posse. Constat experientia aerem, qui in mole aliqua, bulla inclusus, contineatur, discerni separatim ab argento viuo; quod si in maiori mole integram partem Tubi repleat, quamuis inclinato Tubo argentum viuum versus illam partem excurrat, eum aut illi obfistere, ne illam repleat, aut ad aliam commigrare, si cedat; & nunquam integram Tubum sensibilibiter ab argento viuo occupari, nisi prius ad al-

teram extremitatem apertam detur locus aeri, vt euadat. E contrario verò illud corpus, quod replet partes Tubi ab argento viuo prius totum replente, tum descendente derelictas, si Tubus, sic primò immersus alteri argento viuo in vase subiecto, inclinetur, donec eius superior extremitas perueniat ad distantiam, à Terra, ad quam erecto Tubo pertingebat argentum viuum, quod in illo post primum descensum remanserat, nullo modo impedit, quin ipsum prorsus Tubum totum replat, ac si in illis partibus nullum corpus adesset; quod apertè ostendit: Primò illam substantiam tenuiorem, seu spiritum dictas superiores partes Tubi ante replentem, quia à tanto pondere argenti viui in ea mensura, & non vltiori ab ipso extrahi, & tantum, & non vltius distendi potuit; ipsi pariter tantum, & non vltiorem descensum permisisse, perseverante in illis mutua adhærescentia, secundum quam alia corpora in mundo communiter vacuum vitant; at verò argento viuo supra latus Tubi inclinati innitente, atque ita dispersito, vt ita dicam, pondere minus ad prædictam violentiam distensionem retinendam applicato, ipsum spiritum se recolligere; idque tanto facilius attrahere argentum viuum versus extremitatem Tubi ab eo ante derelictam.

Secundo ipsum consequenter facilius resorberi intra argentum viuum, à quo sic ante fuerat violentia ponderis extractus ad impediendum vacuum; ita vt, nulla sensibili bulla de nouo apparente in argento viuo, conspiciatur Tubus ipso in tali inclinatione omnino repletus.

Nec mireris, si ampliori Tubo ad experimentum adhibito, maior copia argenti viui in illo maiorem copiam dictæ substantiæ tenuioris, seu spiritus subministrare possit, quia pariter sit aptus ad tanto maiorem distensionem, sufficientem ad replendas tantò maiores Tubi partes ab argento viuo descendente destitutas.

Dcni-

Denique experimento constat; quod si post descensum argenti viui, & spatium ab eo relictum in superioribus partibus Tubi, apponatur ad inferiorem extremitatem digitus, & Tubus inuertatur, statim nulla apparente lucta cum corpore, quod replebat partes ab argento viuo destitutas, ipsum desertisijis, quas ante replebat, in præceps ruit. Hoc autem non euenit, cum aer Tubi partes aliquas replet, non implente totum argento viuo; sed lucta inter ipsum, & aerem inclusum aperte cernitur, & moras facit.

Et ex his de experimentis per alias substantias tentatis, non erit difficile proportionaliter philosophari, attenta peculiari illarum constitutione; & considerando, quod ad sustinendum tantum argenti viui, vel alterius substantiæ intra Tubum erectum, cuius inferior extremitas intra substantiam similem aperta sit, duo concurrunt; tanta scilicet copia exhalationis, seu spiritus, qui debet distendi, & tantum ponderis in corpore adhærescente illum distendente, quorum altero deficiente, potest corpus, quod descendit in Tubo, sic constituto, non tantum descendere, quantum aliquin visum fuerat descensurum.





Patri IACOBO GRANDAMICO,  
NICOLAUS ZVCCHIVS ex Colle-  
gio Romano. 5.

*Solutio obiectorum contra præmissam Epistolam, quorum occasione explicantur Rarefactio, & Condensatio permanentium; continuata extensio successuorum; concursus Corporum ad impediendum vacuum, quod nulla vi naturalis agentis dari posse ostenditur, nullo machinæ artificio.*

**A**Nno præterito Dauum interrogasti, & responsum magno Amico typis excussum retulisti, nec improbasti: iam non interroganti ultro, ipse, detracta larua, perscribo quid in eo improbauerint alij, ad quos mea, & amicorum industria illud transmissum est, quorum ad me remissa iudicia; & quid ego ad obiecta responderim, cohærenter ad primò proposita; quia multum ad veritatem confirmandam, prodesse existimo: si ex iisdem, quibus illa constituta est, opposita dissoluantur. Mutati consilij rationem in fine Epistolæ indicabo.

Quæ scripta sunt ex Gallia, & Italia, partim pro Vacuis interpositis in compositione maiorum corporum ex corpusculis variè figuratis decertarunt: partim, pro substantia æthereâ tenuissima, interposita corporibus inferioribus, & facili illapsu ea peruadente; cuius sit replere spatia inter partes aeris vaporosi, aquæ, terræ, & mixtorum ex ipsis;  
cum

*Obiecta contra allatas causas Experim: 117*

cum vel eorum rarefactio exigit, vel recessus ab inuicem, nullo simili inter diuulsa subeunte, & ita Vacuo vel ætheri relictum ab argento viuo spatium intra Tubum assignarunt; Addentes in particulari rarefactionem corporum, non nisi ijs interpositis; condensationem, non nisi illis exclusis, explicari posse.

Quia autem illud argenti viui, quod in partibus inferioribus Tubi, licet deorsum aperri, subsistit, dixeram retineri à substantia spiritosa ab argento viuoeducta, & superiores partes Tubi occupante, quæ à tanto illius pondere nequeat vltcrius distendi, idque certis experimentis ostenderam; illis elusis experimentis aduocarunt iterum, ac tertio ad id muneris præstandum aerem extrinsecum vaporosum cõprimente in humidum crassius, cui, in subiecto vase contento, orificium inferius Tubi apertum immersum est, & suo pondere impediẽtem, ne tale humidum cleuetur vltcrius, quod tamen necessario eueniret, si reliquum argenti viui, quod in Tubo remansit, intra idem vas subiectum deflueret. Addentes hoc ipsum euinci experimentis à se in montibus, in planis, in Vallibus sæpius captis: siquidem constat in editis locis, in quibus minus ex aere vaporoso imminet tali humido crassiori intra vas contento, velut posito minori ponderante extrinseco, minus argenti viui intra Tubum remanere; at verò in subsidentibus, & profundis pro illius maiori mole imminente eidem, plus argenti viui retineri inclusum Tubo, post iteratas vibrationes consistentis, velut posito maiori æquiponderante, & impediẽte, ne per vltcriorem eius defluxum, humidum crassius vasẽ contentum cleuetur vltcrius.

Quæ verò litteris ex Belgio, & inferiore Germania datis accepi, nulla refutatione eorum, quæ contra aerem ad replendas superiores Tubi partes, destitutas argento viuo, subintrantem attuleram; conspirantibus suffragijs, velut  
loco

locomotum aerem ad id muneris restituere contenderunt; additis ad id persuadendum delineationibus, quibus oculis subiecerant continuationem aëris, sub liore velo corporis dura, quantumvis impleta, vel ambita spissiore humido, vestientis.

Iam, ut non solum obiectis, sed proposito Argumento, & legentis forte expectationi satisfaciam, aliqua extra pressam responsionis formam exponere animus est, quorum primum sit.

*I. Vacuum, aut substantiam ætheream non requiri, neque sufficere ad explicandam Rarefactionem, sicut neque eorum exclusionem ad condensationem, quas in corporibus experimur.*

**A**D persuadendum propositum, & excludendam imaginationem oppositam, semper aptissimam censui proportionem inter motum tardum, & corpus rarum; inter motum velocem, & corpus densum; nam sicut tarditas in motu importat exiguum motum, correspondentem diuturno tempori; sic raritas in corpore, parum talis substantiæ correspondens amplæ extensioni secundum locum: Et sicut velocitas in motu importat multum motus, correspondens breui tempori; ita densitas in corpore multum talis substantiæ, correspondens exiguæ mensuræ extensionis localis.

Præsentia autem successiva ad aliud corpus, per quam illi responderet mobile, quod per ipsum moueri dicitur potest de velocissima fieri tardissima, nulla inter signabiles eius partes interposita cessatione, & de tardissima fieri Velocif-



locitissima, nulla exclusâ consistentia; quæ interromperet partes tardissimæ; extentis secundum maiorem durationem, partibus motus in tarde, quibus æquales plures, & plures sub minori duratione colliguntur in veloci.

Constat hoc, si factò centro in rota insignis magnitudinis, ducatur in superficie illius recta lineâ à centro ad circumferentiam; nam ea super axem rotata partes lineæ prope circumferentiam velocissimè mouentur; quæ verò sunt propiores centro tardius, & tardius; & sicut, quæ tardius mouentur pro eodem tempore, quo aliæ, tantò velocius, nullis interpositis cessationibus à motu, tardio rem motum obtinent; sic illæ nullis exclusâ cessationibus, quæ corresponsdeant in tardiori, obtinent velociorem: alioqui si velociter motis celerius progredientibus, fieret aliqua consistentia in tardius motis; illæ in directum sic constitutæ pro situ, in quo prius erant velocius motæ cum ipsis, non possent esse in directum constitutæ cum iisdem pro situ, ad quem vltiorem, priore relicto, intelligerentur translatae, dum sic ipsis interquiescentibus, mouentur: ne contra 13. axioma Euclidis, à Proclo addita Demonstratione declaratum duæ rectæ lineæ in casu prædicto habeant vnum, & idem commune segmentum, quod est impossibile: id tamen sequitur sic ostenditur: lineâ rectâ ductâ ad centrum prorsus ab eodem puncto, & in priori situ, quem tenebant partes lineæ rectæ viciniore peripheriæ, esset pariter cum illis in directum ad partes eiusdem rectæ viciniore centro; & ducta alia recta lineâ à peripheria eadem ad idem centrum in posteriore situ, ad quem à priore distantem peruenisse dicuntur eadem partes lineæ viciniore peripheriæ, velocius motæ (consistentibus interim sine motu alijs vicinioribus centro, & nihilominus cum illis sic motis existentibus in directum;) pariter esset etiam ipsa in directum iisdem vicinioribus non motis; & sic viciniore centro partes lineæ  
non

non motæ, dum mouerentur remotiores, essent in directum dictis duabus lineis ductis à peripheria ad centrum in duplici situ inuicem distante, in quo fuissent partes superiores eiusdem lineæ remotiores à centro sic motæ ipsis quiescentibus.

Cur ergo non poterit eadem entitas corporis permanens, modò esse sub maiori extensione locali, occupando maiorem locum, nullis licet interpositis vacuitatibus, aut partibus substantiæ æthereæ inter partes illius, & sic esse in sua continuatione non interrupta rarior: modo sub minori extensione locali occupando minorem locum, nullis exclusis vacuitatibus, aut partibus substantiæ æthereæ, quæ non necessariò præfuisse dicantur in statu maioris raritatis, & sic esse densior?

Et sicut partes signabiles, vt immediatè consequentes in præsentia successiua mobilis ad aliud, non separantur à præcedentibus per maiorem, & maiorem tarditatem motus supra positi, vt possit inter eas, vel brevissima persistencia in eodem situ intercedere, vt probatum est, nec per maiorem, & maiorem velocitatem motus possint fieri magis immediata, aut vllò modo penetrare secundum durationem cum præcedentibus; ne dicatur idem quantum simul correspondere maiori se, quod est impossibile. Ita poterit Entitas corporea in rarefactione magis extendi ad maiorem locum nullo modo semotis ab inuicem partibus, quæ erant prius immediatè signabiles in illa, & in densatione sub minori extensione restringi ad minorem locum, huiusmodi partibus, prius immediatis, nullo modo inuicem penetratis.

Non est hic locus atomos pluribus insectandi. Sed satis fuerit admitteat Vacua interposita, propter variam in ipsis figurationem ineptam replere spatium, rogare; vt diligenter aduertant, quantum vltèrius aeris immittatur intra vas æreum assario instructum per Anthleam, bene aptatum,  
& quan-

*De Rarefactione, & Condensatione.* 121

& quantum retenta propria rotunditate v.g; si spiramen in illo aperiat, inde exeat; ad vtriusque autem mensuram feruire poterit, si qui exit, excipiat canalibus ex animalium intestinis preparatis, & spiramento bene adpressis, illi enim prius subsidentes, aere per spiramen in eos ingresso, turgebunt secundum maiorem, & maiorem longitudinem, pro maiori, & maiori aere è spiramento in eos subintrante: Et agnoscent primò non solum aerem in Vas ulterius immissum esse, qui aliquas inter atomos valde exiguas cavitates posset replere, retenta aliquali configuratione propria atomorum aeris; nec solum aerem ex Vase remanente rotundo exiisse, quem atomi in aere intus manentes dicerentur in gratiam suæ figurationis commodius disponendæ extrudere. Secundo cum aer non sit inimicus aeri, eum, qui exit e spiramine ad quamcumque positionis differentiam conuerso, non exire extrusum ab aeris atomis, alias similes propellentibus ex inimicitia; quare solum ab exigentia maioris raritatis, tum in remanentibus intus, tum in foras extrusis, quam isti sine vacuitatibus interpositis nesciunt imaginari, & his interpositis quantum necesse est inter atomos aeris ex sola vi configurationis, non omnino coherentes, postea non possunt rationem reddere, cur ulterius recedentibus ab inuicem atomis componentibus prædictum aerem, debeant maiora Vacua admitti, & sic totum aggregatum tantò maiorem locum occupare; irregulares autem prorsusque ad captandum maius vacuum, & maiorem risum monstruosæ atomorum configurationes, aptiores sunt lusibus puerorum, quam secretis naturæ à philosopho explicandis.

Idem experimentum monere potest assertores substantiæ æthereæ, primò illam magna saltem ex parte excludi ab aere, intra dictum vas densato, per vltiorem, & vltiorem noui aeris immissionem; & quod ex illa diceretur re-

Q

manere





*I. I. Substantiam corpoream tenuiorem intra  
Crassiora corpora à nobis rationaliter agni-  
tam esse, & ex ea repletas partes superiores  
Tubi argento viuo destitutas, quæ nullo modo  
Vacuæ relinquantur, aut alia substantia,  
aetherea repleantur.*

**D**ari substantiam valde tenuem, calidam, & siccam è  
terra vi caloris expirantem, & vaporibus in aere,  
aquis, in mari præsertim, admixtam communia experimenta  
communiter iam persuaserunt; dari similem substantiam in  
mixtis crassioribus; quæ à peritioribus spiritus dicitur, &  
ab aliqua massa spissiore, facile etiam data occasione agita-  
tionis, frictionis &c. agnoscitur euolare, ipsi spiritus vini,  
& qui ex aromatibus validioribus continenter expirant, do-  
cent etiam radiores; huiusmodi substantiam spiritosam ex-  
trahi ab argento viuo descendente intra Tubum; supernè  
clausam; quia nulla succedere potest in locum à descenden-  
te relictum externa substantia, & ab ea partes Tubi superio-  
res destitutas repleri asseruimus priore Epistola.

Contra repletionem, certis à nobis firmatam experimen-  
tis, nihil alicuius momentiallatum esse cognoui; vt mirari  
satis non potuerim ad hanc diem non defuisse, qui licet non  
amplius in Theatro, vt ante, nihilominus in secreto con-  
clauis oculis Virorum Principum Vacuum intra Tubum vi-  
treum, argento viuo in illo descendente, vt supra diximus,  
ostentaret; ad quem conuincendum iisdem testibus optaui,  
vt è Tubo cum ea parte argenti viui, quæ infernè in ipso re-  
manet, è Vase in apertum aerem reducto, aliquid deflue-  
ret; Sic enim imminuto pondere, quo tenuis substantia

in superioribus Tubi partibus contra suam naturam nimis distendebatur ad impediendum Vacuum, & illa non amplius impedita sufficienter à recollectione sui, ad minorem locum facta esset eius restrictio, per quam (vt cum admiratione expertus sum) tanto impetu intra Tubum ad partes superiores actum esset residuum argenti viui; vt Tubum violentissimè diffringeret, & quidem ex eo tum minutis, tum subtilibus, & oblongis partibus euibratis. Experire tu, certus de acquisitione veritatis cum iactura Tubi; Sed caue tibi ab huiusmodi partibus vitreis tam violenter excussis; & agnosces an aliquid remanserit intra Tubum, qui ab illis vt supernè vacuus exhibetur; cuius se recolligentis vi argentum viuum adhærens tanto impetu sursum agatur; qui impetus nulla probabilitate referri potest in excessum, qui, ex illis decidentibus guttis de ipso, dicatur factus in extrinseco antea æquiponderante; vt euidenter spectatur in similibus, facta etiam maiori ablatione in vno, & sequuto maiori excessu in alio correspondente.

Contra repletionem à substantia spiritosaeducta ab argento viuo timuit aliquis, ne illud imminueretur, & repetendis experimentis seruire non posset: cui quod ad immutationem sensibilem, proposui vt attenderet substantias odoratas tamdiu suas expirationes emittentes sine illa, & moderatis experimentis pares. Addidi, monente amico, posse in experimentis de argento viuo capiendis aliquid spectari, quod expirationem huiusmodi ab illo ad partes superiores Tubi, in descensu destitutas, ascendentem ostendat. Si enim in prima repletionem Tubi supra infusum argentum viuum aliquid aquæ apponatur, quæ inuerso Tubo illi ad inferiora descendenti superfluitet; notare est ex argento viuo continenter per huiusmodi aquam ascendentes bullulas, repletas scilicet spiritosa substantia, quæ in tali experimento ab eo expirans sursum transmittitur.

Quod



Quod spectat ad repletionem partium superiorum Tubi ab argento viuo descendente destitutarum, à substantia dicta ætherea, quæ sit substantia subtilis crassiori humido intra Tubum descendentem immixta, & in tali casu ex eo sursum euocata; iam apparet dictis à nobis solum nomen, & quidem minus aptum, additum esse.

Quod si asserant eam esse diuersam ab ea, quam posuimus, & aeri circumfuso immixtam per poros Tubi vitrei subingredi ad replendum dictas partes illius superiores, ab argento viuo destitutas; tum ex supradictis hic num. 1; tum superiore Epistola ab ijs, quæ adduximus in experimentis aperte confutantur; primò enim dicta substantia ætherea habens liberum per vitri poros ingressum, ita superiores Tubi partes ab argento viuo descendente destitutas repleffet, vt non esset necesse illud post descensum sæpius iteratis vibrationibus sursum attrahi, quod tamen fit.

Secundo; Admoto valido infrigidante ad dictas partes, argentum viuum ultra mensuram, in qua post vibrationes quiescit, non assurgeret, quod tamen euenit. Non enim dici posset per frigus inductum in ætheream substantiam, per poros vitrum iam ingressam, illam densari ad minorem locum occupandum cum iuxta illius assertores sit impossibilis ista densatio in illa. Nec dici posset euenire, quia alia substantia, in dictis partibus Tubi contenta, vi talis infrigidationis densetur per extrusionem à se dictæ substantiæ æthereæ; nam ea sic extrusa ab illa, nihilominus non extrusa propterea à Tubo, cum illa tantum loci occuparet intra Tubum, quantum occupabat ante: cum tanta massa ex vtraque collecta, siue plus, siue minus inuicem misceantur eiusdem mensuræ locum possit occupare. Nec denique quia tale infrigidans, vt aiunt, infrigidando aerem superstantem Catino, illum reddat grauiorem, & ita magis pressuratum argenti viui Catino contenti; quod proinde per orificium patens

tens in maiori mole intra Tubum vrgeatur; siquidem tale infrigidans remotum à dictis partibus Tubi, quantumvis in duplo, triplo, quadruplo maiore mensura approximetur aeri superstanti catino, non causat talem assurgentiam argenti viui intra Tubum ultra mensuram, in qua post vibrationes quiescebat.

*III. Illud humidi crassioris, quod post descensum retinetur intra partes inferiores Tubi eleuatum supra aliud, cui in subiecto vase contento Tubus per apertum orificium immersus est, non retineri in tali eleuatione ab equilibrante extrinseco.*

**H**OC in priori Epistola ad sensum experimentis ipsis ostendi, ad quæ nemo, quod acceperim, satis respondit; licet pro aere vaporoso, supra argentum viuum vase subiecto contentum grauitante, & illud impediante ab vltiori eleuatione, quæ sequeretur defluente intra ipsum ea parte, quæ intra Tubum sustinetur, scripserint plures, cum quibus de grauitatione aeris vaporosi in hac materia disputare omnino superuacuum esse euincam, & simul in partibus Tubi superioribus argento viuo destitutis contentam substantiam tenuiorem id præstare.

Proposui priori Epistola cuilibet volenti experiri; quod quandocunque aër admittatur intra Tubum cum argento viuo; & inuersus Tubus immergatur alteri in subiecto vase contento, & ab illius extremitate aperta, subtrahatur digitus, tunc argentum viuum defluit, ita vt neque in mensura æquali, neque in multo minori respectu eius; in qua non existente intus aëre remanebat, consistat intra Tubum,

sed

sed solum pro mensura corporis in superioribus Tubi partibus existentis, & tantam, vel tantam, distensionem sui ab argento viuo deorsum ponderante patientis; vt euidenter constet illud intra Tubum non remanere pro mensura vllius extrinseci æquilibrantis pro tanta, vel tanta altitudine sibi vicissim in vtroque correspondente: Nihil ad hoc Italus nouarum è Gallia opinionum admirator, & assecla, visus sibi aliquid tentare posse ad id, quod vltimo loco reposui: Quod si consistente in inferioribus Tubi aliqua ex parte argento viuo, Tubus sensim eleuetur, vt eius orificium apertum proximè accedat ad superficiem illius, cui in subiecto Vase immergitur, & in tali situ ad orificium dictum digitus apponatur; tum verò Tubus altera manu sustentatus asportetur in liberum aerem; tunc argentum viuum in Tubo imminens supposito digito illum sensibiliter non premit. quo posito formaui euidens argumentum hoc modo. Graue, quod intrinsecus in Tubo pro tali eleuatione consistens, impeditur ab existentibus intra illum sufficienter à motu deorsum, non potest dici vi æquilibrantis extrinseci, & prementis id, quod eius descensu eleuandum esset, in tali eleuatione retineri; sed humidum crassius, modò dicto intra Tubum pro tali eleuatione consistens, sufficienter ab existentibus intra illum impeditur à motu deorsum (si quidem in liberum aerem asportato Tubo, vt dixi, non premit sensibiliter appositum digitum) ergo illud non potest dici vi æquilibrantis, &c.

Hoc argumentum à me existimatum insolubile aduersus eos, qui causam altitudinis argenti viui in fistula remanentis petunt ab aere externo circumfuso, nouissimè dissoluit ipse ex eo: quod conatus, quo argentum viuum eruptionem tentat è Tubo, seu fistula, est æqualis conatui, quo aer ingressum in fistulam molitur. Sed bona cum venia placet aduertere: non posse aerem ingressum in fistulam moliri, nisi



nisi vrgendo digitum, qui sibi, pro tali ingressu sursum nitenti, ad foramen fistulæ adpressus opponitur, vel ad orificium Tubi circumpremo ipsum, & tunc potius digitus premeretur à duobus, vel vrgendo ne cedat, & ita quantuscumque conatus aeris, sufficienter impeditivus, ne digitus cedat conatui argenti viui eruptionem tentantis è fistula, nullo modo potest impedire ne digitus prematur à pondere argenti viui sibi superstantis. Experire impediēte sufficienter supposita tabula resupinatam manum, aut eam alio sursum vrgente ne cedat grauitati ponderis, an illam nihilominus impositum pondus premat; & auge consequenter pondus, donec ab eo, qui se premi neget compressionis dolor exprimat veritatem.

Quod si idem pondus manui superstans haberet aliud à quo sufficienter sustineretur, nullam ab eo pressionem in supposita manu sentiremus; quod cum eueniat in experimento à me proposito respectu appositi digiti ad orificium Tubi, dum illi imminet argentum viuum, quod post vibrationes remansit intra illum modo dicto eleuatum, & in liberum aerem asportatum, euidenter conuincitur adesse intra Tubum vim sustinentem argentum viuum in ea mensura, & sic causam permanentiæ illius in tanta altitudine intra Tubum frustra pati ab aere externo circumfuso.

Addidi num. 2. in fine aliud experimentum, quod idem euincit. Apposito valido infrigidante, vt diximus in priori Epistola, ad partes Tubi superiores, ab argento viuo descendente destitutas, argentum viuum supra mensuram, in qua post vibrationes in inferioribus partibus substiterat, ascendit: Sed tali infrigidante in multo maiori quantitate approximato ad aerem imminentem argento viuo, quod continetur in subiecto Vase, non sequitur talis eleuatio argenti viui ultra dictam mensuram; ergo ab intrinseco ex cuius mutatione fit maior illius eleuatio, & retinetur, quoadiu

diu ea persistit, habetur consistentia tanti argenti viui intra Tubum pro tali eleuatione supra aliud, cui extremitas Tubi immersa est; & non ab ambiente extrinseco, cui similis, & maioris agentis accessus, & mutatio ab illo ad idem præstandum vires non confert.

Quod verò addunt ipsi de varia mensura, sub qua, argentum viuum cognoscitur remanere eleuatum intra Tubum pro varietate locorum, in quibus experimentum fit; ita vt in valle magis eleuatum, in planitie minus, & minus adhuc in editis locis: vt non est huiusmodi, quod experimentis notis cuique, in quolibet loco obuijs, & ita constantibus, & apertis opponi possit; ita facile referri potest in mutationes factas in argento viuo, quæ non æqualem admittant expirationem partium tenuiorum, quibus replendæ sunt partes Tubi superiores, quæ descensu argenti viui destituuntur, vel potius factas ab ambiente in illam substantiam tenuiorem, pro cuius dilatationis mensura potest argentum viuum plus, vel minus in Tubo descendere.

*IV. An ad replendas partes superiores Tubi, ab argento viuo in eo descendente relictas subintret aer extrinsecus, qui dicatur continuari cum alio aere corpora dura vestiente, etiam si humido crassiore repleantur, & immergantur.*

**A** Pposui priore Epistola argumentum euidenter excludens aerem subintrantem ab hoc negotio: quia si in prima infusione argenti viui relinquatur in Tubo pars semidigitalis aëri; quantumcumque appposito ad orificium digito Tubus inuertatur, semper illud aeris agnoscitur vel su-

R

perne,

pernè, vel ad latera pro inclinatione, vel inuersione Tubi suum locum tenere, nec priorem illi argentum viuum, descendendo in eum, eripit; quin agnoscatur in alium commigrare.

At verò si in prima infusione diligenter impleatur Tubus argento viuo ad orificium vsque; tum appposito ad illud digito inuertatur, & immergatur alteri argento viuo in subiecto Vase contento, intra quod aperto, per remotionem digiti, orificio fiat descensus infusi, relictis superioribus partibus Tubi illo prorsus destitutis. Quando postea retento eodem extremo, in quo est apertum orificium, intra argentum viuum vase contentum, Tubus inclinatur; ita vt oppositum extremum perueniat ad eam altitudinem supra illud, pro qua in Tubo erecto infusum post descensum quiescebat, attollitur è Vase per orificium apertum, & resorbetur intra Tubum tantum argenti viui, quantum satis est, cum relicto ante, ad ipsum omnino replendum nulla notabili parte Tubi apparente plena corpore tenuiore; ergo quod in Tubo erecto repleuit partes illius superiores, ab argento viuo descendente destitutas, non fuit aer subintrans modo dicto; quid fuerit vide in priore epistola in probatione assertionis V.

Seruit etiam ad excludendum aerem, subeuntem iuxta latera Tubi, à dicto munere; quod supra notavi de effluuijs è medio argento viuo ascendentibus ad dictas superiores partes Tubi, vt notare est in bullulis ascendentibus per mediam aquam appositam in prima infusione, & supra argentum viuum eleuatam. Sed aliqui viri eruditissimi, qui sæpius pro intromittendo aere scripserunt, nihil ad nostra experimenta responderunt; forte nostram priorem Epistolam percurrere integram opere pretium non arbitrati.



An aucta per Machinam virtute Agentis naturalis vacuum inter corpora possit induci.

*V. Non sufficere aliquam mensurabilitatem admissam in Vacuo ad asserendam eius impossibilitatem in uniuerso.*

**S**uppono 1. ex communi consensu nomine Vacui importari extrema corporum cum aptitudine continendi aliud corpus inter se, quam obtinent ex tali situatione, ratione cuius tantum corpus intermedium non possunt excludere; maius, eam retinendo, non possunt inter se admittere; à minori nequeunt opposita simul attingi.

Præterea talem aptitudinem non esse expletam; omnes enim consentiunt fore Vas vacuum, si effusa ex illo aqua, v.g. & remanente in ipso capacitate continendi, nullum succederet aliud corpus impletium illius; non fore verò Vacuum si pro mensura effusionis latera oppositè signabilia ita inuicem accederent, ut in fine effusionis se mutuo continerent; omnis alterius corporis inter se exclusiua.

Suppono secundo capacitatem continendi, & distantiam extremorum contentiui esse aliquomodo mensurabilem; ut si partēs, in Vase Cubico v.g. ex opposito signabiles sint ita situate, ut nequeant excludere corpus intermedium 30. palmorum; à minori verò nequeant simul attingi; iure dicere possimus à corporis dicti dimidio medietatem illius esse expletam, à duabus tertijs eiusdem duas tertias illius. Hæc tamen mensurabilitas etiam si secundum tres dimensiones sit considerabilis proportionaliter, ut mensurabilitas extensio-

nis corporum, quæ talis capacitas est apta continere; non tamen sequitur ipsam importare de se, & in se inter talia extrema contentiuam extensionem propriam corporis, qualem habent corpora continibilia; quod non satis attingerunt, qui imbecillitatem intellectus, veram, & genuinam corporis naturam ignorantis, instruere se profitentur; dum ex tali mensurabilitate capacitatis Vasis, intra quod nulla prorsus materia contineatur, seu mensurabilitate distantiae partium aliquemodo ex opposito in eius lateribus signabilium intulerunt; ibi futuram necessario extensionem propriam substantiæ corporeæ, & ipsam materiam; ex hoc pronuntiantes: euident esse, non posse dari usquam spatium prorsus inane à substantia corporea in vniuerso.

*VI. Non sufficere successionem, quæ necessario reperitur in motu remotionis corporum ab inuicem, ut aer ambiens subingressu suo inter illa possit impedire Vacuum.*

**I** Vre inter experimenta, quæ pro admissione Vacui adducuntur, illa existimata sunt peculiarem continere difficultatem, quæ in magnis, & duris corporum partibus Vete, vel Cuneo inuicem disjungendis spectamus. Immerito verò alicui videri posset, periculum Vacui in illis facile vitari per ipsam successionem motui diuulsionis talium partium ad inuicem ab intrinseco necessario conueniente in; quasi mora illius tempestiuè admittat ingressum aeris inter illas, qui, iuxta exigentiam impediendi Vacuum, celerius fieri potest, & quidem pluribus illi vijs à talibus partibus in suo recessu patetactis. Nam successio, quæ interuenit in motu diuulsionis, siue recessu talium corporum ab inuicem;

*Successio motus non impedit Vacuum.* 133

cem; importat præcisè, quod talis recessus sit diuisibilis in partes priores, & posteriores sui, non verò quod talia corpora inuicem recedentia ex vi illius necessariò debeant prius secundum vnam sui partem recedere ab alio, & posteriùs secundum aliam: si enim dicatur ratione suæ duritiæ non flecti, quantumuis sit successio in recessu vnius ab alio; nulla tamen pars sic recedentis præcedit, aut sequitur aliam in recedendo; sed pariter omnes recedunt, percurrendo tamen spatium successiue secundum illam differentiam positionis, secundum quam fit recessus v.g. secundum sursum, & deorsum, si sit eleuatio.

At verò aer accurrens ad impediendum Vacuum inter corpora, quæ diuelluntur, necessariò debet prius peruenire ad partes extremas illorum, quàm ad medias; cum extrinsecus adueniens necessariò per suum motum partes latitudinis illorum, secundum quam fit separatio, successiue percurrat; ergo pro priori temporis, quo percurrit in extremis partes viciniores, nondùm peruenisse potest in medijs ad remotiores, sed pro eodem temporis, quo aliquæ partes in corpore duro non inflexo recedunt ab alijs, necessariò aliæ in eadem latitudine dispositæ pariter recedunt; ergo pro eodem tempore, quo peruenit in medijs aer ad extremas partes viciniores, & per illud spatium inter illas implet, & per illud spatium inter remotiores, & medias, ære destitutum est.

\*\*\*



*VII. Motum sursum, & consistentiam Grauium, quibus retinent coherentiā cum alijs, quæ eleuantur, vel consistunt in sublimi, minus recte attribui ponderi ambiētis, ea prementis, & propellentis.*

**S**unt qui in tenuiori corpore, quo respiramus, & alia corpora inferiora communiter ambiuntur, agnoscant cum melioribus Philosophis aliquam grauitatem; sed minus, & mensuram ei addunt de suo: asserunt siquidem eam correspondere ponderi argenti viui, quod in experimento toties adducto post descensum, & vibrationes remanet intra Tubum ad horizontem perpendiculariter erectum; & quæcumque grauiā ad eleuationem proximi corporis eleuantur, & ad consistentiam illius consistent in sublimi, iuxta mensuram talis ponderis propelli, aut in tali situ æquiponderari, nulla alia vi in dictis corporibus existente, quæ dicatur, ob inanem merum Vacui, talē eleuationi, vel retentioni in sublimi cooperari. Ex qua hypothēsi, Primo sequitur facile posse determinari, quanta vis requiratur, & sufficiat ad vincendum talem virtutem suā propulsionē, & pressione causantem omnes huiusmodi motus, & consistentias, quæ communiter dicuntur euenire ad impediendum ne detur Vacuum inter corpora; v.g. in eleuanda lamina cuprea, per suam extantem ansam apprehensa, de Tabula marmorea, cui exactissimè congruat, de qua afferemus insigne experimentum numero sequenti, sufficere poterit virtus, quæ eleuaret molem non magnam argenti viui, quæ pro eadem altitudine, qua illud subsistit in supradicto Tubo, æquaret in latitudine laminam prædictam; tali enim moli æquiponderat

*Corporum coherrentia non est ab Aere. 135*

rat grauitas aeris imminentis laminæ, & sua sola pressione, impediens illius eleuationem experire, & deceptionem tuam deprehendes.

Secundo sequeretur vel minima vitalem laminam eleuari posse de tabula; siquidem non minus est pondus aeris applicati irruptioni intra laminam, & tabulam, & circumfistentis, quàm aeris imminentis laminæ, & sua pressione eam sustentis.

Tertiò applicata per stateram virtute eleuatiua supradictæ molis argenti viui æqualis, ponderi aeris imminentis laminæ, & sua sola pressione eam sustentis, exhibebitur contra omnem expectationem, redacta in praxim contradictio: siquidem inter partes medias laminæ, & eis correspondentes in Tabula marmorea, dum per eleuationem diuelluntur, pro mora temporis, qui ad tantas extremas peruenit ambiens per motum subintrans, aderit, & non aderit substantia corporea. Non aderit, quia ante non aderat, nec postea adest pro mora dicta, qua percurrit tantas extremas, partes non enim simul potest peruenire ad illas, & ad medias illis interpositis sic distantes, vt ostendi num. 6; aderit tamen, quia cum talis earum capacitas recipiendi inter se tantum ambientis, quantum adest inter extremas sit aliquomodo mensurabilis, vt ostendimus num. 5. necessario ex principijs sustentium hanc hypothese[m] admirabilem contineret extensionem substantiæ corporeæ, & ipsam materiam, vt diximus ex eorum opinione in fine num. 5.

Denique falsitatis conuincitur huiusmodi hypothesis ab experimentis; in quibus iuxta dicenda num. 8, & num. 10. graue quod sequitur ad eleuationem superioris corporis proximi, vel ita sistitur eo-consistente, toto nisu suæ grauitatis grauat eleuans, vel sustinens corpus superius proximum; quod autem ab alio æquilibrante sustentur proximum alteri, vel ab excedente sursum propellitur, impeditur ab omni

exer-

exercitio suæ gravitatis specialiter in corpus proximum, & illud sustinens vel eleuans; non enim habet simul, & semel posse grauare duos, & contraniti duobus, quando alterum æquiponderatione illi æquiualeat, vel propulsione præualeat. Est etiam quod moneam post experimentum Domini Gasparis Berri priore Epist. à me primò propositum abstinendum esse ab illa mensura octodecim cubitorum in aqua retenta intra Tubum tam apertæ falsitatis conuicta.

*VIII. Vim corporibus adesse, quæ impediatur  
eorum remotionem ab inuicem, quando  
aliud corpus non potest adesse  
remotis.*

**E**Xperimur passim graua, licet diuisa à corporibus, quæ proxima ipsis eleuantur, ad motum illorum pariter eleuari, & illis in superiori loco retentis, quantumuis in aere libero, velut de illis suspensa, non descendere; dum ad superficies vtrinque proximas data consistentia, vel descensu ipsorum secundum inclinationem gravitatis, non potest sufficienter, & tempestiuè aliud corpus succedere; & talis eleuatio, & consistentia, vt numero præcedenti ostensum est, non possunt referri in pondus ambientis ea premantis, & propellentis.

Sic si fistula immissa per sui extremum in aquam, ex altero ori admoto aerem exsugas, eleuatur aqua, sua licet gravitate reluctans, post aerem ad os exsurgentis. Si Vas vitreum aqua immergas, tum ore parente deorsum verso æqualiter eleues, spectabis aquam illo inclusam sursum intra illud attolli; & si illud, magna ex parte extractum ex aqua, sustineas, etiam inclusa in illo persistet sic eleuata supra aliam  
in



in subiecto vase contentam, dum non potest aer succedere ad occupandum locum inter aquam descendantem, & partes vasis, quæ aqua descendente defererentur; manum tamen pro mensura illius grauari senties; quod si in fundo foramen aliquod ita sit clausum, vt possit aperiri, eo aperto, & aere liberè subintrante, aqua intra subiectam descendet, & desinet grauare manum.

Hac ratione passim in vasis ad irrigandos hortos adhiberi solitis, licet interior illorum planities sit aperta foraminibus, dum æqualiter eleuantur in libero aere, aqua non defluit, quandiu digitus foramini illius supernè existenti adpressus non permittit ingressum aeri ad replendum locum, qui daretur inter superiorem Vasis superficiem, & defluentem aquam; & in tali consistentia intra vas, aqua cum vase tantum nititur deorsum, quantum si vasis patentis supernè ipsi fundo æqualiter substrato inniteretur, & simul cum vase sustineretur: remoto verò digito, & permissio ingressu aeri per foramen, statim defluit; quod si in medio defluxu iterum appposito digito foramen obstruatur, pendet iterum aqua, contra inclinationem suæ grauitatis tunc etiam manum grauantis, non defluet in apertum aerem.

Iuueni lacertorum suorum robur iactanti proposita semel est lamina ærea, per ansam in medio extantem apprehensam, eleuanda è tabula marmorea, cui optimè congruebat. Qui primò tanquam rem ludicram puero committendam contempsit, tum instantibus amicis manum vtramque admouens, cum luctatus diu non hærentem remouisset, excusauit impotentiam, obiecta peregrini, & potentissimi glutinis interpositione, quo fortissimè copulante nequirent diuelli; donec vidit ab alio per Tabulam facillimè laminam deduci, & ad extrema perductam, & actam in transuersum inde deportari.

Experimur pariter, aere intra vas, firmis lateribus consistens, à violenta rarefactione se recolligente, si non possit

alius in locum relinquendum succedere; succedere corpus graue proxime admotum velut intus attractum: Sic ex clauis cæteroqui bene occlusæ, aperto foramine exsucta aeris contenti parte, rarefit remanens intus, vt violenter totum illud spatium solus impleat; quare cessante tantisper vi suctionis, si apponatur citò extremitas digiti, vel labri ad foramen, ne succedat ambiens, dum qui fuit tanta violentia rarefactus se recolligit, attrahit intra clauem carnem digiti, vel labri, vt notabiliter vellicet, & de illa dependeat.

Quare cum in his & similibus casibus, spectatis viribus corporum naturalibus, consueto sibi modo operantibus, deberet sequi remotio eorum ad inuicem, quæ passim sequitur, quando inter remota succedit aliud corpus; nec quæ sunt motiones, aut consistentiæ contra peculiarem inclinationem corporum ad talem remotionem impediendam tribui possint ambiens extrinseco, vt ostendimus; aperte connincitur debere adesse in ipsis, sic sibi proximis virtutem, quæ talem remotionem impediat, cum non est in promptu successio alterius inter remota, quæcumque tandem ea virtus sit.

*IX. Mutuam coherentiã inter corpora, ad quam retinendam illa mouentur, vel sistuntur contra peculiarem inclinationem suam, non haberi a virtute motiua ipsis, sic motis, vel retentis intrinseca.*

**E**Xperimenta, quæ passim suppetunt, apertè euincunt non solum eleuato contiguo corpore, vel retento in tali situ, grauiã sursum sequi, vel à descensu prohiberi; quando non potest aliud corpus, loco eorum descendentiũ, succedere, quod impleat spatium inter separata tali descensu relin-

*Non impediri vacuum a vi motiua. 139*

relinquendum; sed etiam talem sequelam sursum, siue consistentiam non esse à grauitate ipsis intrinseca, quæ pro talibus circumstantijs datur in bonum vniuersi contra consuetum modum operari. Siquidem qui è Tubo pistillum educit, post quem, dum non datur aditus alteri corpori ad subintrandum, eleuatur aqua sursum, non minorem experitur contrarium grauitatis aquæ, quam si eam in libero aere intra vas contentam eleuaret, constabit id si ex altera parte libræ alligetur pistillus eleuandus, cum eleuatione tantæ molis aquæ, vel cum illa eleuata sistendus, ex altera, alligetur ex saxo, vel plumbo pondus sufficiens ad eleuandum, vel sistendum pistillum cum aqua illi adnexa per vas, in quo in aere libero contineatur; quo experimento coegi virum aliqui non ineruditum, vt fallaciam agnosceret in via, qua motum perpetuum se inuenisse putabat, & iam dicandum Magno Principi schema in æs incidi curauerat; supponendo aquam ad impediendum vacuum sua vi ascendentem non egere virtute æquilibrante, nedum superante pondus illius, quæ eget, cum sistenda vel eleuanda est in aere, liberè accurrente ad replendum spatium inter eam, & alia corpora relinquendum.

Quod autem dictus motus, & consistentia grauium sursum, quando inter ipsa, & corpus à quo descendendo recederent, non posset subintrare aliud, non proueniat ab alia vi motiua, præter grauitatem ipsis intrinseca iisdem experimentis conuincitur; quia si daretur in grauibus tale principium, illud necessario dum præualendo inclinationi grauitatis, ea moueret sursum, vel retineret contigua alteri corpori moto, vel persistenti, omnino prohiberet pro eodem tempore in ijs exerceri grauitationem deorsum per grauitatem, quæ, vt modo vidimus, non impedit: pariter in consistentia grauium ob periculum vacui non descendunt; ad minimum enim faceret cum grauitate æquilibrium, vt non posset in



tali casu exercere nisum deorsum, quod omnino non facit.

Agnoscamus quidem ex grauib. Magneticis posse dari in aliquo eodem corpore graui connaturalem virtutem motiuam, & sistitiuam ad situm etiam contrarium inclinationi grauitatis. Sed si attendamus eius modum operandi confirmabimus prædicta; & præparabimus viam ad ostendendum motus, & consistentias grauium sursum non habere in ijs aliud principium præter dispositionem, ex qua prouenit mutua adhæsiō cum corpore contiguo. Postquam enim per vim Magneticam, ferrum Magneti, & ferro Magnes adhæsit, si eorum aliquod eleuetur ab attollente extrinseco, motus alterius consequentis nullo modo fit à vi Magnetica sursum nitente; nec si illud ab eodem sustineatur, alterum in eodem situ à vi Magnetica, consistentiam operante, & grauitatis nisum deorsum vincente sustinetur; sed præcisè per ipsam ita alterum alteri vicissim adhæret, vt cum altero pariter inclinet deorsum; & vtrumque ex æquo, vt pro tali situ sustineatur, egeat alio sustentante, ac si essent partes grauis integri: vt certius constabit appenso vtroque seorsum in altera parte libræ, & examinato per æquiponderans, tum appenso vno solo per alligationem, cui approximatū aliud per vim magneticam adhæreat, & examinato pondere vtriusque modo dicto pendētis, vere enim requirūt æquilibrans, quod respondeat pendētis æquè collecto ex vtroque.

Esto igitur vis Magnetica sit motiua magnetici ad Magneticum cum sibi congruunt in dispositione talis virtutis, vt sequenti parte dicemus, attamen in motu vnus sursum ad motum alterius, cui contiguum sit, non concurrit, vt motiua, sed præcisè vt impeditiua disunctionis ab illo cōtra inclinationem grauitatis, quæ illam causaret per descensum.

Dispositio autem connexiua corporum ad impediendum vacuum inter diuellenda, sufficienter munus suum exercet retinendo connexionem insuperabilem inter corpora.

quan-

quando, vno recedente a proximo, non succedat aliud; etiā si nullo modo sit motiua, vt vidimus, & ad nullū corpus, nullum situm in Mundo determinatē dirigatur, sed solū disiūctionis ab omni corpore sit impeditiua in suo subiecto.

*X. Vis impeditiua vacui in corporibus integrantibus vniuersum est qualitas intrinseca cuilibet illorum, secundum quam repugnant, à proximo diuelli quoties inter ea quæ diuelluntur, non potest succedere aliud: non solum diuersa à qualitatibus particularium corporum connexiuis, sed à motiuis illorum insuperabilis.*

**P**rimū rationabiliter colligitur: quia ex vna parte, quæcumque in natura communiter eueniunt, nec superant modum operandi virtutis naturalis, habent in natura principium, vi cuius detinentur: siquidem naturas in necessarijs, & proportionatis non deficit. Cum igitur experiamur, iuxta dispositionem ordinariam in Vniuerso dari mutuam cohærentiam inter corpora quæcumque ea sint, vt etiam contra peculiare inclinationes agnoscamus in ijs resistantiam ad diuulsionem ab inuicem, quoties non est in promptu successio alterius inter diuellenda, debemus agnoscere in ipsis dispositionem aliquam naturalem, ratione cuius repugnent huiusmodi diuulsiōi, & hanc ostendimus non posse esse vim motiuam. Neque est supra conditionem virtutis corporeæ, sine cognitione in subiecto sibi corpore munus suum exercentis in illo; vt remotiōni proximi non resistat, cum recedente vno succedere potest immediatē aliud; resistat autem cum non potest ita succedere; si quidem hoc commune est omnibus potentijs inani-

nimatorum, vt sine erroris periculo, iuxta exigentiam præscripti sibi finis, operentur: grauitas enim v. g. non imprimit impetum graui, quo ipsum impellat ad motum nisi positis talibus circumstantijs, quibus variatis eadem repugnat motui, & exercet consistentiam in suo subiecto, resistendo etiã viribus alterius moriui.

Ex alia parte vis resistitiua diuulsiõni de suo conceptu sit qualitas, in quo conuenit cum dispositionibus, secundum quas particularia quædam corpora aliquo modo resistunt diuisioni suarum partium; atque adeo aliqua etiam remotioni ab alio, resistendo incl nationi grauitatis, secundum quam distæ partes, vel tota separarentur ab alijs, & deorsum tenderent; vt est durities in aliquibus, secundum quam ingentis ponderis partes retinentur, ne decident coniunctæ alijs à vi extrinseca sursum detentis, in alijs viscositas, secundum quam in multo minori mole, & pondere, vel partes partibus, vel tota alijs diuersæ rationis adhærent contra nisum grauitatis, vt in humidis crassioribus videmus guttã aquæ adhærere alteri corpori, & partes inferiores illius superioribus, non decedentes in aere libero cõtra peculiarem inclinationem suæ grauitatis; ita vt pro maiori duritie in duris, & maiori viscositate in crassioribus humidis, exerceatur huiusmodi coherencia, impediendo nisum maioris grauitatis in maiori mole existens.

Secundum pariter colligitur ex discrimine inter vim resistitiuam, quæ conuenit aliquibus corporibus, vt secundum eam impediatur subingressus alterius inter suas partes dissipatas; vt est durities in duris, & inter vim resistitiuam conuenientem cuiuscumque per se subsistenti corporeo, ratione cuius vnumquodque resistit penetrari ab alio similiter corporeo, apto per se subsistere, secundum quam plura talia fierent sibi intinè præsentia. Nam virtutes prioris classis, in bonum peculiarium corporum ordinatæ, sunt ab alijs peculiaribus



cularibus aliorum corporum superabiles: sic sua maiori duritie, addito impetu, ferrum communiter inter partes corporum durorum subintrat, & ingressum alijs aperit, nec vllum corpus ita durum experimur, quod alterius duritie impetu iuuante, non vincamus.

Virtus verò resistitiua penetrationi, vt nulli peculiariter subsistenti per se corporeo conuenit, sed omnibus, ad conseruandam, cum debita extremitate & dispositione partium integrantium cuiuscumque illorum, Vniuerso ipsi debitam constitutionem, & impediendam nimis facilem inter illius partes mutuam destructionem, & eius confusionem; ita à nulla peculiari virtute, quantumuis pressiua, corporei agentis superabilis est.

Quare proportionaliter philosophando: licet dispositiones peculiarium corporum, ex quibus adhæsiō sequitur, & sunt ob peculiare bonum illorum institutæ, sint ab alijs peculiarium corporum viribus superabiles, & communiter vincantur; Virtus tamen per se conueniens omnibus corporibus, vt seruatua vnitatis per contiguitatem inter partes vniuersi, & dispositionis conuenientis ad propagationē qualitatum, varietati, & perfectioni eiusdem conuenientium, à nulla peculiarium Agentium virtute, quantumuis aucta dici debet posse superari.

Agnoscantur itaque vires istæ, quæ omnibus per se subsistentibus corporeis in vniuerso debentur, & sunt ordinatæ ad bonum totius vniuersi, constituere superiorem ordinem respectu virtutum, quæ peculiarium corporum sunt, ad illorum conuenientem dispositionem, & propagationem ordinatæ; quæ proinde à nulla earum quantumuis aucta æquari, nedum superari possint.

Facilius ergo contra dispositiones particulares corporū admittenda est eleuatio, & detentio grauium sursum. Leuium depressio, densiorum dilatatio, aliqua durorum inflexio

(quam

(quam in illis etiam ex tremore, & quidem inæquali, quæ in suis partibus consequentibus per impulsum validum experimur, tenemur admittere, ne dicamus dari posse duabus rectis commune segmentum) & similia, quam vacuum: Ita ut vires, per Machinam auctæ, huiusmodi potius cum violentia in qualibet particularia corpora inducendis prauallere dicendæ sint, quam inducendo vacuo, quando per illas, aut continuorum diuisio, aut cohærentium remotio vrgetur.

Hæc habui, quæ amicissimo, & eruditissimo viro perscriberem velut aliquod complementum eorum, quæ priori Epistola exaraueram. Ut autem ad illius impressionem admittendam non tam me excludendi vacui ab vniuerso studium impulit, quàm reprimendi gliscentes opiniones, quæ labefactandis melioribus aditum aperiebant; iactantes nouo experimēto accidentia naturaliter extra subiectum exhiberit ita ad impressionē huius procurandum vrfit, non tam meorum dictorum, quàm sanioris modi philosophandi defensio, quem non pauci hoc tempore subuertere nituntur; dum nō tam ratione duce ad penitiora progressi, quàm occurrentibus in via, sibi à suis præceptoribus proposita, argumentis territi, abiecto clypeo ex defensoribus oppugnatores facti, iisdem aliquo nouo fuco perunctis instructi prodeunt; non aliam suarum substructionum fundamētis stabilitatem procurantes, quàm præsidentiam, quod ea non facili conuincere possis falsitatis. Tota tamen eorum architectura ex nō satis perspecta rarefactione; condensatione; constitutione continui; formarum accidentalium, luminis in particulari, & similium propagatione nata, non solum philosophiæ sensibilium, sed melioribus videtur infesta, & in eorum gratiam reprimenda.

Vale, & si quid est à melioribus vacui temporis, quæ inter legendum minùs probaueris amicissimo de veritate doceri consignata trans mitte.

DIS-

## DISSERTATIO

## MAGNETICA

De Primo Magnetico, & causis  
Progreſſionum Magneti-  
carum.

RATIO

D I C E N D O R V M.



**A**D Philosophiæ Magneticæ complemētum  
Primum Magneticum non ſcriptione di-  
uinatoria, ſed progreſſionum Magneti-  
carum motionum, conſiſtentiarumque be-  
neficio, conſtituturus, & harum cauſas af-  
ſignaturus; ipſas progreſſiones, motiones,  
conſiſtentiaſque, & alias virtutis Magne-  
ticæ dotes præmittere neceſſe habui; in quo præſtando non  
aliorum Tractatus inſigni eruditione, & accurata ratiocina-  
tione digeſtos mihi deſcribendos cenſui, nec Philoſophiæ  
Magneticæ rudem de re tota mihi de integro edocendum  
propoſui; ſed cum peritioribus (quorum ſcripta, & impreſſa,  
quæcumq; videre licuit, ab anno 1612. attente perluftraui,  
& cum experimentis contuli) recognoſcenda, & ſicubi op-  
portunum videbitur, confirmanda huius ſcientiæ fundamēta  
ſuſcepi; vt illis tutò inſiſtere, & ſuperſtruere liceret impunè.



## S E C T I O P R I M A.

Quid nomine virtutis Magneticæ, & subiecti illius intelligantur, & quid ea sit, & quotuplex.

*Ex notis communiter, vel facile capiendis experimentis, meliori; de ijs philosophantium doctrina.*

I. **N**omine virtutis Magneticæ intelligo eam, quæ in lapidibus, Magnetes communiter dictis, in aere variè suspensis, vel impositis humido crassiori, se prodit, causando constantem directionem, & situationem, secundum duas certas, & oppositas extremitates in illis, ad duas determinatas, & oppositas positionis differentias in Mundo, Austrum scilicet & Aquilonem; & pariter secundum easdem extremitates oppositas mutuam inter eos variè inuicem situationem occursum, vel auersionem.

Propagatur autem ad alia corpora ferrea, quæ ex accessu ad Magnetes acquirunt tale principium, quo postea ab illis remota, similiter secundum determinatè oppositas sui extremitates ad duas oppositas in Mundo positionis differentias conuertuntur, & mutuam inter se occursum, vel auersionem proportionaliter situata exercent; immo idem principium alteri ferreo sibi approximato pariter communicant, iisdem motibus, & consistentijs, secundum oppositas in eo extremitates, ab ipso determinatas, manifestandum.

Neque dictis repugnat quod aliqui lateres è pavimentis

*Quid & quotuplex vis Magn. & sub. 147*

extracti deprehendantur habere tale principium, vel ferramenta, quæ ad lapides Magnetes numquam accesserunt; non enim per supradicta ad ferrum, sic magis propriè dictum, capacitatem impressionis Magneticæ restrinxi; nec tales lateres à corporibus aliquo modo ferreis excludendos indicat ipse color ferreus: multò minùs restrinxi ad magnetes lapides virtutem magneticam, quæ talibus ab alio corpore Magnèrico, cuiusmodi Terram esse dicemus, communicatur: sed solum ijs, vt communiter agnitis, vsus sum ad eam per peculiare, & facile internoscibiles effectus proponendam.

II. Distinguenda sunt hic duo genera subiectorum respectu virtutis Magneticæ; primum eorum, quæ illam constanter possident, & in quibus statim agnoscitur determinare certas extremitates oppositas, secundum quas directiones, & consistentias supradictas exercet; vt sunt Magnetes lapides, & ferramenta ab illis iam affecta: alterum eorum, quæ sunt purè media propagationis; nam posita intra Sphæram actiuitatis propagari, eam ita obtinent illo sic præsenre, vt remoto amittant; & ideo subiectum, capax perseveranter retinere, per ea, illo sic debite approximato, ipsam recipit; accedens verò ad ea illo remoto nihil afficitur, nec in ipsis vllas directiones, aut consistentias secundum determinatas à se extremitates exercet. huiusmodi apud nos, præter Terram in sua massa non omnino vitiata, & lapides Magnetes, & ferrea, sunt omnia alia corpora; cum tamen per subiecta etiam primi generis propagetur, & eius propagationem nullum genus corporum in Mundo omnino sistat; licet aliqua refringant à sua directione diutèr, vt dicemus, quod ipsum seruit ad probandum illam per pura media propagari; dum ea, posita intra Sphæram actiuitatis propagantis, possunt esse media ad plures radios, vt ita dicam, Magneticos ad subiectum distans primi generis transmittendos, quam si ad sit aliquod non purè medium interpositum eos refringēs,

ut euenit cum lamina ferrea per suam latitudinem in aere, occurrit propaganti; tunc enim ad aliud ferrum, secundum maiorem extensionem sui in longum, oppositum in aliqua sensibili distantia à lamina, & nihilominus intrà sphaerâ aëritatis talis Magnetici propagantis, multò minus impressionis Magneticæ pertingit, ablata intermedia lamina multò plus; quia in laminam incurrentes radij refringuntur, ut euidenter colligitur; cum enim illi procedentes in directum, per laminam deberent extremitates oppositas in ipsa crassitie laminæ constituere, alteram versus propagantem, alteram in directum ad superficiem auersam à propagante, cui directè opposita est; ex refractione vnâ constituunt ad medium laminæ, aliam in orbem ad ambitum illius, ut manifestè deprehendes approximata acu ferrea magneticè præfecta; hæc enim eandem sui extremitatem conuertit ad laminam per totum eius ambitum approximata, oppositam ad medium illius.

III. Distinguendæ non sunt nec in eodem subiecto, nec in diuersis subiectis diuersæ Virtutes Magneticæ, cum illa vnus, & eiusdem rationis in omnibus existat.

Non in eodem, quia licet per oppositas sui extremitates videatur continere velut oppositas inclinationes in oppositis situs differentias, determinatè illarum directiuas, & quantum partem alterius Magnetici vna sui extremitate fugat, opposita extremitate allicit; nam vnus & eiusdem virtutis est non diuersas inclinationes, sed vnâ inclinationem, ad huiusmodi opposita conferre suo obiecto, ut distinctius infra explicabitur; & interim probatur, tum quia quælibet particula Magnetica, à determinata quantumvis totius magnetici extremitate abscissa, exhibet istam inclinationem ad huiusmodi opposita; tum quia susceptiuum impressionis Magneticæ ad vnâ ex oppositis extremitatibus Magnetis accedens, secundum inclinationem ad talem situs differentiam, & allicium  
sic



sic determinatam, recipit in se virtutem determinantem in ipso non solum extremitatem similem ei, ad quam accedit, & à qua allicitur cum tali determinatione, sed etiam extremitatem similem oppositæ, secundum determinationes omnes, quas habet opposita, immo quod magis admireris, hanc receptam exhibebit in sui extremitate, qua accessit ad magnetem; similem autem per omnia extremitati Magnetici, cui accessit, non nisi in opposita sui extremitate, secundum quam remotum est ab illa, & secundum quam, si ad illam tentaretur sensim accessus, omni suo conatu auerteretur ex regula motuum magneticorum, de quibus dicemus infra.

Ex quo inferitur non solum esse vnam Magneticam Virtutem disponentem ad ista omnia subiectum in quo est; verum etiam secundum istam rationem adæquatè causatiuam motuum, & consistentiarum Magneticarum, & propagatiuam similis, eam afficere totum subiectum, & quamlibet partem subiecti, in quo est, licet non exerceat determinatas situationes; & productiones æquè per quamlibet partem subiecti, dum est per modum partis in toto, vt distinctius infra ostendemus.

Non in diuersis, licet aliqua sint purè medium, per quod propagatur, non retinens eam, nisi cum dependentia actuali à præsentè propagante, nec ad illos motus & consistentias determinatè inclinans per illam; distinctio subiectorum, & purè mediorum constat ex supradictis; quod autem in illis virtus Magnetica non sit distinguenda probatur, quia ex refractione in lamina ferrea, dum ad illius extremitatem diuergunt radij Magnetici, & in illa depræhenduntur exercete situationes oppositas, & propagationes determinatas, præcisè ad normam refractionis, & ad mensuram diuergentiæ in lamina cessat per medium in anteriora propagatio; ergo propagatio, quæ diuergit ad extremitatem laminæ, & virtus quæ in ea constituitur vt in subiecto, est eiusdem rationis cum propaga-

pagatione, & virtute, quæ poneretur in purè medio; multo magis est eiusdem rationis virtus Magnetica in primo propagante, & subiecto retinente impressionem ab illo secundum determinatas suarum extremitatum consistentias illi correspondentes, & similes propagationes manifestandam.

Confirmabitur hoc totum ex eo, quod infra ostendemus peculiarem modum propagationis convenientem directè primo subiecto retineri etiam in secundarijs susceptivis, licet eis minus congruentem; ac proinde in Secundarijs retineri virtutem eandem, in quibus cum iisdem determinationibus ea esse cognoscitur.

IV. Virtus Magnetica in quolibet subiecto est vera forma accidentis qualificatiui illius; ad quod ostendendū sufficit addere supradictis, propagationem similis principij affectionum Magneticarum à primis subiectis in talia, quæ sunt ex peculiari sui dispositione capacia illius, nō posse vllō modo evenire per diffusionē corpusculorū magneticorum ab illis.

Primò quia, data tanta distantia proportionata Sphæræ activitatis Magnetici, vis magnetica ab illo propagatur ad subiectum capax æquè celeriter, & eodem modo, siue interpositum sit cuprum, siue plumbum siue aurum, siue marmor cuiusvis generis, siue solus aer, etiamsi intra illa non solum clausa, sed solidata & aquis mersa, magnes contineatur: hoc autem non potest consistere cum diffusionē corpusculorum Magneticorum, quæ neque sic vrgeri possunt vt è corpore Magnetico abscendant, ad quod corpuscula Magnetica, vel ferrea, quæ sensibilia sunt, & affecta vi Magnetica ad eandē faciem, per quam proximè sit propagatio, accurrūt & adherent, vt non nisi vi diuellantur, nec modo dicto possunt tam variè constituta media æquè permeare, subiectum capax æ. quæ immutando, & æquè ad se dirigendo.

Secundo quia intra sphæram activitatis, & quidem proximè, interposita secundum suam latitudinem lamina ferrea, per-

*Quid et quotuplex vis Magn. et sub. 151*

permodicæ crassitie magis impedit consuetum progressum in directum radiorum, vt ita dicam, magneticorum, quam vllum metallum extensum in longum, & secundùm suam maiorem extensionem obiectum Magneti, & impedimentum in lamina fit per veram refractionem, secundum quam radij, secundùm notabilem obliquitatem illi incidentes, diuertunt ad extremitatem illius quauersum, vt experimentis Magneticis conuincitur; hæc autem diffusioni corpusculorum prorsus incongrua.

Tertiò, vt infra conuicemus, Magnes per signabile in extremo sui diffusius propagationis magneticæ virtutis ad alia, diffundit ad illa pariter per suam ipsius crassitiam, tanquam per medium, & quidem in contraria directione ab illa, quam ipse in sua massa obtinet, idque semper constanti lege euenit, quod corpusculis, quæ dicantur ab ipsius crassitie effluere ad talia capacia sic applicata, conuenire non potest vt exercitatis in experimentis Magneticis statim constabit.

Sicut propagationes illuminationum ad repræsentanda signabilia lucida, à quibus propagantur, & quidem singula pro quolibet signabili medijs diaphanis ad tam vastam extensionem diffusi, & aptè ad exhibendam configurationem lucidi in refractione per lentem diaphani crassioris. Pariter talis variatio in ipsa mutatione progressionum per medium eiusdem rationis ex varia configuratione illius, seruata nihilominus eadem lege refractionis; vt intra idem medium densius, dum radij restringuntur ad perpendicularem, modò vniantur, modò dispergantur, & in progressu ad idem medium rariius, seruata semper eadem lege refractionis à perpendiculari, modò dispergantur, vt nullum sensibile effectum præstent, modò vniantur ad validissimum, & similia per efluxum corpusculorum nequeunt vllà probabilitate explicari; optime autem ostenduntur hæc, & alia, posita natura, & sine talis accidentis necessario in eius propagatione successura, etiam si.



etiam si ea quis numquam fuisset expertus, ut in opticis ostendimus.

Qui autem veras accidentium formas ab agente per medium propagatas, & subiectorum ab illis affectionum qualitates negantes, ad corpusculorum effluvia, & varias mixtiones, recessusque recurrunt, non ex proprijs rerum principijs, & affectionibus ritè expensis philosophantur; sed ex quibusdam communibus discurrentes, de quolibet affirmant, aut negant; & difficultatibus, quia nescierunt soluere ipsi, ut argumentis insolubilibus phycas veritates oppugnant, suas verò phantasias non aliter stabiliunt, quàm quod eas ad apertam contradictionem deducendo non queas expugnare, nō aliter venditant, quàm quia eas toti Vniuerso confundendo possint applicare, non solum cum dispendio temporis, & Philosophiæ detrimento; sed etiam cum periculo errandi in ijs, quibus ingenium ubmittere, semper est non solum tutius; sed etiam melius sapere,

## SECTIO. II.

*De situ, secundum quem vis Magnetica disponitur in subiecto, & secundum quem disponit subiectum exercendo motum, & consistentiam in illo.*

Cum vis Magnetica tota sua extensione per se ad duas oppositas positionis differentias in subiecto dirigatur, & suum subiectum secundum totam eius extensionem dirigat ad duas extra ipsum differentias positionis oppositas, & non solas eius extremitates, ad easdem cōsequenter conuerti solitas, videretur potius dicenda virtus duarum differentiarum positionis, quàm duarum facierum: nihilominus quia  
apud

apud antiquos ex melioribus Philosophiae Magneticae Praeceptoribus hoc secundum est in usu, illud adhibebimus, dum constet quid per illud intelligamus. Verè enim ab extremitate. A. v.g. in lapide virtus tali sua determinatione tota excurrit ad oppositam illi extremitatem B. & ab extremitate B. aliquomodo alia sua determinatione recurrit ad oppositam extremitatem. A. sicut pyramis à basi ad verticem tali sua decliuitate tota excurrit, & à vertice ad basim tali sua ampliatione recurrit; vna tamen virtus est ex natura sua ad duas oppositas differentias vergens se tota, & ad duas in vicem oppositas disponens subiectum.

I. Affero primò virtutem Magneticam secundum duas oppositas positionis differentias dispositam in suo subiecto, & quidem in subiecto recipiente designatas, secundum extensionem radij propagationis per illud siue directam, siue reflectam.

Probatur Prima pars huius assertionis. Quia licet dicta quantitas, more aliarum extensarum in subiecto, sit diuisibilis ad diuisionem sui subiecti, & consequenter ad omnem positionis differentiam, ad quam eius extensio designatur, sit etiam ipsa designabilis; ex peculiari tamen conditione habet vt eadem tota sua entitas in tali subiecto secundum duas in illo oppositas differentias situs sit taliter disposita, quomodo non secundum alias, vt manifeste cognoscitur ex eo, quod cubus ferreus de se indifferens est, vt secundum quamcumque designationem in sua entitate, & aliarum sibi inexistantium formarum factam, possit congruere cum aliquo Magnetico siue è regione occurrente, siue infra, & supra, siue ad latera collocato; & postquam, intra sphaeram actiuitatis Magnetici constitutus, imbutus est virtute Magnetica, secundum duas determinatas, & oppositas in se differentias situs exercet congruentiam, & incongruentiam cum illo, quomodo non secundum alias in eo designabiles: Indifferentiam au-

rem dictam in illo præfuisse cognosces, si ab ipso in ignem coniecto impressionem magneticam auferas, postea verò secundum determinationem partium aliam eidem Magneticæ virtutis propagatiuo admouëas; nam secundum illam ei congruet, quomodo ante, secundum aliam accedens, congruebat.

Secunda Pars probatur, quia si radius Magneticus aliquomodo extendatur directè per ferrum oblongum, per suam longitudinem expositum signabili Magnetis, per quod virtus diffunditur (quod polum vocât) differentiæ situs in ipso iam imbuto virtute Magnetica, secundum quas determinatè exercebit congruentiam, vel oppositionem cum alio Magnetico, terminabuntur ad extrema longitudinis illius opposita inuicem: at verò si radius in illo notabiliter refringatur, vt euenit, cum tale ferrum secundum medium sui occurrat tali signabili, a quo extēditur diffusiuum virtutis Magneticæ, tunc differentiæ situs oppositæ, secundum quas ipsa in illo disponitur, non terminantur ad extrema longitudinis ferri, sed ad medium compararum ad extrema, vt euidenter cognoscitur ex applicatione alterius Magnetici, in cuius extremis terminentur determinatæ oppositæ differentiæ situs virtutis; non enim solitam congruentiam, & incongruentiã per accessum, & fugam exercebit cum extremis ferri prædicti, sed cum medio, & extremis.

Tota huius assertionis veritas melius stabilietur ex dicendis.

II. Affero Secundò, quod licet à tali signabili Magnetici virtus diffundatur in orbem ad omnem positionis differentiã, nihilominus ea etiam in Medio determinat sibi dictas oppositas differentias situs; alteram versus tale signabile Magnetici propagantis, oppositam secundum recessum ab illo; ita vt in omni extensione designabili ab illo per medium, intra Sphæram actiuitatis illius contentum, talis sit dispositio virtutis



*De Situ, quo Vis M. disponitur, & disponit.* 155  
tutis. qualis esset in subiecto retentiuo virtutis, quod secundum suam longitudinem, loco illius esset sic directum ad dictum signabile Magnetici propagantis.

Probatur primò, quia subiectum capax impressionis Magneticae positum intra medium in distantia, quæ sit intra Sphæram actiuitatis Magnetici, secundum suam longitudinem directam ad signabile, a quo vis diffunditur, recipit virtutem secundum eam dispositionem, secundum quam per medium ad ipsum propagatur; sed secundum quancumque loci differentiam accedat sic directum secundum longitudinem, sic semper recipit secundum dictas oppositas situs differentias, virtuti magnetici proprias, eodem modo in sua longitudine dispositas; ergo secundum eas sic est disposita in puro medio, modo dicto.

Secundò, quia subiectum præaffectum impressione Magnetica, v. g. versorium ferreum pixidis nauticae, secundum certam situationem virtutis in se, si per dispositionem non conformem ei, secundum quam dixi a tali signabili Magnetici virtutem dirigi per medium, accedat intra illud, sed intransuersum, statim mouetur, & sic dirigitur ad signabile Magnetici, quomodo secundum situationem virtutis in se conformatur illi, quam dixi obtineri a virtute per tale medium propagata. Confirmabitur hæc probatio ex dicendis de causa directionum corporum Magneticorum ad inuicem.

III. Affero tertio virtutem Magneticam iuxta dictas differentias situs oppositas dispositam in suo subiecto, & secundum facies oppositas se proidentem in duabus oppositis extremitatibus illius, disponere pariter suum subiectum determinatè secundum directionem illarum ad aliud Magneticum, intra cuius sphæram actiuitatis sit, secundum illam debitè suspensum in aere, vel innatans humido crassiori, ad exercendum sine extrinseco impedimento motum conuersionis & consistentiam ad ipsum; ita vt facta ex inclinatione

magnetica consistentia, per quam illa secundum facies sibi ex aduerso consistent, talis virtus per eandem sui dispositionem excurrat per medium in duobus subiectis, sic inuicem in loco situatis.

Probatur tota assertio certis experimentis; nam duo styli ferrei ad eundem Magnetis polum simul accedentes, & ita secundum eandem, vt in vno, sic in altero, directionem, vim magneticam acquirentes, si remoueantur à Magnete, & per suspensionem fiat alter sine impedimento à virtute acquisita disponibilis ad alterum consistentem, statim facies, secundum quas mutuo obuegebantur ad magnetem, dissociabit, & oppositam conuertet, Præterea duo Magnetica, quæ separata vnumquodque extra Sphæram actiuitatis alterius, secundum certas extremitates suas, seu facies similiter conuertuntur in Austrum, & secundum oppositas in Septentrionem; si secundum eas, quibus ad eandem positionem similiter in vniuerso diriguntur, inuicem componantur, & conuertibilia sint, auertuntur; si non sint conuertibilia, quantum possunt, ab inuicem recedunt: e contra verò secundum extremitates, quæ in oppositas Mundi partes conuertuntur, inuicem coibunt, etiam per mutuum occursum; & sic, Magnetica vi dirigente, hanc legem constantissimè seruant, iuxta quam talis vis ab vna extremitate Magnetici non solum ad aliam oppositam, sed vterius per medium, & totum aliud Magneticum ad extremitatem vsque illius remotissimam excurrit eadem prorsus directione, ac si aggregatum ex illis esset vnum continuum Magneticum, in quo virtus sic primò disponderetur iuxta dicta.

IV. Asserto quartò duas oppositas situs differentias, secundum quas vis magnetica à certa extremitate, seu facie ad oppositam, & ex opposita ad ipsam dirigitur, & secundum quas disponit suum subiectum ad aliud, esse æquè primò intentas; & non ex aliqua primò & determinatè intentā, aliā,

*De Situ, quo Vis M. disponitur, & disponit.* 157  
vt in corpore habente extremitates materialiter oppositas,  
velut materialiter exhiberi.

Conuincitur ex certis experimentis: primo si ferrum ob-  
longum per sui medium accedat ad hunc, vel illum polum  
Magnetis, numquam habet oppositas directiones, secundum  
oppositas situs differentias ab extremo, ad extremum, & è  
contra, in sua materiali extensione excurrentes, nec oppo-  
sitas facies in suis oppositis extremitatibus constitutas: sed  
æque hanc, vel illam in medio sui prout per illud ad hunc  
vel illum polum Magnetis accedit, & oppositam in utraq.  
extremitate ferri.

Secundò, si alicuius Magnetici consistentis extremitati-  
bus, secundum directionem talis virtutis in ipso quomodo-  
cumque determinatis, approximetur aliud secundum suas  
extremitates à vi magnetica proportionaliter in ipso deter-  
minatas; non solum æquè fit conuersio faciei dissimilis ad  
dissimilem, quæcumque illæ sint sic sibi correspondentes in  
utroque, & auersio similis à simili per circumuolutionem  
talis Magnetici approximati, quando suspensum, vel innatans,  
potest, persistente medio sui, per extremitates ad illud  
conuerti, vel auerti ab illo; sed etiam impedita conuolutio-  
ne fit directus accessus secundum dissimilem faciem, vel di-  
rectus recessus secundum similem; pariter eueniet, si ap-  
proximatum consistat, & illi ipsum, quod constiterat, appro-  
ximetur.





## S E C T I O I I I .

*An, et quomodo virtus Magnetica certas sibi partes determinet in propagantes; per quas peculiariter similis propagetur; et situationes in recipiente, secundum quas peculiariter in illo disponatur.*

**A** Sfero primò, quòd licèt integra virtus, quæ est in toto Magnetico intra certâ spheram actiuitatis concurrat ad similis propagationem; dantur nihilominus quædam ex opposito designabilia in illo, cum quibus omnes designabiles in orbem radij propagationis connectuntur, eandem in se ipsis directionem virtutis exhibentes, quâ virtus propagans ab opposita extremitate ad tale signabile vsque in Magnete disponitur.

Prima pars probatur, quia detractis, vel vitiatis partibus intermedijs in Magnetico, imminuitur perfectio propagationis; ergo illa sit cum dependentia à partibus existentibus in toto Magnetico intra suam spheram actiuitatis.

Secunda probatur, quia non solum per accessum ad illa signabilia in extremitatibus situationis virtutis in Magnetico, validior recipitur impressio in subiecto capaci, quàm per accessum ad alias partes Magnetici, sed etiam accedente stylo ferreo secundum eandem extremitatem sui conuersam ad tale signabile, in quacumque dispositione in gyrum circa illud fiat accessus, (esto non tangat illud, sed intermediant aliquæ partes magnetici inter vtrūque) sèper recipit virtutem Magneticam secundum eandem directionem, per quam facies, dissimilis tali faciei Magnetici, est in extremitate styli pro-

*Determinantur Propagatio, & Receptio. 159*

proxima tali signabili in ipso, facies verò similis in extremitate opposita remotissima ab illo; at quando stylus ferreus in accessu tangit partem Magnetis proximiorē notabiliter vni signabili, quàm opposito, licet inter ipsam & signabile proximius intermedient aliæ partes Magnetis, non recipit virtutem secundum directionem, qua ipsa in Magnetico disponitur, pergendo à tali signabili proximo ad eam partem, cui is immediatè accessit, sed secundum oppositam, quæ cōuenit radio propagationis à tale signabili, velut centro, circumquaque diffuso.

Dicere posset aliquis, quòd cum per partem, cui immediatè accedit stylus ferreus, virtus in Magnetico excurrat secundum duas oppositas directiones, secundum vnam ab A. in B. per ipsam, & secundum oppositam à B. in A. per eandem, directio autem à signabili remotiori per ipsam, vt quæ est per longiorem tractum Magnetis, sit potentior ad excurrendum conformiter per propagationem in stylo ferreo, quàm sit directio, quæ est à signabili proximiori parti tactæ versus ipsam, non esse mirum, si virtus producta in stylo ferreo sic approximato Magneti obtineat directionem oppositam ei, qui est à facie Magnetis proxima versus partem, cui ille accessit: hanc autem non esse dicendam directionem, conuenientem radio propagationis à tali signabili proximo per stylum deducto: sed conuenientem dispositioni Magnetis ab extremitate opposita versus partem, cui stylus accedit; ac proinde per quam ei virtus immediatè communicatur; ne in probatione conclusionis assumatur vt certum, omnes radios propagationis prouenisse immediatè à talibus oppositis signabilibus in magnete, quod est probandum; & non inducatur hæc prodigiosa nouitas in philosophiam, quòd virtus aliqua homogenea productiua similis, licet sit in aliquo toto homogeneo; non tamen illam producat in subiecto capaci immediatè secundum partes, quibus illud immediatè

diatè accedit, sed concurrente toto per duo præcisè signabilia opposita determinata in ipso à tali virtute, à quibus in orbem deducantur omnes radij propagationis in quælibet subiecta vel mediatè, vel immediatè intra sphæram actiuitatis quomodocumque accedentia: Immo hæc maior in Philosophiam Magneticam; quod per radios magneticos à talibus signabilibus intra magneticum deductos, ipsam recipiat directionem Magneticam oppositam ei, quam præhabet in se; quam, ne sic recipiat ab alio Magnetico, tantopere refugit.

Sed instantia facta euidenter conuincitur falsitatis, & talis peculiaris modus agendi stabilitur claris experimentis.

Primo enim ferrum magnitudine grani hordeacei paulo longioris si approximetur ad aliquam ex faciebus Magnetis, ei insistit contra inclinationem suæ grauitatis, & quidem pro mptius, validius, & magis directè in aliquo signabili illius, & circa illud pro aliqua minore vicinitate in proportionè minus directè, minus promptè, minus validè, & accedens ad partes Magnetis, ad quas à tali signabili non potest duci linea recta, nisi per ipsam massam Magnetis, sed aliquomodo eidem proximas, pariter erigitur supra Magnetem contra inclinationem suæ grauitatis, sed erectione directa notabiliter versùs tale signabile; quæ cum fiat iuxta inclinationem propagationis, quam recipit, manifestè ostendit eam recipi cum dependentia à tali signabili, & conformem in dispositione facierum Magneticarum, & suâ directione pariter Magneticâ, cum radio à tali signabili deducto; non autem cum directione virtutis Magneticæ excurrente ab opposita facie magis distante versùs partem, cui immediate tale ferrum accedit; cui directioni non solum nunquam sponte conformatur, sed coactus apposita manu ad situm illi conformem, statim, ac sibi relinquitur, resilit, & in oppositum conuertitur, iuxta dispositionem radij à tali signabili deducti, cui cur  
omnino



*Determinantur Propagatio, & Receptio. 161*

omnino non conformetur, postea dicemus.

Secundò, pars oblonga, secundum extensionem a facie ad faciem, à Magnete auulsa, si per sui medium suspensa, seu innatans crassiori humido approximetur magneti, numquam in situ, in quo continuabatur cum alijs partibus, ad latus Magnetis accedet, sed semper in oppositum conuerteretur; etiam si locus ad quem accedit, sit ita intra massam magnetis, ut non nisi per illam duci possit linea recta ad facies magnetis: hoc autem clarè ostendit radios propagationis à signabilibus oppositis in faciebus Magnetis retrò illas diffusos ad tale frustum Magneticum, in tali accessu ad Magnetem, peruenire, in quibus directio Magnetica excurrit ex opposito progressionis, quam obtinet in lapide, si ad easdem loci differentias comparentur; ac proinde tale frustum ne à radio propagationis, in quem incurrit, recipiat virtutem Magneticam in situatione contraria ei, secundum quam ipsum iam præhabet, conformem Magneti, e cuius latere attulsum est, inuertere collocationem suarum facierum in oppositum; quomodo conformatur radijs propagationis, ab huiusmodi signabilibus oppositis in faciebus Magnetis retrò illas diffusis.

Talis autem mutatio frusti Magnetici in situm oppositum ei, quem obtinebat in Magnete, dum illi approximatur etià versus locum, unde auulsum est, tam constans, numquam eueniret, si propagatio virtutis Magneticæ non esset tota per radios à dictis oppositis signabilibus in gyrum deductos; sed esset à partibus, quibus tale subiectum capax proximè accedit, secundum directionem virtutis magneticæ dispositam in lapide, & congruentem prorsus situationi, quam frustum auulsum obtinebat in illo. Non immoror in designationibus, quia hæc summatim cum Peritoribus recognosco, non Tyronibus in Philosophia Magnetica edocendis propono.

Tertiò & fortissimè experimento, quo magneti, secundum directionem etiam Magneticam oblongo, terreum simil-

licet brevius & pro virtute Magnetis satis graui primò ad latus inter vtramque faciem inclinatum applicatur; id enim ex tali applicatione & validè adhæret Magneti & multum virtutis recipit, immò notabiliter validius adhæret, & in maiori pondere sustinetur ex tali inclinatione ad Magnetem, quàm si per aliquam suarum extremitatum determinatè accessisset directè ad alterutram faciem magnetis: nihilominus non recipit virtutem in se, secundum directionem, qua illa existit in Magnete, sed prorsus secundum oppositam, qualem diximus existere in radijs, ab utroque signabili in faciebus oppositis Magnetis, retrò post illas hinc inde propagatis; ex quo etiam fit, vt in tali inclinatione ad latus Magnetis duplicatà in eo à duplici signabili opposito, propagatione virtutis, & quidem in situ conformi, ferrum validius adhæreat, etiam in maiori pondere contra inclinationem suæ grauitatis eleuatum; quod tamen non ita notabile in Magnete rotundo, quia ipsa rotunditas nimis remouet à polis Magneticis ferrum, ita secundum sui extensionem in longum accedens ad latus illius.

Affero 2. radios magneticos incidentes subiecto, capaci ad retinendam impressionem magneticam ab illis, disponere directionem propriam virtutis Magneticæ secundum maiorem extensionem in longum talis subiecti; ac proinde in tali subiecto refringi à suo directo progressu in omnem loci differentiam iuxta exigentiam talis dispositionis.

Constat assertio secundum omnes suas partes euidentibus experimentis: stylum ferreum per sui transuersum admove polo Magnetis, & nunquam directionem virtutis Magneticæ deprehendes in eo, nisi secundum longitudinem eius disponi; si enim per sui medium illum admoueris polo, faciem ei dissimilem in medio illius deprehendes; similem verò in vtraq; extremitate illius; si vero per alterum sui extremum propius polo admoueris, secundum faciem dissimilem in

extremo propius admoto, secundum similem in extremo remotiori virtutis directionem dispositam esse cognosces.

Iam similem stylum ferreum incurua, & secundum extremitatem eandem ad polum admove, vergente curvatura ad quamcumque loci differentiam, & ad omnem fieri refractionem agnosces, per quam dispositio virtutis magneticæ ab extremo ad extremum secundum longitudinem illius disponatur.

*Cūr Magnes armatus in ferrum pro aliqua distantia minus agat; proximum verò tanto gravior de se velut suspensum retinere possit.*

**H**ic adverte, quòd cum in dispositione Magneticorum, aperta contigit aliquomodo æquivalere possit cōtinuitati, quando ferro vestienti faciem Magnetis, & sic diuergenti radios ad suam extremitatem per refractionem, apponitur aliud ferrum, ita vt totius subiecti ferrei, capacis impressionis Magneticæ, longitudo versus illud dirigatur; tunc etiam radij Magnetici mutantes refractionem versus illud diriguntur, & in eo per talem refractionem yniti constituunt potissimam causam, cur Magneti armato tantò plus ferri debite approximati adhæreat, quàm inermi. Cum tamen in ferrum sensibiliter distans plus agat intermis, minus armatus; dùm non parum ex radijs Magneticis per refractionem, secundum maiorem extensionem armaturæ diuergit à suo progressu ordinario in directum; immò quia faciem dissimilem polo, qui est terminus à quo distenditur propagatio, constituunt in medio laminæ ferreæ, quæ solet illi apponi, illa per sui medium agens contrariatur directioni, secundum quam virtus à dicto polo vltèrius propagatur; ex quo potèst li nũm sit, vt si Magnes sit debilior, radius per tale medium procedens



dens in directum minus præualeat allicere ad se versorium, cuius extremitas, allicienda ab ipso ad faciem prostantem, sui, aliquando conuertatur potius ad extrema laminæ, in quibus est facies similis polo Magnetis ad se conuerso, sed sine directione opposita in illis propagata, quàm ad ipsum polum Magnetis dirigatur.

Affero tertiò radorum Magneticorum flexionem in receptiuo capaci non fieri nisi iuxta mensuram, secundum quam illud est capax appropriare sibi impressionem à tali agente propagatam, nam respectu aliorum radorum, qui vel absolutè excedunt illius dispositionem respectu talis agentis, vel illam iam aduatam inueniunt, tale subiectum se habet vt purè medium, in quo radij magnetici non refringuntur.

Hæc assertio conformis est legibus Magneticis ex fine, propagationis intèra mensuratis, secundum quas patet huiusmodi radios ad tale subiectum alioqui capax determinari per Magneticam impressionem, sed non ab illis, habere se vt ad purè medium.

Conformis est experimentis, secundum quæ radij à polis magnetis diffusi transeuntes per ipsam massam Magneticam non disponuntur secundum directionem Magneticam, secundum quam virtus in ea vt proprio subiecto prius in hærens disponebatur, sed per illam vterius propagantur, aliò dispositionem facierum dirigentes: Secundum quam directionem, si acus Magnete tacta per polos in medio sui extantes inferatur inter duos arcus cupreos, inuicem per extrema coeuntes; vt possit inter illos sursum, & deorsum agitari? & illi è seta equina suspensi perpendiculo plumbeo inferiùs in linea verticali firmentur, prius illa se in Septemtrionem; & Austrum, per suam longitudinem aliquomodo disponet, tum secundum extremitatem, qua in polum Terræ viciniorē conuertebatur, versus illum se inclinabit, obsecundans radio Magnetico, ex illo velut recta procedenti per Massam.

*- Determinantur Propagatio, & Receptio. 165*

Terræ, non verò secundum dispositionem, secundum quam illa virtutem Magneticam sic per suos polos actiuam continet, flexo; quæ confirmabuntur ex dicendis de virtute Magnetica in Terra existente, & per eius polos radiorum Magneticorum propagatiua. Interim para tibi globum Magneticum, in cuius diametri alicuius extremitatibus, poli virtutis existant, & per circumpositum circulum eupreum virgulam ferream, ad huiusmodi globum per sua extremitates conueribilem, circumducito; & agnosces eam radijs à polis per massam magneticam recta propagatis, non secundum dispositionem virtutis in illa flexis, obsecundantem proportionaliter, vt circa Terram experimur, disponi: quod si ex oppositi poli actione non omnino sequitur directionem radij à proximiori ad se propagati, talis deuiatio est contraria flexioni, secundum quam virtus magnetica in tali subiecto ad polos disponitur. Admoue magnetem laminæ ferreæ ad medium, & radij, qui erunt proportionati capacitati illius respectu talis actiui in ea frangentur, alij recta penetrabunt, & si validior sit Magnes, cuspidem versorij v. g. ad se allicient, quam remoto magnete secundum radios cum fractione retentis, eadem lamina per tale sui medium fugabit.

Assero quartò radios propagationis à polis per massam, cuius sunt, transcurrentes, deferre virtutem Magneticam, secundum dispositionem facierum oppositarum ei, secundum quam obtinetur ab ipso subiecto propagante, aliquomodo tamen conformem in ipsis radijs à polis apposis in contraria tendentibus, & sibi occurrentibus, per quam in subiecto extrinseco capaci eos excipiente, secundum huiusmodi tendentiam in oppositum, virtutem geminant secundum eandem directionem ad validiores effectus; in subiecto vero eos ita excipiente vt ad eandem tendentiam dirigar, prorsus virtutem secundum oppositam directionem disponunt, & à motibus, & consistentijs magneticis in eo exercendis se mutuo impediunt.

*Prima*

Prima pars assertionis, expressè constat ex dictis pro secunda Parte assertionis primæ, in radijs enim post faciem magnetis, quæ dirigitur in Septentrionem ab ipsa propagatis, habetur directio virtutis, secundum faciem tendentem in Septentrionem in anteriora radij procedentem; ergo omnes radij, qui per massam magnetis retrò post talem faciem propagantur, continent virtutem Magneticam, secundum propriam directionem oppositam ei, secundum quæ in ipso Magnete præhabetur: designa radios à polis per ipsum Magnetem propagatos cum characteribus exhibentibus dispositionem Magneticam in ipsis, & statim agnosces.

Secunda Pars probatur, quia cum quilibet radius retrò faciem Magnetis, per quam propagatur deferat dispositionem directionis Magneticæ, contrariam ei, quæ præhabetur in Magnete, necessariò in ista contrarietate pergentes per idè subiectum capax impressionis acceptæ ab illis, constituent virtutem Magneticam in illo secundum directionem, oppositam quidem ei, quæ obtinetur in Magnete propagante; mutuo tamen secundum utrūque radium sibi congruentem v. g. in Magnete directio virtutis est secundum talem eius tendentiam ab A. in B. in Septentrionem, & à B. in A. in Austrum, iam radius retrò propagatus post faciem B. defert directionem virtutis in Septentrionem, qualis reperitur eadè in omnibus radijs in orbem propagatis per talem faciem B. contrariam scilicet ei, qua virtus habetur in Magnete, quæ à B. in A. tendit in Austrū: radius verò retropropagatus post faciem A. defert directionem virtutis in Austrum, qualis reperitur eadem in omnibus radijs in orbem propagatis ab eadem facie A. & est contraria directioni, qua virtus in ipso Magnete ab A. in B. est ad Septentrionem: in utroque verò radio, post facies propagationis A. & B. sibi occurrentes, cõcordat directio ab A. in B. inclinans in Austrum, à B. in A. versus Septentrionem; & subiectum ab illis sic effectum habens



*Determinantur Propagatio, & Receptio. 167*

facies sui, dissimiles proximioribus faciebus Magnetis, ad cuius latus accessit, recedens à latere illius, in oppositum situm priori conuertetur, ex recepta lege Magneticæ.

Tertia Pars probatur quia tales radij prouenientes ex faciebus oppositis inuicem, directionem virtutis deferentes, si ad eandem positionem in subiecto capaci constituantur, non possunt non cōstituere oppositam directionem Magneticam ad vnā, & eandem positionem in illo; & secundum oppositas inclinationes motum, aut consistentiam, quam virtus per vnum radiū impressa subiecto, si sola in eo esset, exerceret, alia necessariò in oppositum nitens impedit pro viribus.

Totum hoc experimento constat, nam si stylus ferreus axi Magnetico, à polo ad polum in Magnete designato, secundum alteram sui extremitatem, velut recta linea alteri, accedat, radios ab vtroque sibi incidentes, obliquè disponet, per eandem sui longitudinem fractos, & sic oppositas facies illorum in eadem sui extremitate constituet; & de facto ita se mutuo, in moribus, & consistentijs Magneticis impediunt, vel si stylus secundum situm propiorem alteri polo per sui extremitatem accesserit, præualeat quidem radius à polo viciniore propagatus, secundum propriam directionem in illo; sed iuxta mensuram minoris impressionis contrariæ, à radio, ab opposito polo proueniente impediatur, hinc fit vt ferrum, magnitudine grani hordei paulò longioris accedens ad magnetem in situ notabiliter proximiori alteri polo illius, contra nisum suæ gravitatis se erigat supra illum, sequens notabiliter directionem radij à tali polo ad se propagati; nihilominus ab ea exactè seruata impediatur à radio proueniente ab alio polo, cui se aliquā ratione accomodans, inclinat aliquemodo in oppositum. Quare si stylus ferreus primum axi virtutis Magneticæ ad medium per sui extremitatem perpendiculariter accedat, velut si nullos radios magneticos recepi-

cepit.

recepisset, ad conuersiones, & consistentias magneticas prorsus superet, dum excepti radij, velut ex æquo in oppositam dispositionē deferuntur in tali accessu rationabilius autem asseritur vtrāq; impressionem magneticam Stabilem in ferro recipi, quamuis in situ opposito sic se vicissim ab effectibus Magneticis impedituram, quam neutram, quod melius constabit ex dicendis.

Asserō quintō in frustis magneticis, iuxta factam vel fortuito, vel de industria massæ, vi Magnetica præaffectæ, diuisionem, posse directionem virtutis, & oppositionem facierū reperiri secundum minorem, immo minimam extensionem illorum.

Cauendum tamē dum à lamina ferrea, ad cuius maiorem extensionem secundum longum virtus in impressione directæ est, præciditur virgula, cuius maior extensio sit in situ contrario tali directioni, ne præcisio fiat remouendo notabiliter vnum extremum illius, dum aliud adhuc vnitum est, aut proximum illi; nam in tali casu posset in dicta virgula mutari directio magnetica per nouam impressionem in ea à maiori lamina factam, secundum quam vis magnetica secundum maiorem illius extensionem facies oppositas extenderet, quæ alioqui retenta prima impressione directionem, & facies oppositas exhibuisset secundum multo minorem extensionem in transuersum.

Hæc omnia certis experimentis, & obuijs comprobantur.



## S E C T I O   I V .

*An et quomodo virtus Magnetica dependeat in  
sui productione, et conseruatione à præsenti-  
tia, et conditionibus Agentis, et dispositionibus  
accidentalibus Passi.*

**A** Sfero primò in subiecto capaci retinendę impressionis  
magneticę, non totum id retineri virtutis magneticę  
remoto propagante, quod habetur eo præsente; neque hoc  
prouenire præcisè, quia tale subiectum non sit capax tantę  
impressionis retinendę; cum à validiori propagante ipsum  
possit plus recipere, & retinere; sed talem limitationem con-  
uenire passo per comparisonem ad limitationem, quę est in  
tali agente, quod cæteris paribus, quo viciniùs & meliùs ap-  
plicatur passo, eo plus illud magneticè afficit; sed pro distan-  
tia æquali non æqualiter decrescit sphæra actiuitatis vali-  
dioris, & debilioris Magnetici.

Prima pars probatur obuijs experimentis; nam ferrum in-  
terpositum inter magnetem, & aliud ferrum, illud in tanto  
ponderè alliciet, & contra inclinationem grauitatis illius  
velut de se suspensum retinebit, quod remoto Magnete,  
præualente grauitate ab eo semotum decidet; nec nisi fer-  
rum minoris ponderis absente Magnete aut allicere, aut à  
se velut suspensum poterit retinere, pro quo faciet etiã expe-  
rimentum mox pro tertia parte afferendum.

Secunda Pars constat, quia ferrum à multo validiori Ma-  
gnete recipiens impressionem Magneticam, eo licet remo-  
to, exhibet illos effectus Magneticos, qui ante, præsente sic



debiliore, exercebantur ipso mediante, & tali debiliori remoto non poterant exerceri.

Similem limitationem, lumine propagato per vitrum, in passo per comparisonem adagens experimur. Nam in tali determinata intensione per ipsum propagatur à tali illuminante, facta reflexione secundum mensuram, per quam ab eodem illuminante lumen intensius propagatum fuisset per aerem, si loco vitri illius radiationi consequenter aer occurrisset; cum tamen à multo validiori illuminante per idē vitrum lumē in multo maiori intensione propagetur, quam sit illa, quæ ex propagato & reflexo à debiliore simul positis intra idem vitrum extitisset.

Tertia Pars probatur ex decremento Sphæræ actiuitatis Magneticae, ratione auctæ distantiae; ad probandum autem pro æquali distantia non esse æquale in validiori, & debiliori, placet mirabile, peritioribus tamen notum experimentum asserre. Valido Magneti ad polum admoue ferrum longitudinis grani hordeacei, vel paulò maioris, & alteri extremitatē illius admoue debilissimum Magneti frustulum, vel ferrum aliud, & illud videbis relicto valido Magnete adhærere huiusmodi debilibus, & ab ijs velut extrahi ab ipso; vt tamen hoc totum fieri agnoscatur virtute validioris, a quo recedit, aucta distantia ab illo, idem ferrum ab huiusmodi debilibus praualentē grauitate auellitur, & decedit.

Prius autem in vicinia validioris, quia parum omnino actiuitas illius minuebatur, validè afficiebatur secundum totam suam longitudinem huiusmodi ferrum illi appositum, cui accedens tantò debilius, cum in extremitate sibi proxima illius, pro mensura suæ actiuitatis, velut maximum, quod posset produxisset, ad alteram extremitatem à se distantem vix secundum aliquid suam propagationem extendit; quare illud virtutis Magneticae, quod ex impressione à validiori, & debiliori positum erat in extremitate talis ferri, vicina debiliori, plus

*Depend: a Præsentia Agentis, & qual: Passi.* 171  
ri, plus erat, quàm quod ex actione utriusque existeret in  
extremitate proxima validiori; cum autem motus in ferro fiat  
secundum mensuram receptæ impressionis Magneticæ, ad  
faciem alterius Magnetici, à quo secundum eam directionem  
virtus Magnetica propagatur; ideo extremitate conuersa ad  
debilius, sed in conformitate propagatiuum versus ipsam, ta-  
le ferrum illud sequitur, relicto validiori; pro distantia autem  
notabili, pro qua notabiliter decrescit propagatio validio-  
ris, à qua actualiter influente dependebat vis Magnetica in-  
tanta mensura, qua superabat talis ferri grauitatem, vincen-  
te grauitate, deorsum tendens, auellitur à debiliori, cui vir-  
tute accepta à validiori adhæserat.

Affero secundò virtutem Magneticam in subiectis capa-  
cibus tam illius, quàm primarum qualitatum contrariarum,  
ita ab harum certa temperie dependere, vt in particulari ex  
notabili alteratione secundum calorem non solum immi-  
nui, sed quantum cognosci potest ex cessatione effectuum  
Magneticorum, sine alijs adiunctis oppositum suadentibus,  
omnino deperdi possit: recuperata verò aliquomodo priori  
temperie possit actione alterius magnetici tam in ferro, quàm  
in Magnete, sed debilius in hoc ipso, aliquomodo recupera-  
ri, & retineri: immineatur pariter multum prævalente humi-  
do aqueo, vt tandem etiam omnino deperdatur.

Constat assertio, euidentibus experimentis, secundum que  
ferrum Magneticæ præaffectum, & ad effectus Magneticos  
sæpius adhibitum, ex valida per ignem alteratione ad eos  
redditur prorsus impotens; refrigeratum verò per nouam  
impressionem receptam ad eos iterum promptum redditur;  
similiter fragmentum Magnetis, similem alterationem passum  
ab igne, nullis effectibus magneticis aptum remanet, refrige-  
ratum aliquam ab alio Magnete virtutem ad eos exercēdos  
recipit; nunquam tamen expertus sum recepisse tantum, li-  
cēt à multo validiori, quantum ante talem incalēscētiā  
obtinebat. Similiter Magnetica ab aqueo humore in lutosis

locis defenta languescunt; immo lapides magnetes, ingenti licet mole præditi, solis ardoribus in æstate; pluuijs, & congelationibus in hyeme expositi, vix retinent aliquos effectus magneticos, vt vel ipsum æquilibratum versorium ferreum ad se languidè prouocent: ita expertus sum in Illua insula, quam de industria adij, & cum percuperem tentare, num aliqui adessent intra terram altius defossi, quod ex inspectione plurium extantium videbatur mihi valde probabile, vires, fossioresque percipienti defuerunt.

Scrutatus sum plura Magnetis albi, vt vocant, frustra, & apprehendi ea sola esse aliquomodo Magnetica, quæ aliquā venam nigri intercurrentem exhibent, qua extracta residuum, sicut quodlibet aliud ea destitutum nullum effectum Magneticum vel leuiter exhibet; adhærescentiam verò, per quam admota labro humido dependent, & ab eo agrè aliquomodo auelluntur, cōuenire passim multis mixtis terreis, quæ nullo modo inter magnetica computantur, neque propterea vllò habentur in pretio, vel vsu; quæ à me fideliter exposita aduerte; imperitorum verò fabulas, multò magis impiorum imposturas in ijs deuita.

## S E C T I O V.

*An & quomodo inter virtutes Magneticas  
exerceatur Oppositio ratione  
Directionum.*

**A** Ssero primò situationem intentam per vires Magneticas tanti esse in natura, vt, licet in omnibus alijs conueniant, tam prædicatis essentialibus, quàm proprietatibus inde consequentibus, ex sola diuersitate situationis exer-



*Oppositio ratione variae Directionis.* 173

eam tam oppositionem actiuiam, quàm formalem incommensurabilitatem in subiecto, & quidem maiorem, quàm inter qualitates corporum contrarias communiter asseratur.

Conuenientia in omnibus prædicatis essentialibus, & proprietatibus verè Magneticis constat ex supradictis.

Quantopere determinatio situs intendatur per virtutes Magneticas, constabit partim mox ex probatione tantæ oppositionis, quàm ratione illius exercent inter se; partim ex infradicendis de correspondentia, quam obtinent inter se prima Magnetica ad conuenientem dispositionem vniuersi.

Probatur oppositio asserta ex diuersitate situationis, primò quia ratione talis oppositionis, quando interuenit, vt sibi occurrant Magnetica secundum facies, & virtus Magnetica secundum eandem directionem non excurrat ab vno ad aliud, intra Sphæram actiuitatis Magneticæ, illa totis viribus auertuntur, & fugiunt ab inuicem, quæ eadem situatione virtutis in illis existente, totis viribus conuertuntur, & vniuntur inter se; Talis autem fuga non prouocatur nisi ex actione, secundum oppositionem situationis virtutis, exercita ad inuicem, vt probatur ex professo. Sec. VI.

Secundò quia ratione oppositionis in situatione tales virtutes se mutuo expellunt à subiecto, vt constat euidentibus experimentis. Si enim ferrum secundum certam suarum extremitatum directionem, incipiendo ab extremitate A. pergit ad extremitatem B. applicetur faciei Magnetis, quæ dirigitur in Septentrionem, ea immedatione, & mora, quæ sufficiat ad effectus Magneticos notabiliter exercendos, quæ ab eo, extra Sphæram magnetis remoto, secundum determinationem receptam exercentur; tum verò secundum eandem suarum extremitatum directionem ab A. in B. eodem modo applicetur faciei oppositæ, quæ dirigitur in Austrum, aut secundum oppositam directionem suarum extremitatum à B. in A. applicetur eidem faciei Magnetis, quæ diri-

dirigitur in Septentrionem, aperitè cognoscitur ex omnibus effectibus magneticis expulsum ab illo virtutem Magneticam, quæ illud constanter ex prima applicatione afficiebat, secundum talem directionem in illo ab A. in B. secundum quam sic determinatè exercebat effectus magneticos in illo, & introductam aliam, secundum oppositam directionem, excurrentem ab A. in B. & secundum illam opposito modo magneticè operantem in illo.

Aduerte primò in his experimentis capiendis, quod aliquando ex situ in secunda applicatione ferri ad Magnetem, & ex non sufficienti mora in tali applicatione, cognoscimus solum debilitatam virtutem magneticam, non autem omnino mutatam ex consequentibus, ex ea effectibus magneticis secundum eandem determinationem, secundum quã prius sequebantur, sed debilius: aliquando verò eadem facie se prodente in vtraque extremitatè ferri per effectus magneticos eosdem secundum vtramque exercitos, non est omnino expulsa virtus præcedens secundum suam directionem à toto, & in tali casu, si diligenter experiaris, inuenies faciem oppositam in intermedijs talis ferri reperiri.

Aduerte secundò applicationem secundam ferri vel ad faciem oppositam magnetis, secundum eandem sui dispositionem ab A. in B. vel ad eandem faciem secundum oppositam sui dispositionem, ab extremitatè B. in A. posse tam diligenter fieri, & ea mora, vt præcedens virtus secundum suam directionem omnino cesset, per introductionem nouæ secundum directionem oppositam; vt constabit, per novos effectus Magneticos, secundum talem directionem, de nouo introductam, tam, validè exercitos, quàm validè exercentur per primam applicationem, & impressionem illius, quando non præexistit opposita directio in tali subiecto.

Quod autem talis oppositio excedat alias communiter agnitas inter qualitates corporum, contrarias dictas.

Pro.

Probatur quia illa intra latitudinem octo graduum dictam se ita compatiuntur, ut in gradibus remissis, talem latitudinem integrantibus, simul existant; at verò debilis magnes in ferro, præaffecto ab alio debili, licet utrumque sit actuum infra medietatem latitudinis gradualis, cuius est capax qualitas magnetica, per suam actionem in directione opposita expellit virtutem præexistentem; immo intra talem mensuram actiuitatis potest à debiliore Magnete sequi actio, per quam minuatur ita virtus impressa ferro à fortiori, ut effectus Magnetici sequantur impressionem factam à debiliore; si saltem talis impressio vincat medietatem impressionis antefactæ à fortiori: quæ proportionaliter applicari possunt, ut militent, etiamsi diceremus dari qualitates medias in corporibus elementaribus, quæ aliquomodo referant mixturem contrariarum, in quibus secundum varium accessum ad extremas contrarias spectetur oppositio.

Assero secundo ratione oppositionis, quæ reperitur inter virtutes Magneticas ob diuersam situationem, quam obtinent in subiectis, & secundum quam illa ad oppositos terminos magneticos dirigunt, dari successionem in quacunque mutatione Magnetica, qua subiectum, affectum per directionem oppositam, debet de nouo recipere constantem impressionem; non verò in mutatione, qua aliquid ut purè medium afficiendum est, quodcumque illud sit.

Prima pars probatur, tum quia passim experimur requiri aliquam moram in approximatione subiecti capacis ad propagatum virtutis Magnetica, ut recipiat impressionem secundum effectus Magneticos consequentes; & eo maiorem quo magis fuit præaffectum in contraria directione; maxime; si tale propagatum pro tali distantia parum possit in assimilatione illius: ex his enim experimentis colligitur, quod ubi est apertissima præaffectio in subiecto per oppositam directionem, ibi requiritur sensibiliter mora ad recipien-



piendam mutationem internoscibilem per effectus oppositos, secundum nouam directionem consequentes, etiam si propagatiuum sit validum; pariter quod mora crescit ex maiori debilitate propagatiui.

His autem certò constantibus non irrationabiliter philosophamur, si in subiectis alioqui capacibus impressionis magneticæ constanter retinentiæ, in quibus minus aduertitur præaffectio sensibilis; est tamen notissimum multum tempus requiri, vt acquirant determinationem Magneticam per effectus magneticos manifestandam, dicamus præfuisse aliquam impressionem secundum oppositam directionem; licet ex debilitate minus obseruabilem; quamuis enim Sphæræ actiuitatis magneticæ ad ea valde debilitata pertingat, nihilominus nulla data in ipsis oppositione in tali genere, nulla esset ratio successione in mutatione facienda secundum illud; nec est difficile talia variè affici, cum semper præcedant variæ situationes illorum, saltem intra spheram radiorum magneticorum, qui diffunduntur à Terra, vt postea dicemus.

Secunda pars probatur, quia diuersæ directiones magneticæ in puro medio non exercent oppositionem; vt aperte colligitur ex propagatione radiorum magneticorum intra ipsa magnetica secundum oppositam directionem, non impediende directione, secundum quam virtus præsupponitur in illis & quò ea validior existit, tantò validiorem directionem oppositam deferunt radij retro facies propagati intra massam eiusdem magnetici.

Assero tertio existente in subiecto Magnetico non solum impressione virtutis magneticæ in opposita directione illi, quæ peruenit ad ipsum per radium propagationis ab alio magnetico; sed etiam ipsa forma, cuius est propria passio talis virtus, multo difficiliorem, & sic tardiozem reddi mutationem per impressionem contrariam, quæ debeat fieri

*Oppositio ratione variae Directionis.* 177

in ipso non ut purè medio ; nec successuram nisi à Magnético simpliciter validiori.

Prima pars probatur apertissimis experimentis , quibus constat in ferro, quantumvis à valido magnete receperit impressionem, secundum aliquam directionem virtutis Magneticæ, nihilominus, iuxta dicta, in probatione assertionis primæ, immutari virtutem secundum oppositam directionem, dum ipsum sic inuerso situ suarum extremitatum applicatur eidem polo Magnetis, vel in eodem situ illarum polo opposito ; ferrum autem ita est capax virtutis Magneticæ ab alio, ut formam in se magneticam, quæ sit in ipso principium aliquomodo productum illius, non obtineat. Constat verò in magnete (cuius formæ ut naturalis proprietas talis virtus deberi cognoscitur etiam ex hoc ) quantumvis applicetur à nobis alteri etiam fortiori, secundum oppositam directionem radios propaganti, non mutari virtutem secundum directionem, quæ præexistit in ipso, pro mora temporis à nobis obseruabili ; pro qua etiam diutius continuata, si notetur aliqua imminutio virtutis in magnete, constituto intra debiliorem sphaeram propagationis in opposita directione, non potest tibi constare, an ea euenierit ex mutatione facta in ipso secundum primas qualitates contrarias, iuxta dicta sectione præcedenti ; an per impressionem alicuius directionis magneticæ in situ opposito per huiusmodi radios, ad illum sic pertingentes.

Secunda pars, quatenus negat talem mutationem successuram a debiliori, Probatur, quia cum ex vna parte constet formam magnetis non se habere in tali mutatione, quæ dicatur fieri secundum directionem oppositam, ut se habet forma aquæ in calefactione, quæ a debiliori agente compatitur imminutionem notabilem ; & multò maiorem à fortiori, suæ conaturalis frigiditatis, quàm ijs remotis sibi reparat, ex-

Z.

pulso calore violenter ab ijs introducto: nam, alio magnetē, propagatiuo virtutis secundum oppositam directionem, illi approximato, non experimur similem in eo immutationem notabilem fieri, nec eo remoto imminutam virtutem secundum priorem directionem reparari: ex alia parte ex ante dictis constat vi formæ magneticæ, cui sit connexa aliquo modo connaturaliter virtus secundum talem directionem, exerceri resistantiam respectu præsentis propagatiui illius in opposita directione, qualis non exercetur à forma ferri, quod se habet merè passiuè ad recipiendam impressionem illius ab extrinseco sic facilè mutabilem ab alio propagatiuo eiusdem secundum oppositam directionem; videtur sequi talem resistantiam exerceri ab ipsa, concurrente ad conseruationem virtutis præhabitæ in sui generatione secundum talem directionem, contra virtutem talis propagatiui in opposita directione, intra cuius Sphæram actiuitatis existat; quare cum ipsa respectu debilis actiui in oppositum sit potentior melius applicata, iure suo poterit illi præualere.

Confirmabitur ex dicendis pro eadem secunda parte, vt affirmatiua.

Hic aduerte primario fini virtutis magneticæ, (de quo dicemus infra, cum de correspondētia inter Terram, & primum Magneticum in Vniuerso,) valde cōuenire conseruationem virtutis in prima directione, secundum quam à prima sui connaturalis subiecti productione existit in illo; cōtra verò primario fini elementorum, & congruenti dispositioni Vniuersi in Mixtis ex illis, conuenit facilitas mutationis qualitarum contrariarum in perfectione, secundum quam suis subiectis ratione propriarum formarum sunt connaturales.

Eadem secunda pars, quatenus affirmat talem mutationē esse possibīlē à potentiori, Probat, quia eam esse possibilem videtur constare ex fuga directā, quam Magnes exercet iux-



ta mensuram suæ virtutis, à radio propagationis alterius in contraria directione, etiam cum non potest simili fuga vilo modo accedere termino, ad quem, sibi congruenti, vel quærere situm sibi aliunde conuenientem; vt euenit in conuolutione, qua dum refugit contrariam directionem, disponitur ad congruentem; quæ proinde motio illi sufficeret, si non posset pati ab opposita directione, quam determinate, vitat supradictâ fugâ; cum ergo possibilis sit dicta mutatio non potest denegari potentiori, quantacumque tarditate fiat.

Dices hinc sequi in Magnete non debere exerceri fugam, per quam directè recedat à propagatione virtutis Magneticæ secundum oppositam directionem, nisi cum illa defertur in radio potentiori; cum solum pati possit ab illo.

Verum cum Sphæra actiuitatis potentioris, secundum contrariam directionem radios propagantis, sit quidem in maiori distantia debilior, per maiorem tamen approximationem ad propagatiuum inualescat, & tanti sit, iuxta supra indicata, conseruatio situationis Magnetrici, in qua per impressionem in sua productione constitutum est; iure virtuti Magnetricæ naturâ suâ tributa est auersio, qua fugam exerceat à radio deferente directionem contrariam licet debiliorem, vt hoc modo tutiùs seruetur Magneticum à deferente fortiorem, quando immineret.

Affero quartò duobus propagatiuis secundum oppositam directionem eidem subiecto capaci applicatis, sicut duobus polis eiusdem Magnetrici, secundum radios deferentes oppositam directionem, in idem ferrum approximatam per alteram sui extremitatem directè ad æquinocbialem illius, sequi propagationem secundum vtramque directionem, & vtramque simul in subiecto permanere; licet si vna earum, præcessisset, accedente propagatio secundum oppositam, per superuenientem ea fuisset expulsa.

Prima pars probatur, quia iam aliundè satis constat admittendas esse virtutes Magneticas in situ opposito eidem subiecto impressas, & se vicissim à dictis effectibus magneticis impediētes: si enim subiectum capax impressionis magneticæ accedat per aliquam sui extremitatem ad aliquem polum magnetis, & ab eo recipiat virtutem, per notos effectus magneticos in ipso, remoto etiam Magnete, manifestā, potest per aliud sui extremum præcedenti oppositum, ita accedere ad polum in aliquo Magnete similem supradicto, ut post talem accessum stupeat ad effectus magneticos, quos, ante hunc secundum accessum, tam promptè exercebat, quod non potest evenire, nisi ex mutatione in tali subiecto facta à polo Magnetis simili, cui per tale oppositum extremū sui illud accessit: sed nullum agens naturale potest habere causationem in aliud, quæ directè, immò præcisè tendat in non esse formæ præexistentis in illo; sed necessariò omnis eius actio circa subiectum est ad esse alicuius formæ in illo, quæ si sit incompossibilis præcedenti, ea cessante, ipsa persistit in subiecto; ac proinde à tali polo simili Magnetis, cui per oppositum extremum subiectum capax secundò accessit, non potest esse mutatio in illo per non esse formæ Magneticæ præcedentis, nisi per inductionem alterius illi incompossibilis, quæ, cessante præcedente, sola remaneret in illo soluta ab omni impedimento exercēdi effectus Magneticos sibi proportionatos, quod cum clars experimentis deprehendetur falsum, effectibus formæ Magneticæ secundum alterutram directionem in tali subiecto, post huiusmodi secundum accessum, non se prodentibus, necessariò asserendum, per duplicem accessum subiecti capacis secundum oppositas extremitates sui ad polum Magnetis eiusdem faciei, impressam esse virtutem secundum oppositas in illo directiones geminatam; & ita, secundum oppositas inclinationes, effectibus Magneticis, qui non nisi secundum certam deter-

natio-

*Oppositio ratione variae Directionis.* 181

nationem exhiberi possunt, obstantem.

Secundò, quia esto in tali statu neutra alteri præualeat, non sunt omnino frustra in natura; nam potest alterutra, ipsarum per accessum validioris magnetis, vel ex diuturna, persistentia intra Sphæram actiuitatis magneticæ affecti in situ sibi conformi, sed difformi ab alia secum existente, iuari ad præualendum illi, & ad effectus magneticos excessui super illam proportionatos exhibendos.

Secunda pars probatur, quia experimentis apertissimis constat, posita qualibet impressione ab aliquo propagante, si accedat de nouo propagantium in directione opposita, per impressionem oppositam semper illam minui, vel etiam omnino tolli perseverante applicatione; ergò illa quæ simul manet, dum simul cum oppositâ inducta est, si præcessisset in tali subiecto producta ab aliquo simul propagantium, ab altero illorum postea applicato, fuisset expulsa.

Ratio huius diuersitatis est, quia quando duo opposita sunt æquè applicata, & agunt quantum possunt, si neutrum per talem impressionem relinquit subiectum omnino sibi amicum, saltem efficit, ut non magis sit sibi inimicum, quam congenium, & sic æqualiter saltem illud habeat ita in situ conuenienti, sicut in disconuenienti; at quando subiectum habet in se vnâ præcisè directionem ex illis, tunc Magnetico, accedenti secundum oppositam, est prorsus incongruum in situ, & inimicum in directione: quare iure per actionem illius impetitur, donec expulsa virtute, secundum quam in directione opponebatur, per introductionem similis fiat illi congruum.



## SECTIO VI.

*De fine proximo motionum, et consistentiarum,  
quæ per virtutem Magneticam determi-  
natè in Magneticis exercentur.*

**A**Ssero primò Magnetica, in aëre suspensa, vel humido crassiori innatantia, quando sunt in certa proximitate ad inuicem, nunquam consistere in situ determinato suarum facierum ad aliud magneticum, nisi facies dissimilis cōuerfa sit ad dissimilem; quoties autem similis ad similem conuerfa est, semper fieri motum, quo talis situatio mutetur; & si à mutatione per conuolutionem, quæ facilior est, impediuntur, ea agitari, vt quantum possunt ab inuicem recedat; sicut pariter, quando secundum facies dissimiles se respicientia, cessant à conuolutione, agitantur, vt accedant secundum illas quantum possunt ad inuicem: Aucta verò distantia inter illas eò deueniri, vt moto quomodocumque altero, alterum quiescat, & in qualibet ad inuicem situatione indifferenter consistent.

Tota assertio facillimis, & notissimis experimentis certò constat.

Assero secundò istas moriones, & consistentias pro tali proximitate inter Magnetica exerceri, quia per virtutem Magneticam, quam habent, inclinantur ad recipiendam similem propagatam ab alio in eadem directione, secundum quam ipsa sunt præaffecta; sic enim melius perficiuntur, & conseruantur secundum illam ad effectus magneticos illi proportionatos: auersantur autem affici secundum directionem contrariam, quia opposita sibi proueniunt ex illa.

Con-

*De Fine proximo Motus, & Consist: 183*

Constat hæc assertio Primò, quia ex vna parte certum est tales motiones, & consistentias exerceri ad aliud magneticum; intra Sphæram actiuitatis illius; nam pro eadē distantia subiecta capacia non præaffecta recipiunt virtutem magneticam ab illo, quam produnt notis experimētis; quod infra probabimus verificari etiam de distantia, in qua Magnetica affecta exercent motiones, & consistentias sibi proportionatas ad polos Terræ.

Ex alia parte certum est ex supradictis radios propagationis à magneticis provenientes, secundum directionem virtutis præexistentis in illis, non posse conformari directioni, secundum quam existit in alijs, nisi cum facies dissimiles se mutuo respiciunt; opponi verò, cum similes ad inuicem conuertuntur.

Secundò; quia, vt supra probauimus, virtus à Magnetico in Magneticum contraria directione propagata non solum debilitat effectus ei proportionatos, sed aliquando reddit velut nullos; iuuat autem, & promouet, cum est in simili directione; Tantaque est auersio Magnetici, ad recipiendam virtutem in directione opposita, vt pars e latere Magnetis auulsa, occurrens huic oppositæ directioni in radio, à faciebus illius retro propagato, se conuertat in oppositum, mutando situm, quem habebat in suo toto; & vt se conformet directioni virtutis, quam recipit in radijs ad se à polis propagatis, discordat à directione, secundum quam virtus disponitur in suo toto.

Tertiò; quia distantia inter duos Magnetes, vel Magnetē, & ferrum tandem excedunt Sphæram actiuitatis magneticæ, & in tali remotione ad quamlibet situationem indifferenter se habent, quantum spectat ad dispositionem virtutis Magneticæ in se, cum nulla eis, quantum spectat ad illam, prosit, nulla noceat.

Asserto tertiò motiones conuersionis, & accessus, pariter con-

consistentias determinatas inter magnetica conuenienter proxima, & non impedita, exerceri ad inuicem, utroque alterum prouocante, per diffusionem virtutis Magneticae in directione simili ei, secundum quam praefectum est alterum: sed utroque ad alterum conuerso, vel accedente, vel consistente, per vim Magneticam, quam intrinsecè possidet; & secundum quam melius se habet sic conuersum, vel accedens, vel consistens ad alterum in simili directione diffusiuum. Quod si vnum sit intra Sphaeram actiuitatis alterius, & non è contra, ob debilitatem virtutis Magneticae, ipsu consistet ad alterum; non sic alterum ad ipsum.

Assero quartò auersiones & recessus inter Magnetica conuenienter proxima, & non impedita exerceri, utroque alterum prouocante, per diffusionem virtutis Magneticae in directione opposita ei, secundum quam praefectum est alterum; sed vtrumque ab altero auerti vel recedere per vim Magneticam, quam habet in se, & secundum quam malè, aut peius se haberet, nisi per auersionem, & recessum ab altero mutaret, quantum potest, talem situationem; quod si alteru sit intra Sphaeram diffusionis virtutis ab alio secundum directionem oppositam, non sic aliud; in altero fierent motus auersionis, vel recessus, & non vicissim in opposito.

Utraque assertio est cohaerens praedictis, & ex praedictis probatur, sicut ex utraque melius explicantur, & confirmantur, quae praedicta sunt. Colligitur autem ex his ferrum nullam habere determinatam consistentiam, conuersionem, vel approximationem ad corpus Magneticè affectum, nisi ut praefectum virtute magnetica ab illo, seu ab alio huiusmodi; immò ex ijs, quae habet de se independentè à Magneticis, tales motiones, & consistentias potius impediri; cum communiter exerceantur contra inclinationes suae naturae grauis, & extra Sphaeram actiuitatis Magnetici nullo modo in eo se prodant; quòdo autem intra Sphaeram actiuitatis illius existens,



stens, affectum est vi Magnetica, non nisi secundum mensuram impressionis illius exercentur. Quod enim de ferro dixit aliquis, quod natura sua, ante omnem impressionem Magneticam, habeat virtutem vnius faciei, secundum quam iuxta differentiam positionis deorsum, vel sursum alliciat, vel fuget magneticè affecta, fictitium est, & assertum ex ignoratione impressionis, quam variè recipit ferrum oblongum, à radio Magnetico per Terræ polum ad ipsum pro alia, & alia situatione ipsius variè propagato, vt infra ostēdemus agentes de vi Magnetica in Terra existente.

Porro ferrum magneticè præaffectum vicissim prouocat ad se Magnetem, sicut Magnes prouocat illud, & vnūquodque ad aliud mouetur, vel consistit, vel ab alio remouetur, ex vi magnetica sic motiua, & sistitiua, quā habet in se, posita tali prouocatione ab alio, per diffusionem virtutis magneticæ in tali directione. Atque in hoc sensu explicanda sunt vocabula attractionis, & repulsionis, quæ in hac materia vsus inuexit.

## *S E C T I O V I I.*

*An virtus Magnetica sit proximè ad retinendam, vel faciendam conuenientem unitarum partium dispositionem in toto Magnetico; an verò ad disponenda tota Magnetica inter se.*

**A** Sfero primò virtutem magneticam neque vt actiuam, neque vt motiuam, & sistitiuam esse proximè ordinatam ad dispositionem conuenientem peculiariter partibus in toto Magnetico, neque ad faciendum vnum ex pluribus Magneticis vt partibus integratum.

Prima pars probatur, quia talis virtus, ut actiua collata ad partes intra totum, in quo reperitur, male disponit illas, secundum directionem magneticam; cum non sit in toto Magnetico actiua, nisi secundum signabilia in faciebus oppositis illius, per quæ radios intra massam post illas propagat in directione prorsus oppositâ ei, quam partes iam obtinent in illo, ad quam directionem oppositam vitandam omnis auersio, & fuga Magnetica proximè dirigitur, ut constet ex dictis.

Pariter secundum radios propagationis magneticæ male afficit, ut plurimum, partes separatas à toto, quia in omni situ circa totum, præterquam è regione facierum, aut afficiendo in contraria directione fugat illas, aut si ad vitandam directionem contrariam inuersas allicit, ut accedant in directione, quam sibi conformem inueniunt in radio propagationis, copulantur reliquis partibus secundum directionem prorsus contrariam ei, per quam aliæ partes disponuntur in toto; immo ei quam in illo cum alijs supradictis obtinebat, ut constet ex dictis de parte è latere Magnetis auulsa, & non nisi in situ opposito ei, in quo erat vnita, ad illud accedente.

Ex quo sequitur, quod si totum Magneticum esset in globum conformatum, vis Magnetica partes ab eo auulsa, non solum non dirigit ad convenientem dispositionem totius, sed vel in directione Magnetica confunderet, vel rite disponendo, secundum illam, ante facies totius accedentes disponendo, figuram globi prorsus oppositam ordinaret.

Secunda Pars probatur, quia vis Magnetica, ut sistitiua, & motiua, separationi partium à toto non resistit, & separatas æquè dirigit ad aliud totum, ac ad illud, à quo diuulsæ sunt; & dum dirigit ad illud, non minus eas applicat ad latus, cui accedunt in situ Magnetico difformi à partibus proximis, & à toto, quam ad faciem, cui accedunt in situ conformi.

*Nō Part in Toto; sed Tota inter se disponit. 187*

Conuincitur autem non resistere partium separationi à toto, vt sistitiua est, quia præter id quod præstant continuatio, & durities in alijs similibus corporibus non magneticis, ipsa, vt talis, non exercet persistentiam Magnetici in aliquo situ, nisi in eo illud se habeat melius secundum dispositionē virtutis huiusmodi, quam obtinet in se; sed pars in toto afficitur à radijs retro facies propagatis prorsus in situ difformi; vnde cum primū est soluta aliquomodo à lateribus Magnetici, & se ex inclinatione intrinseca virtutis Magneticæ; quam obtinet, situare potest, refugit à situ, quem tenebat cum partibus reliquis in toto, præcisè vt vtet talem receptionem virtutis in situ difformi à dictis radijs, à quibus sic etiam affici batur alligata per talem continuationem cum reliquis in toto. Quod euidenter ostendit talem dispositionē non potuisse in toto ante ex vi virtutis magneticæ causari; & virtutem magneticam, pariter vt motiuam, vt plurimū cooperari separationi partium in toto; vel cum per eam accedūt ad totum in situ opposito tali toti, & partibus existentibus in illo, tunc se habent potius vt tota de se magnetica in proprium bonum se mouentia, quam vt partes conuenienter dispositioni talis totius, & talium compartium accedentes, vt patet.

Tertia Pars probatur infra in fine Sect: contra secundam instantiam.

Assero secundō virtutem Magneticam ex suis intrinsecis esse proximè ad disponenda inter se ipsa tota Magnetica; vt conuenienter procedat affectio Magnetica saltem ab vno ad aliud.

Probatur, quia vt actiua non agit per se in situ conformi, nisi ad aliud totum magneticum, quod ad illam sic excipendam se conuenienter offert, vel in aliud capax recipiendæ primò impressiois Magneticæ ab ipso; At verò vt motiua in suo subiecto nullum actum secundū sic iustendi, vel mouendi



ipsum exercet nisi ad aliud totum magneticum, sic diffusiuū virtutis Magneticæ ad ipsum sistit en m, vel  $\frac{1}{2}$  approximat quantum potest ad diffusiuum virtutis Magneticæ in directione conformi ei, secundum quam ipsum præaffectum est; remouet à diffusiuo in contraria directione, vt constat ex supra probatis, & experimenta, quæ capere possumus, passim confirmant.

Quod si dicas primò virtutem Magneticam vt actiuam, & motiuam ista ipsa exercere in subiecto Magnetico, quòd fuit pars totius Magnetici, & quidem ad ipsum totum, cuius fuit pars, si ad facies illius collocetur. Aduerte ista non per se conuenire parti, vt pars est Magnetici; cum euidentè constet ex dictis pro prima assertionem partibus Magnetici opposita communiter conuenire ex vi virtutis Magneticæ, sed quando conueniunt, conuenire similiter cum alijs totis Magneticis, quæ prædicta exercent ad idem, cuius nunquam fuerunt partes, & in ijs præstandis nullum munus exercere, quod ipsi vt parti talis totius peculiariter debeatur.

Quod si dicas secundò virtutem magneticam per se inclinare ad faciendum vnum totum, ex pluribus Magneticis conuenienter dispositum, etiam quando in ijs, quæ videntur esse quædam tota de se, exercet actus secundos motionis, vel consistentiæ Magneticæ; nam ablatis impedimentis ea conuoluit, vt in directione magnetica conformi se respiciant, & sic disposita mouet ad mutuum occursum, & in maxima, quam potest proximitate copulat, & retinet sic in eadem directione conuenientia.

I. Aduerte, quod si hoc verum esset, primò ea per se moueret vt secundum facies directè conuenirept, & ad facies exercerent determinatè consistentiam, nec causaret in ijs accessum etiam ad latera, nec ad latera exerceret fortissimè consistentiam, in quo situ vis magnetica in ipsis contraria prorsus inuicem directione disponitur,

II. Non caufaret in ijs motum recessus à contraria directione, nisi vt simul, & semel ad conuenientem accederet, per quam sic fieret vnum ex pluribus modo dicto, quod tamen expresse constat esse falsum; cum magnetica à fuga faciliore contrariæ directionis, secundum quam inconuenienter afficiuntur ab alio, intra cuius Sphæram actiuitatis sunt constituta, quæ fit per conuolutionem, qua simul obtinent accessum ad perfectionem in conuenienti directione, fugiunt recta, nihil obtinere valentia per talem multò maiorem motum totius Magnetici, nisi vt à contraria directione recedat, & à tali Magnetico, sic inconuenienter afficiente, remoueatur, donec quantum possunt, fiant extra Sphæram actiuitatis eius.

Quare is dicendus est esse finis per se proximus consistentiarum, & motionum magneticarum, ad quem vis Magnetica proximè per se suum subiectum inclinat, qui semper quæritur proximè per illas; semper autem per accessus, & conuersiones Magneticas quæritur situs, in quo subiectum Magneticum secundum talem directionem, secundum quam affectum est, conuenienter afficiatur per propagationem virtutis in simili directione ab alio; siue deinde dum sic accedit, vt perficiatur ab alio, conueniat cum illo in eadem directione virtutis, siue ab illo prorsus in directione opposita discordet, vt euenit in omni accessu, & in consistentia, quæ solet esse fortissima ad latera, vt supra exemplificauimus in partibus è lateribus Magnetis auulsis, & ad locum priorem, non nisi in contraria toti, & reliquis partibus directione accedentibus, dum per talem accessum, & consistentiam, se accomodant, vt perficiantur conuenienter à radijs, sic à polis Magnetis propagatis. Semper per Magneticos recessus in directum quæritur situs extra Sphæram actiuitatis alterius, à quo afficiebatur subiectum, sic magneticè recedens, in contraria directione.

Quod

Quod si Magnetica vi prædictum recipiat hinc inde radios secundum directionem suæ conuenientem, æqualiter ad se, vel à duobus polis vnus Magnetici, vel à duobus Magnetici propagatos, non inclinatur per eam moueri accedendo ad alterutrum, sed consistere in tali situ sic remoto ab utroque.

Dixi in fine assertionis, ut saltem ab vno ad aliud conuenienter procedat affectio Magnetica; quia fieri potest, ut debilius magneticum sit intra Sphæram actiuitatis fortioris, non è contra; in quo casu vis Magnetica motiones, & consistentias exercebit in debiliori ad fortius; non verò in fortiori ad debilius.

In his duabus Sectionibus peculiariter agendum proposui, & determinari quid sit sentiendum de fine proximo operationum Magneticarum, quia secundum illum determinatè comparantur ut Magnetica; quod si alias habeant conditiones per se quæsitæ in naturali corporum dispositione,

& conuenientes fini Vniuersi, possunt sic congruentia illis ulterius procurari per actus secundos propri-

os virtutis Magneticæ, ut conuenienter di-

sponantur, & pro sua indigentia, et or-

dinatione perficiantur, quæ sic

magnetica sunt; ad finem in-

tentum ab Authore V-

niuersi, ut melius

constabit ex

dicen-

dis.





## S E C T I O   V I I I .

*An Terræ globus habeat in se virtutem  
Magneticam, et quomodo.*

**A** Sfero primò Terræ globum habere in se virtutem magneticam, & quidem secundum determinationem polorum in Septentrionem, & Austrum.

Probatur vnico argumento, quia conuincitur experimentis radios Magneticos ab illo secundum dictos polos propagari; ergò, iuxta supra offensa, secundum determinationem dictorum polorum habet virtutem magneticam in se. Antecedens constat.

Primò quia Terra per huiusmodi propagationem à suis polis diffusam imprimit subiectis capacibus principium operationum magneticarum, quod aliqua constanter retinent, & exhibent secundum certam determinationem in se, & correspondentiam cum alijs magneticis; vt statim experiri poteris applicato versorio per Magnetem affecto, tum ad extremitates ferri, quod secundum directionem in Septentrionem & Austrum, tundente post ignitionem malleo, sit productum in longum, & in eadem directione refrigeratum, explorando oppositas facies in illis; tum facilius applicato ad extremitates ferreorum, quorum diu perseuerauit erectio, siue in clatris fenestrarum, siue ad alios vsus in domibus, & officinis, certa sui extremitate sursum erecta, opposita depressa.

Alia verò sicut facillimè concipiunt tale principium, & statim exhibent per certam directionem in sui extremitatibus, posita tali situatione suæ longitudinis versus Terræ polum;

## S E C T I O V I.

*De fine proximo motionum, et consistentiarum,  
quæ per virtutem Magneticam determi-  
natè in Magneticis exercentur.*

**A** Ssero primò Magnetica, in aëre suspensa, vel humido crassiori innatantia, quando sunt in certa proximitate ad inuicem, nunquam consistere in situ determinato suarum facierum ad aliud magneticum, nisi facies dissimilis conuersa sit ad dissimilem; quoties autem similis ad similem conuersa est, semper fieri motum, quo talis situatio mutetur; & si à mutatione per conuolutionem, quæ facilior est, impediuntur, ea agitari, vt quantum possunt ab inuicem recedant; sicut pariter, quando secundum facies dissimiles se respicientia, cessant à conuolutione, agitantur, vt accedant secundum illas quantum possunt ad inuicem: Aucta verò distantia inter illa eò deueniri, vt moto quomodocumque altero, alterum quiescat, & in qualibet ad inuicem situatione indifferenter consistent.

Tota assertio facillimis, & notissimis experimentis certò constat.

Assero secundò istas motiones, & consistentias pro tali proximitate inter Magnetica exerceri, quia per virtutem Magneticam, quam habent, inclinantur ad recipiendam similem propagatam ab alio in eadem directione, secundum quam ipsa sunt præaffecta; sic enim melius perficiuntur, & conseruantur secundum illam ad effectus magneticos illi proportionatos: auersantur autem affici secundum directionem contrariam, quia opposita sibi proueniunt ex illa.

Con-

*De Fine proximo Motus, & Constit: 183*

Constat hæc assertio Primò, quia ex vna parte certum est tales motiones, & consistentias exerceri ad aliud magneticum; intra Sphæram actiuitatis illius; nam pro eadē distantia subiecta capacia non præaffecta recipiunt virtutem magneticam ab illo, quam produnt notis experimētis; quod infra probabimus verificari etiam de distantia, in qua Magnetica affecta exercent motiones, & consistentias sibi proportionatas ad polos Terræ.

Ex alia parte certum est ex supradictis radios propagationis à magneticis prouenientes, secundum directionem virtutis præexistentis in illis, non posse conformari directioni, secundum quam existit in alijs, nisi cum facies dissimiles se mutuo respiciunt; opponi verò, cum similes ad inuicem conuertuntur.

Secundò; quia, vt supra probauimus, virtus à Magnetico in Magneticum contraria directione propagata non solum debilitat effectus ei proportionatos, sed aliquando reddit velut nullos; iuuat autem, & promouet, cum est in simili directione; Tantaque est auersio Magnetici, ad recipiendam virtutem in directione opposita, vt pars e latere Magnetis auulsa, occurrens huic oppositæ directioni in radio, à faciebus illius retro propagato, se conuertat in oppositum, mutando situm, quem habebat in suo toto; & vt se conformet directioni virtutis, quam recipit in radijs ad se à polis propagatis, discordat à directione, secundum quam virtus disponitur in suo toto.

Tertiò; quia distantia inter duos Magnetes, vel Magnetē, & ferrum tandem excedunt Sphæram actiuitatis magneticę, & in tali remotione ad quamlibet situationem indifferenter se habent, quantum spectat ad dispositionem virtutis Magneticę in se, cum nulla eis, quantum spectat ad illam, prosit, nulla noceat.

Asserto tertiò motiones conuersionis, & accessus, pariter con-



stans, affectum est vi Magnetica, non nisi secundum mensuram impressionis illius exerceantur. Quod enim de ferro dixit aliquis, quod natura sua, ante omnem impressionem Magneticam, habeat virtutem vnius faciei, secundum quam iuxta differentiam positionis deorsum, vel sursum alliciat, vel fuget magneticè affecta, fictitium est, & assertum ex ignorantia impressionis, quam variè recipit ferrum oblongum, à radio Magnetico per Terræ polum ad ipsum pro alia, & alia situatione ipsius variè propagato, vt infra ostēdemus agentes de vi Magnetica in Terra existente.

Porro ferrum magneticè præaffectum vicissim prouocat ad se Magnetem, sicut Magnes prouocat illud, & vnūquodque ad aliud mouetur, vel consistit, vel ab alio remouetur, ex vi magnetica sic motiua, & sistitiua, quā habet in se, posita tali prouocatione ab alio, per diffusionem virtutis magneticæ in tali directione. Atque in hoc sensu explicanda sunt vocabula attractionis, & repulsionis, quæ in hac materia vsus inuexit.

## *S E C T I O V I I.*

*An virtus Magnetica sit proximè ad retinendam, vel faciendam conuenientem unitarum partium dispositionem in toto Magnetico; an verò ad disponenda tota Magnetica inter se.*

**A** Sfero primò virtutem magneticam neque vt actiuam, neque vt motiuam; & sistitiuam esse proximè ordinatam ad dispositionem conuenientem peculiariter partibus in toto Magnetico, neque ad faciendum vnum ex pluribus Magneticis vt partibus integratum.

Prima pars probatur, quia talis virtus, ut actiua collata ad partes intra totum, in quo reperitur, male disponit illas, secundum directionem magneticam; cum non sit in toto Magnetico actiua, nisi secundum signabilia in faciebus oppositis illius, per quæ radios intra massam post illas propagat in directione prorsus oppositæ ei, quam partes iam obtinent in illo, ad quam directionem oppositam vitandam omnis auersio, & fuga Magnetica proximè dirigitur, ut constet ex dictis.

Pariter secundum radios propagationis magneticæ male afficit, ut plurimum, partes separatas à toto, quia in omni situ circa totum, præterquam è regione facierum, aut afficiendo in contraria directione fugat illas, aut si ad vitandam directionem contrariam inuersas allicit, ut accedant in directione, quam sibi conformem inueniunt in radio propagationis, copulantur reliquis partibus secundum directionem prorsus contrariam ei, per quam aliæ partes disponuntur in toto; immo ei quam in illo cum alijs supradictis obtinebat, ut constet ex dictis de parte è latere Magnetis auulsa, & non nisi in situ opposito ei, in quo erat vnita, ad illud accedente.

Ex quo sequitur, quod si totum Magneticum esset in globo conformatum, vis Magnetica partes ab eo auulsas, non solum non dirigeret ad conuenientem dispositionem totius, sed vel in directione Magnetica confunderet, vel rite disponendo, secundum illam, ante facies totius accedentes disponendo, figuram globo prorsus oppositam ordinaret.

Secunda Pars probatur, quia vis Magnetica, ut sistitiua, & motiua, separationi partium à toto non resistit, & separatas æquè dirigit ad aliud totum, ac ad illud, à quo diuulsæ sunt; & dum dirigit ad illud, non minus eas applicat ad latus, cui accedunt in situ Magnetico difformi à partibus proximis, & à toto, quam ad faciem, cui accedunt in situ conformi.

Con-

*No Part in Toto; sed Tota inter se disponit.* 187

Conuincitur autem non resistere partium separationi à toto, vt sibi iua est, quia præter id quod præstant continuatio, & durities in alijs similibus corporibus non magneticis, ipsa, vt talis, non exercet persistentiam Magnetici in aliquo situ, nisi in eo illud se habeat melius secundum dispositionē virtutis huiusmodi, quam obtinet in se; sed pars in toto afficitur à radijs retro facies propagatis prorsus in situ difformi; vnde cum primū est soluta aliquomodo à lateribus Magnetici, & se ex inclinatione intrinseca virtutis Magneticæ, quam obtinet, situare potest, refugit à situ, quem tenebat cum partibus reliquis in toto, præcisè vt vtet talem receptionem virtutis in situ difformi à dictis radijs, à quibus sic etiam affici batur alligata per talem continuationem cum reliquis in toto. Quod euidenter ostendit talem dispositionē non potuisse in toto ante ex vi virtutis magneticæ causari; & virtutem magneticam, pariter vt motiuam, vt plurimū cooperari separationi partium in toto; vel cum per eam accedūt ad totum in situ opposito tali toti, & partibus existentibus in illo, tunc se habent potius vt rota de se magnetica in proprium bonum se mouentia, quam vt partes conuenienter dispositioni talis totius, & talium compartium accedentes, vt patet.

Tertia Pars probatur infra in fine Sect: contra secundam instantiam.

Afferō secundō virtutem Magneticam ex suis intrinsecis esse proximè ad disponenda inter se ipsa tota Magnetica; vt conuenienter procedat affectio Magnetica saltem ab vno ad aliud.

Probat, quia vt actiua non agit per se in situ conformi, nisi ad aliud totum magneticum, quod ad illam sic excipendum se conuenienter offert, vel in aliud capax recipiendæ primò impressiois Magneticæ ab ipso; At verò vt motiua in suo subiecto nullum actum secundū sic intendi, vel mouendi



ipsum exercet nisi ad aliud totum magneticum, sic diffusiuū virtutis Magneticæ ad ipsum sistit enim, vel  $\dagger$  approximat quantum potest ad diffusiuum virtutis Magneticæ in directione conformi ei, secundum quam ipsum præaffectum est; remouet à diffusiuo in contraria directione, vt constat ex supra probatis, & experimenta, quæ capere possumus, passim confirmant.

Quod si dicas primò virtutem Magneticam vt actiuam, & motiuam ista ipsa exercere in subiecto Magnetico, quòd fuit pars totius Magnetici, & quidem ad ipsum totum, cuius fuit pars, si ad facies illius collocetur. Aduerte ista non per se conuenire parti, vt pars est Magnetici; cum euidentè constet ex dictis pro prima assertionem partibus Magnetici opposita communiter conuenire ex vi virtutis Magneticæ, sed quando conueniunt, conuenire similiter cum alijs totis Magneticis, quæ prædicta exercent ad idem, cuius nunquam fuerunt partes, & in ijs præstandis nullum munus exercere, quod ipsi vt parti talis totius peculiariter debeat.

Quod si dicas secundò virtutem magneticam per se inclinare ad faciendum vnum totum, ex pluribus Magneticis conuenienter dispositum, etiam quando in ijs, quæ videntur esse quædam tota de se, exercet actus secundos motionis, vel consistentiæ Magneticæ; nam ablatis impedimentis ea conuoluit, vt in directione magnetica conformi se respiciant, & sic disposita mouet ad mutuum occursum, & in maxima, quam potest proximitate copulat, & retinet sic in eadem directione conuenientia.

I. Aduerte, quod si hoc verum esset, primò ea per se moueret vt secundum facies directè conuenirent, & ad facies exercerent determinatè consistentiam, nec causaret in ijs accessum etiam ad latera, nec ad latera exerceret fortissimè consistentiam, in quo situ vis magnetica in ipsis contraria prorsus inuicem directione disponitur,

II. Non caufaret in ijs motum recessus à contraria directione, nisi vt simul, & semel ad conuenientem accederet, per quam sic fieret vnum ex pluribus modo dicto, quod tamen expresse constat esse falsum; cum magnetica à fuga faciliore contrariæ directionis, secundum quam inconuenienter afficiuntur ab alio, intra cuius Sphæram actiuitatis sunt constituta, quæ fit per conuolutionem, qua simul obtinent accessum ad perfectionem in conuenienti directione, fugit recta, nihil obtinere valentia per talem multò maiorem motum totius Magnetici, nisi vt à contraria directione recedat, & à tali Magnetico, sic inconuenienter afficiente, remoueat, donec quantum possunt, fiant extra Sphæram actiuitatis eius.

Quare is dicendus est esse finis per se proximus consistentiarum, & motionum magneticarum, ad quem vis Magnetica proximè per se suum subiectum inclinat, qui semper quæritur proximè per illas; semper autem per accessus, & conuersiones Magneticas quæritur situs, in quo subiectum Magneticum secundum talem directionem, secundum quam affectum est, conuenienter afficiatur per propagationem virtutis in simili directione ab alio; siue deinde dum sic accedit, vt perficiatur ab alio, conueniat cum illo in eadem directione virtutis, siue ab illo prorsus in directione opposita discordet, vt euenit in omni accessu, & in consistentia, quæ solet esse fortissima ad latera, vt supra exemplificauimus in partibus è lateribus Magnetis auulsis, & ad locum priorem, non nisi in contraria toti, & reliquis partibus directione accedentibus, dum per talem accessum, & consistentiam, se acomodant, vt perficiantur conuenienter à radijs, sic à polis Magnetis propagatis. Semper per Magneticos recessus in directum quæritur situs extra Sphæram actiuitatis alterius, à quo afficiebatur subiectum, sic magneticè recedens, in contraria directione.

Quod

Quod si Magnetica vi præditum recipiat hinc inde radios secundum directionem suam conuenientem, æqualiter ad se, vel à duobus polis vnus Magnetici, vel à duobus Magneticis propagatos, non inclinatur per eam moueri accedendo ad alterutrum, sed consistere in tali situ sic remoto ab utroque.

Dixi in fine assertionis, ut saltem ab vno ad aliud conuenienter procedat affectio Magnetica; quia fieri potest, ut debilius magneticum sit intra Sphæram actiuitatis fortioris, non è contra; in quo casu vis Magnetica motiones, & consistentias exercebit in debiliori ad fortius; non verò in fortiori ad debilius.

In his duabus Sectionibus peculiariter agendum proposui, & determinavi quid sit sentiendum de fine proximo operationum Magneticarum, quia secundum illum determinate comparantur ut Magnetica; quod si alias habeant conditiones per se quæsitæ in naturali corporum dispositione,

& conuenientes fini Vniuersi, possunt sic congruentia illis ulterius procurari per actus secundos proprios

virtutis Magneticæ, ut conuenienter disponantur, & pro sua indigentia, et ordinatione perficiantur, quæ sic

magnetica sunt, ad finem intentionis ab Authore Vniuersi, ut melius constabit ex

dicendis.

dis-

dic-

dic-

dic-

dic-

dic-

dic-

dic-

dic-





## S E C T I O   V I I I .

*An Terræ globus habeat in se virtutem  
Magneticam, et quomodo.*

**A** Sfero primò Terræ globum habere in se virtutem magneticam, & quidem secundùm determinationem polorum in Septentrionem, & Austrum.

Probatur vnico argumento, quia conuincitur experimentis radios Magneticos ab illo secundùm dictos polos propagari; ergò, iuxta supra offensa, secundùm determinationem dictorum polorum habet virtutem magneticam in se. Antecedens constat.

Primò quia Terra per huiusmodi propagationem à suis polis diffusam imprimit subiectis capacibus principium operationum magneticarum, quod aliqua constanter retinent, & exhibent secundùm certam determinationem in se, & correspondentiam cum alijs magneticis; vt statim experiri poteris applicato versorio per Magnetem affecto, tum ad extremitates ferri, quod secundùm directionem in Septentrionem & Austrum, tundente post ignitionem malleo, sit productum in longum, & in eadem directione refrigeratum, explorando oppositas facies in illis; tum faciliùs applicato ad extremitates ferreorum, quorum diu perseuerauit erectio, siue in clatris fenestrarum, siue ad alios vsus in domibus, & officinis, certa sui extremitate sursùm erecta, opposita depressa.

Alia verò sicut facillimè concipiunt tale principium, & statim exhibent per certam directionem in sui extremitatibus, posita tali situatione suæ longitudinis versus Terræ polum;

lum, ita facillimè mutant in oppositam, variata situatione suæ longitudinis, ad polum per alteram extremitatem conuersæ; quòd experimur in quolibet ferro alicuius crassitie, sed in maiorem multò longitudinem ad duos, vel tres palmos extenso nulla certa impressione, quæ notari possit, magneticè præimbuto; si enim illud secundùm suam longitudinem in polum directam infra versorium admoueatur, per extremitatem illi proximam allicit cuspidem versorij cōuersam in polum proximum, & oppositam fugat; si vero erigas supra versorium per eandem extremitatem approximata fugat cuspidem illius conuersam in dictum polum, & allicit oppositam; & quòd præstat per vnam ex suis extremitatibus, sic supra, & infra Versorium approximata, pariter exhibet per oppositam, si similiter admoueatur.

Hic aduerte quod ex lege magnetica in tali ferro, in Orientem, & Occidentem secundùm suam longitudinem directo, deberet eadem facies Magnetica deprehendi in vtraque in extremitate, & opposita in situ intermedio, sed debilis saltè ad se prodendam, impressio in illo, ex refractione, quæ necessario debet fieri pro tali situ, tantò fit debilior, vt saltè communiter notari non possit.

Secundò quæcumque cognoscuntur esse magneticè affecta, si debitè sint in aere suspensa, vel in humido crassiori natantia, determinatè ad Terræ polos alliciuntur; & quidem ita constituta, vt sic expeditam habere possint sui conuersionem, tam in dextrum, & sinistrum, quàm sursum, & deorsum, per extrema sui axis Magnetici, ad proximum polum latentem per extremitatem, prius ad regionem illius conuersam, inclinantur: sic in hemisphærio Septentrionali cuspidem deorsum ad polum Terræ Septentrionalem inclinant, in australi ad Austrinum, circa æquinoctialem, polis velut in horizonte existentibus, versoria per sua extrema in illos directæ velut horizonti parallela disponuntur, & in hoc experimen-

ta à multis iam annis accuratè repetita in itinere ab Europa in Indiam, & ab India in Europam, constant simè conueniunt. Nè verò alicui in magneticis parùm exercitato suborietur suspicio, quod depressio alterius extremitatis ferri taliter suspensi, quæ illi ostenditur ad Terræ polum la en em infra horizontem, oriatur non tam ex inclinatione magnetica, quàm gravitate maiore, ratione cuius talis extremitas præponderet alteri, quæ eleuatur; statim iuxta supra notata immutetur directio magnetica virgulæ versorij per magnetem admotum, vt extremitas, quæ eleuabatur in oppositum situm, sit illa, quæ ad dictum polum deprimatur.

Quod si in multis Terræ maris que locis virgula ferrea versorij, & alia magnetica benè conuertibilia sæpius declinât, & quidem per multos gradus, à directione versus polos in orientem, & occidentem, hoc ipsum, vt mox ostendam, probat Terræ globum esse Magneticum, & à polis eius radios magneticos propagari.

Tertiò ex legibus Magneticis, supra comprobatis, euidenter habetur impressionem, quam in dictis ferreis experimur, non posse esse à Cœlo: non enim à parte eius immobili v. g. polari, quia omnium sic affectorum in Europa, vbi notabiliter polus Septentrionalis eleuatur, extremitas superior conuertere deberet in Septentrionem, inferior ad Austrum; contrarium de facto semper fit, & extremitas superior allicere cuspidem versorij, quæ dirigitur in Septentrionem, & inferior oppositum, quæ dirigitur in Austrum; cum impressione recepta à polo cœli, deberet superior allicere eam, quæ dirigitur in Austrum, inferior verò eam, quæ conuertitur in Septentrionem: conuersiones autem, quas de facto experimur, prorsus exigit propagatio radij Magnetici ad illa sita efficienda à polo Terræ deducti: Multò minùs talis impressio potest esse à parte cœli conuertibili siquidem aut ab ea supra horizontem existente sufficienter proueniret, & sic seque-



rentur eadem, quæ contra actionem à polo eleuato dicta sunt; aut requireretur mora, secundum quam etiam infra horizontem excurreret, & in tali situ propagatio consequens contrariaretur determinationi, quæ ab illa supra horizontem existente proueniret; ita vt nulla in extremitatibus affectorum, per effectus magneticos internosci posset: similiter prouocatio iam affectorum non potest esse, aut à parte Cœli immobili; quia ad eam eleuatam fieret illorum conuersio, dum habent expeditam conuertibilitatem sui, secundum sursum, & deorsum, quæ tamen stante eius eleuatione deorsum fit: aut à parte conuertibili, quia ad illam, modo supra, modo infra existentem variarent conuersionem, quæ in eodem loco existunt, cuius oppositum constanter experimur.

Quartò constat talem propagationem radij magnetici, quæ causat impressionem determinatam in subiectis capacibus constanter retinendam, & secundum quam allicit iam affecta magneticè, nō posse tribui rupibus magneticis; nam sicut, qui illas fingeret, non inueniret Magnetem in suo genere ita validum, qui ad alliciendum Versorium ferreum extenderet Sphæram suæ actiuitatis centies v.g. ultra extensionem sui axis ( licet hæc mensura longè maior sit ea, quam in magnetibus, etiam ex colore, pondere, vniformitate partium vtilium, allicio ferri in magna mole contra nisum suæ grauitatis inter optimos numeratis, experiri potui) multò minus posset tribuere rationabiliter rupibus, alterationi magneticis noxiæ expositis, extensionem suæ actiuitatis ad distantiam tot millium milliariorum, ad quam impressionem, & prouocationem magneticam experimur.

Aduerte autem ad propagationis extensionem in maiorem distantiam multum conferre maiorem extensionem axis magnetici; ita vt multa magnetica, secundum virtutis in se directionem longiora multò, ad maiorem notabiliter distantiam propagationem extendant per de-

*An, & quomodo Terra sit Magnetica.* 195

terminatum allicium versorij manifestandam, quàm multò minus extensam produnt multo meliores magnetes, sed axe directionis Magneticæ multò breuiori.

In particulari autem non posse tribui rupibus à polo Terræ notabiliter distitis; nam in eodem climate illis proximo circa Terram existentibus tanta apparet impressio, & conuersionis magneticæ varietas, vt alicubi versus polum, alibi in Orientem, alibi in Occidentem dirigi viderentur, vt consideranti patebit: hoc autem nullo modo euenire ex publicatis climatibus, etiam polo viciniorum, lustrationibus constat.

Neque rupibus Terræ polis proximis; nam vel in illas axis Magneticus disponderetur à vertice ad imum, vel in transuersum; Non primum, quia contra experientiam sub æquinoctiali nulla determinata pars affectorum conuerteretur in Septentrionem, nulla determinatè in Austrum; siquidem in tali facierum Magneticarum constitutione, radij oppositarum directionum delatiui physicè coincideret in tali climate, & se mutuo impedirent, ne aliqua potius determinatio extremitatum spectaretur in conuersione, quàm alia: at verò vltra AEquatorem eadem cuspis versorij, quæ citra illum conuertitur in Septentrionem, conuerteretur in Austrum; quia cum diète rupes essent hinc inde prope polos, plura tota de se Magnetica, rationabiliter in simili situ à Terra ad Coelum, dici deberent similes facies habere directas, quo posito talis conuersionis Magneticæ varietas in oppositis modo dicto climatibus spectaretur, quod prorsus notissimis experimentis repugnat, semper eadem versorij cuspidem tam citra, quàm vltra æquatorem, in Septentrionem directam.

Non secundum, quia in eodem climate iter agentibus circa Terram eadem cuspis, quæ in tali situ, prouocante tali facie, in polum dirigeretur; in situ opposito præualente

facie opposita auerteretur; in situ autem medio nullâ facierum notabiliter præualente alteri, ut sit cum stylus ferreus, directè accedit ad axē magnetis è regione AEquatoris, nullâ posset in déterminationibus magneticis directio præualere, & sic nulla apparere in ferreis bacillis, quantumuis in eodē situ diu erectis, nulla in versorio ferreo, quantumuis per accessum ad validum Magnetem affecto; quæ omnia, ut ex legibus magneticis euentura in talibus Rupium Magneticarū dispositionibus comprobantur, ita notissimis experimentis aduersantur.

Assero secundò in ipsa Terræ massa latente esse principaliter virtutem Magneticam, & à polis illius sibi correspondentibus eam propagari: propagationem autem radiorum magneticorum, quam experimur à Magnis continentibus Terræ partibus, supra mare eleuatis, secundum apices longitudinem illarum aliquomodo à Septentrione in Austrum terminantes, esse ab impressione in illis facta per radios à polis Terræ propagatos, & ut plurimum saltem refractos in ipsam.

Supponendo ex ante probatis, quod Terræ massa sit subiectum magneticum, Probatur Assertio.

Primò quia quod pro aliqua profunditate latet ex ipsa, minùs subiacet alterationi secundum eas qualitates, quæ ex dictis destruunt virtutem Magneticam etiam in ipso magnetice lapide.

Secundò quia si magnæ partes Terræ supra Mare eleuatæ obtinerent peculiariter vim magneticam, et agerent secundum illam, ut sibi independenter etiam à diffusionem radiorum à polis Terræ conuenientem, & essent de se propagatiuæ radiorum magneticorum per extremitates, respondentes velut axi longitudinis ipsarum, sequeretur per huiusmodi extremitates ultra æquatorem in Austrum peringentes allici extremitatem Versorij, quæ dirigitur in Austrum;

cum



cum tamen ad caput Bonæ Spei extremitas Africæ, & ad fretum Magellanicum extremitas Americæ alliciant cuspidem Versorij, quæ dirigatur in Septentrionem.

Leges autem magneticæ non solum huic nostræ probationi assunt, sed eius ultimam partem assertionis singulariter stabiliant; per magnas. v. Terræ partes continentes, supra mare eleuatas propagari radios magneticos, non vt per purè media; sic enim nullo modo diuerteret extremitatem versorij, quam alliciunt, à Septentrione; cum tamen antequam deueniatur ad directionem longitudinis dictarum regionum, notabiliter illam ab eo diuertant; sed vt per subiecta aliquomodo capacia appropriare sibi impressionem magneticam, in quibus licet ex valida alteratione secundum qualitates primas, inimicas conseruationi illius, cui subiacent, sit propria virtus valde debilitata; possunt tamen ab aliquo propagante semper illis sufficienter applicato radij Magnetici perseueranter deriuari per illas, & ab illis aliquomodo per refractionem secundum propriam longitudinem sibi applicari, vt iuxta talium radiorum à polis Terræ ad se directorum accomodatam sibi impressionem, per extrema suæ longitudinis pergat, vltèrius diffusio. Quare talis diffusio magneticorum radiorum per extremitates longitudinum in magnis Terræ partibus, supra mare eleuatis, sic aliquomodò defleatens à conformitate cum meridiano, sicut probat Terram esse subiectum virtutis Magneticæ, & non purè medium; ita euincit radios propagationis magneticæ, quibus dictæ partes, tum declinationes, tum directiones extremitatum versorij prouocant, à Terræ polis prouenire.

Assero tertio Inclinationes extremitatū Versorij ad Terræ polos non posse vniiformiter procedere; vt iuxta gradus Inclinationum determinentur latitudines regionum ab Aequatore hinc inde versus polos distantium: similiter nec Declinationes, vt secundum mensuram illarum determinari

possint longitudines regionum, aut distantie nauigantium a continenti; ac proinde licet in Inclinationibus, & Declinationibus partium versorij seruentur leges Magneticae; nihilominus Tabulas latitudinum, aut longitudinum regionum Terrae, & Tractuum Maris, non posse nisi ex accurata, & longa praxi confici, & confectas posse successu temporis egerere mutatione, & nouis obseruationibus.

Prima pars assertionis probatur primò, quia cum à polo ad polum reciprochè extendantur radij magnetici, quibus prouocantur extremitates Versorij ad Inclinationem; & in situ proximiori polo prouocanti certam extremitatem illius, radij ab ipso procedant fortiores; pro quo situ sunt debiliores radij à polo opposito prouenientes, & in oppositu aliquomodo, iuxta supra notata, allicientes, ita ut versorium magis obediat directioni radiorum poli proximioris: in situ verò eidem polo minùs proximo, radij procedentes ab eo minùs fortes sint; proueniètes autem ab opposito & ad oppositum allicientes, sint minus debiles in situ ab illo tantò minus remoto, quàm ante; apertè sequitur non posse per æquales gradus in quadrante à Polo ad AEquatorem seruiente designatos distribui mensuram Inclinationis; ita ut iuxta gradus Inclinationis indicatos ab extremitatibus versorij in illo, dicatur talis Terræ, Marisque tractus, tot gradibus ab AEquatore distare; minus enim his positis obtemperat radio Poli præualentis extremitas Versorij prope AEquatorè, quàm longius ab illo, quare ad variandam per gradum Inclinationem multò plus spatij requiritur prope AEquatorè, sicut prope Polum, multò minus; nec satis est diuinando vel le id determinare, aut per experimentum globi Magnetis alicuius; cum proportio inter illum, & Terram in Sphæra aëritatis, iuxta proportionem partium vitilium ad propagationem, & intensiorem qualitatis magneticæ in utraque determinanda, constare non possit, & ex supradictis habeatur,

*An, & quomodo Terra sit Magnetica.* 199  
tur, aliter decrefcere actiuitatem magnetici intensius affe-  
cti, aliter remiffioris in virtutē magnetica.

Secundò cum eadem extremitates longitudinum in ma-  
gnis Terræ partibus fupra mare elatis, quæ tam notabiliter  
diuertunt verforium à linea meridiana, alliciendo eius cu-  
spidem v. g. ad fe, pariter alliciant eandem partem verforij,  
quando ita appenfum eft, vt non folùm in dextrum, & fini-  
ftrum, fed etiam fecundùm furfum, & deorfum poffit fuas  
extremitates dirigere, poterunt etiam immutare menfuram  
Inclinationis, vt ea notabiliter difcrepet à vera difpofitione  
regionum ab AEquatore ad Polum.

Ex obferuationibus repetitis peritorum vltra AEquatorē  
nauigantium iam conftat communi confenfu menfuram In-  
clinationis vltra, & citra AEquatorē non cōuenire inter fe.

Secundæ pars probatur, quia nauigantibus ad latera ma-  
gnarum Terræ partium Americæ, & Africæ v. g. verfus ex-  
tremitates longitudinis illarum, ad fretum Magellanicum, &  
Caput Bonæ Spei conftitutas, crefcunt Declinationes verfo-  
rij à Meridiana, cum verò perueniunt ad huiusmodi extre-  
mitates in Meridiana ferè conftituuntur ob aliquam refra-  
ctionem radiorum à Polo prouenientium fecundùm conti-  
nentium longitudinem factam; poffunt verò cum meridiana  
coincidere, vbi tantisper à directione longitudinum talium  
regionum recesserunt; diuertendo verò magis, iterum cre-  
fcunt Declinationes: At verò inter Europam, &c. & Ameri-  
cam velut medio fitu verforium collimat in Septentrionem,  
& Austrum, vbi dum diuertentes radij ad pofitiones oppo-  
fitas velut ex æquo pugnant, prævalent qui dirigunt deter-  
minatē in Polos.

Aduerte autem quod ex lege magnetica extremitates lon-  
gitudinum, in magnis continentibus refpicientes Polum  
arcticum, neceffariò repellunt cuspidem verforij, quæ in di-  
ctum Polum obuertitur, fi quidem continent faciem fimile  
cum



cum illa, sicut extremitates oppositæ respicientes Antarcticum eandem cuspidem alliciunt, quia radius magneticus, à quo in dictis continentibus fit impressio, constituit in illis faciem dissimilem dictæ cuspidi versorij; ac proinde non solum dum varie alliciuntur extremitates versorij; sed etiam dum varie repelluntur, necesse est variari Declinationes illarum à Meridiana; atque adeo euenire potest, ut dum accessus sit ad aliquam regionem cuspidis ad illam, vel in illa tantum diuertat à meridiana, quia diuersionem augeat repulsio cuspidis, ab aliqua extremitate continentis, per radios à facie simili illuc usque notabiliter propagatos.

Cum igitur istæ Declinationes tantam subeant varietatē per extremitates versorij notabiliter tam variè allectas, & repulsas ab extremitatibus longitudinum magnarum Terræ partium supra Mare extantium, nec certis inter se distantijs dispositarum, nec determinatâ iuxta distantias mensurâ aëritatis inter se comparabilium, impossibile est constituere mensuram certatî, per quam ex Declinationum secundum gradus equalitèr designatos discrepantia mensurentur distantia regionum à certo meridiano, & illarum in globo Terræ ad illud comparatarum cognoscatur ex Declinationibus versorij, in gradibus quadratis modo dicto distributis, certa dispositio.

Tertia pars constabit cōsiderantibus leges Magneticas, & cōferentibus eas per accuratas obseruationes non solum cum extensionibus continentium à Septentrione in Austrum; sed etiam cum situ illorum, & correspondentiâ ad Polos, & ad inuicem, cum potentiâ impressionis magneticæ tum in singulis de se, tum in collatis ad inuicem: ab his enim omnibus, quæ requirunt experimēta à pluribus, & peritioribus repetita, & magnam tractu temporis recipere possunt variationem, pendet varietas Inclinationum, & Declinationum Magneticarum, & non à sola mensura linearum deductarū

per

per maximam extensionem regionum à Septentrione in Austrum, & in certas partes diuisarum.

S E C T I O I X.

*Inter prima corpora mundum constituentia, Cælum per suos polos constanter ad Terram dispositum, esse primum propagatiuum virtutis Magneticæ; Terram autem esse primum susceptiuum, cui ab eo illa imprimitur.*

**A** Sferò primò Terræ globum inter prima corpora integritia vniuersum non esse solum magneticum, neque primum diffusiuum radiorum Magneticorum.

Prima pars assertionis probatur primò, quia, iuxta supra constituta, experimur ex vna parte radios magneticos à polis Terræ diffundi, ad regiones quantumcumque ab illis distantes, allectiuos versorij, & impressiuos virtutis magneticæ ferreis, pro sufficienti mora super illam, determinato situ suarum partium, erectis; & distantia à polis quantumuis in Terræ ambitu aucta; vel imminuta non notatur mutatio potentiae in huiusmodi radijs ad dictos effectus præstandos; ergo vis Magnetica in Terræ globo horum radiorum diffusiva valida est; cum debilioris magnetici sphaeram diffusionis experiamur non solum esse breuiorem, sed etiam pro modica variatione distantiae sibi proportionatae notabiliter in vigore minui, vel augeri; & debuit esse talis, vt iuxta finem illi præscriptum esset constitutiva Cardinum Terræ, & ex se sistitiua illius in tali situ ad excipiendas actiones luminariū cæli, conuenienter dispositioni viuientium à conditore ordinatæ,

nata, vt melius constabit ex dicendis sect. sequenti.

Ex alia parte in nulla regione, etiam ex vicinioribus Polo, agnoscitur, virtute radij Magnetici ab illo diffusi, ferrum vllum etiam suspensum diuerſi per suum centrum grauitatis à linea perpendiculari, per plumbum filo suspensum proximè designata, secundùm quam graue de se inclinat deorsum: ergò signum est eam neque magnetibus maximè debilibus æquiparari.

Sed radij magnetici ad istos effectus sunt iidem, & est vna eademque virtus in illis eorum operatiua, quæ in alijs magneticis crescit simul, vel decreſcit ad eos exhibendos; ergò impossibile est vt de se sit potēs in ordine ad aliquos eorum, ad alios ex ijs velut nulla; ergò datur impedimentum, quod relicta extensione sphaeræ diffusionis alleſtiuæ, quod ad effectum directionis verſorij, non immutata, etiam pro maiori & distantia vel propinquitate, obstat ne fiat vi illius diuerſio ferri suspensì à perpendiculari, secundùm quam graue deorsum inclinat.

Sed, ex dictis, huiusmodi impedimentum non potest esse nisi à radijs magneticis ab alio Magnetico in opposita directione propagatis, qui in eodem medio, & subiecto talem ponentes directionem minus intensam, ratione tantò maioris distantie, non sinunt aliam exercere effectus Magneticos nisi secundùm excessum, qui in extensione magna exiguus esse potest in radio, alioqui simpliciter valido, & de se in magna extensione, quod ad intensiorem, parum decreſcente, ergò datur aliud ex maioribus corporibus vniuersi diffusiuium virtutis Magneticæ præter Terram.

Et verè admissò cælo vt magnetico influente, radij ab eius polis ad Terram prouenientes, sicut sunt in directione conformi ei, secundùm quam in Terra recipitur vis Magnetica; ita sunt in directione contraria ei, quam pro eodem spatio deferunt radij à polis Terræ retrò facies propagati, qui-



quibus apud nos ferrea afficiuntur, & alliciuntur.

Probatur secundò, & fortius ratione, quam mox pro secunda parte afferemus.

Tertiò quia cum iuxta dispositionem conditoris constituendi essent Cardines in globo Terræ, alioqui de se in suis partibus homogeneo, sicut illi conuenientissimè constituti sunt per virtutem Magneticam, quæ afficiendo homogeneæ partes, determinat tamen polos in toto ad motiones, & consistentias, propagationesque magneticas; ita ad hoc vt illa secundùm sibi propriam rationem cardinũ exerceret, quantum est de se, talem consistentiam in Terra, necessarium omnino fuit dari aliud Magneticum in vniuerso, cum quo secundùm polos suos Magneticos consistente, ipsa exerceret talem consistentiam, vt constat ex dictis de fine proximo motionum, & consistentiarum Magneticarum.

Dices primam probationem prorsus euertere experimento obuiò in ferreis, quæ ex diuturna erectione in determinato situ suarum partium receperunt impressionem Magneticã radijs per Terræ polos ad ea diffusis, & secundùm eam magneticè operantur; hæc enim multùm possunt in alliciendo, & dirigendo ad suas extremitates versorio ad inagnam distantiam, minimum tamen valent contra inclinationem, & grauitatis ad tendentiam deorsum, vt vix aliqua, & ne vix quidem plurima, ex vi suæ impressionis magneticæ, retinere possint exiguum ferri ramentum, contra nilum grauitatis illius deorsum; cum tamen huiusmodi ramentis Magnetes, debiliores in alliciendo versorio, passim se vestiant.

Sed si ritè hoc negotiũ expendas, agnosces fatũs esse, (cũ eiusdem prorsus Magneticæ virtutis sit vtrũque præstare, dirigendo ab se versorium, & ferrum prouocando, vt Magnetico, contra suæ grauitatis inclinationem detentum, adhæreat) vt tu mecum idem dicas de huiusmodi experimento in istis, quod dictum est in prima probatione de simi-

libus in Terræ globo, impediri proportionaliter à directione contraria radiorum Magneticorum ad idem spatium ab alio Magnetico diffusorum.

Secunda Pars Assertionis probatur, quia illud est primū diffusuum virtutis Magneticæ, cui per se conuenit modus proprius diffusionis talis virtutis, non verò illud, cui is est incongruus; sed talis modus proprius diffusionis per se conuenit complectenti intra se subiectum capax impressionis magneticæ, ad quod ipsum est diffusuum illius; Terræ autē globo prorsus est incongruus; ergò illud est primum diffusuum virtutis magneticæ, non Terræ globus. Maior est euidens ex terminis. Minor constat ex eo, quod cum à polis Magneticis, vt supra ostendimus, diffundantur radij Magnetici intra ipsum corpus magneticum, directio, secundum quam illi deferunt virtutem, est prorsus opportuna afficiendo subiecto contento intra illud, & ad continens in tali directione sistendo, vt statim apparet; at verò incongrua, & inimica globo magnetico habenti iam in sua massa interna directionem magneticam in situ opposito, cum ex dictis certum sit, magnetica totis viribus refugere radios deferentes directionem magneticam in situ opposito ei, secundum quam illi sunt in se præ affecta.

Dices si daretur tale corpus magneticum in constitutione vniuersi præter Terræ globum, quod esset primum Magneticum, directio magnetica iure dicenda esset multò validior esse in radijs ab eo propagatis, quam sit in radijs, à Terræ polis prouenientibus; & ita apud nos sequerentur effectus magnetici, ad illius polos, non verò Terræ conuersui, cuius oppositum claris experimentis fect. præcedenti firmatum est.

Solues huiusmodi nodum, si attendas continentem Africæ, supra Mare eleuatæ, per extremum suæ longitudinis actuum ad caput Bonæ Spei, & allectiuum cuspidis versorij,  
ad

ad se diuertendo illam à directione radiorum, qui à Terræ polis eò vsque propagantur; & compares ad interiorem totius Terræ massam, per suos polos propagatiuam radiorum magneticorum, per quos in eadem sect. ostendimus Africæ continentem affici, & aliquomodo suæ longitudini per refractionem accomodatos, fieri per tale sui extremum propagatiuum: agnosces enim subiectum à remotiore, & potentiore magnetico affectum, facta in eius extremis conspiratione plurium radiorum exceptorum ad vltius propagandum, posse ratione vicinitatis propagationi potentioris, sed remotioris, pro tali situ aliquomodo præualere.

Affero secundò, vim Magneticam in Terræ globo non, prouenire à propria forma, sed à Magnetico primo cælesti diuerso ab alijs corporibus cælestibus, quæ admittuntur, tñquam contentia intra se mundum a nobis dictum elementarem, quod semper per suos polos illi correspondeat, & in illam influat, vt subiectum primò destinatum recipiendæ impressioni Magneticæ, & retinendæ, ad constituendam cum illo primam mensuram dispositionis eius in recipiente, & propagante.

Prima pars probatur, quia cum ex vna parte propagatio radiorum magneticorum, iuxta dicta, pertingat à cælo primò Magnetico ad Terram; intra eius complexum existentē, & capacem virtutis magneticæ ad effectus magneticos exercendos in se recipiendæ; & consequenter, iuxta directiones inter magneticè affecta, detur correspondentia inter polos illius, & ipsius. Ex alia parte Terra non sit lapis Magnes, cuius solius formam sicut possumus experiri virtutis Magneticæ peculiariter seruatiuam, contra oppositas directiones radiorum ab alijs propagatorum, ita rationabiliter agnoscimus vt productiuam illius: quod negamus formis ferreorum, cum quibus illa, inter alia corpora, sunt quidem peculiariter susceptiua, & retentiua qualitatis Magneticæ



ad effectus proprios secundum illam exercendos; sed nullo modo conservatiua illius contra actionem propagantium in opposita directione, & nullo modo reparatiua illius imminutæ, post remotionem agentis, cuius actione est imminuta; quare sufficit ad talem correspondentiam cum cælesti magnetico, & consequenter debitam cum alijs cælestibus constanter seruandam, & alios magneticos effectus exercendos, si dicamus eam sic esse capacem impressionis ab illo; cum præsertim hoc determinatè nobis indicet sapientia Conditoris, quæ a formatione Terræ separat dispositionem fluminum in illa; tum subdit constitutionem cardinum in eadem quasi illi, post substantiam, & accidentia illam connaturaliter consequentia, adiunctam; dum ait Prou. 8. (adhuc Terram non fecerat, & Flumina, & cardines orbis Terræ) agnoscens, & appellans sicut in Cælo, ita in Terra Cardines, super quos alibi dicitur orbem posuisse, & hæc dicta diuinitus a nostrâ sententiâ sincere explicat, & ipsa eam mire confirmant.

Probatur secunda pars, quia sicut virtuti Magneticæ in Primò propagatiuo conuenit conspiratio omnium partium Magneticarum ad diffundendos radios magneticos à certis signabilibus in faciebus oppositis illius; sic enim illud est in certo situ diffusuum, determinatè prouocarium alterius magneticè affecti ad se, iuxta finem virtuti magneticæ præstitutum; vt sit constitutiua cardinum in Mundi partibus extremis, per eam velut arcano Axe connexis; dum prima ex sua perfectione continet, & influit, secunda verò, pro sua indigentia contèta, sic disponitur ad correspondentem, & stabilem influxuū receptionem; prima per certâ situationē suę substantiæ magneticè affectæ; ita illi in primo passo conuenit dispositio radiorum susceptorum obsecundans axi longitudinis per sua extrema ad illud directæ, & per illa consimiliter diffusuæ: ex quo apparet ratio dispositionis radiorum.

Ma-

Magneticorum in alijs susceptiuis secundum extensionem, in longum substantiæ illorum, & refractionis, quæ ad obtinendam huiusmodi dispositionem, datur in progressu radiorum intra illa.

Dices primò, quæ necessitas constituendi cœli primo Magnetici diuersi ab alijs, qui admittantur circumpositi Mundo elementari?

Si aduertas mutari correspondentiam polorum Terræ magneticorum cum polis cœli, cui dicantur stellæ fixæ esse, affixæ, & consequenter aliorum, qui inferiores ponerentur, facile agnosces primò, eos non esse primò magneticos, ex quorum influxu per suos polos Terra Magneticè afficiatur, & magneticè cōsistat; quare nec sario à cœlo superiori Terram sic affici, & ex correspondentia constanti cum illo, ad mutationem, quæ fiat in alijs admissis, non conuiuere. secundò, dato tali primo magnetico supra Sphæram fixarum, nec ipsam nec inferiores, quæ admitterentur posse dici conuenire cum illo in substantia, quia essent pariter magneticæ; immò esse purè media ad transmittēdos radios Magneticos; alioqui vel magneticæ de se, vel per impressionem magneticam receptam actiuæ, præualere possent ex maiori vicinitate polorum suorum ad Terram; & ita non esset diuersio notabilis polorum Terræ ab illorum polis, quæ de facto est.

Dices secundò parum acceptum futurum huic ætati cælos etiam ex actione magnetica multiplicari, quæ omnes Sphæras Planetarum sustulit, singulariter animaduerso Martis infra solem descensu.

Sed nulla mecum lis erit, qui bis Martem in apparentia sui velut dimidiatum clarissimè, & constanter aspexi in inferiori ad solem aspectu quadrato, vt aiunt, & ab eo consequenter dissectas imaginationes soliditatis cœli Planetarum agnouit; qui admissa quantumuis Sphæra fixarum, nullum  
præ.

præterea supra illam cælum solidum, & mobile multiplicandum censeo: quia licet motus, velut mixtus dispositionis fixarum, sit resolubilis in plures velut simplices, inuicem convenientes; multò rationabilius illi soli, ut proprius convenire dici debet, quàm ab alio cælo; cum in ipso corpore solari motus eius à me sæpius notatus, (iuxta doctrinam Patris Christophori Scheineri nostrę Societatis, nō à librorum, sed syderum inspectionibus comprobata, cui ob hoc debebit tota posteritas erudita) apertè cognoscatur circa proprium centrum eius ita disponi, ut sit resolubilis in duos velut in oppositum ordinatos, alterum velut menstruum spatio 26. dierum circiter absolutum, alterum annum polorum illius. qui magneticum agnosco cælum continens reliqua corpora uniuersi, facta per vim magneticam ab extremo ad medium vtrinque connexionem, velut per axem Mundi, ex qua talis extremi corporis virtus in Terram influens apertè cognoscatur, non vero per alia, quæ per alias causas inferiores rationabilius explicantur; cuius cœli soliditati, & conformationi, neque corpora subtilitatis dote donanda ob stare possunt; neque alia de eo dicta a melioribus ut symbolica explicata.

Dices tertio quomodo virtus, propria lapidi decolori, obscuro, vili apud nos, potest perfectissimo inter cœlestia corpori attribui rationabiliter? Vide ne Soli vim illuminandi abroges, quia in caudis vermium reptantium, & volitantium cicindelarum agnoscimus lucidum principium illuminationis.

Melius confirmantur prædicta per ea, quæ subiunguntur sect. seq.



## S E C T I O X.

*Ad quid sit virtus Magnetica in Terra  
à primo Magnetico caelesti.*

**A** Sfero primò collatam esse Terræ determinandis in ea Cardinibus ad obtinendam stabilem correspondentiam Cardinum primi Magnetici caelestis, determinandis consequenter Climatibus in illa, ad excipiendas reliquas caelestium influentias, conuenienter degentiæ viuentium, cui a primò Conditore destinabatur.

Probatur simul & explicatur assertio. Destinabatur Terræ globus ad conuenientem degentiam viuētium cum certa climatum dispositione, ad recipiendam sub tali tempestatum varietate, sed constanti, actionem caelestium, conditioni degentium necessariam, vel congruentem; huic finì conuenientius fuit illam aptari per aliquid sibi intrinsecum, quod stante eius homogeneitate determinaret in ea talem per suas partes in certo situ correspondentiam ad caelestia corpora: cui muneri aptissima fuit qualitas magnetica, quæ cum sit pariter homogenea, nihilominus est determinatiua polorum in partibus oppositis sui subiecti, & secundum illos sic consistitiua illius ad determinatos polos alterius Magnetici, intra cuius actiuitatis Sphærâ reperiatur. constituto igitur tali corpore caelesti, intra cuius ambitum Terra continetur, pariter magneticè primo determinato, & influente in illam, illa sic affecta suis polis ad polos illius, pereamdem virtutem determinatè, & constanter dirigitur, & consequenter alias partes quantum est de se ad constantem correspondentiam secundum climata dispositæ consistunt. Sic Sapientissimus

D d

Con-

Conditor vniuersi Terram, alioqui de se indifferentem, determinauit ad congruentem cum cælestibus connexionem; & per hanc virtutem, cuius ea natura sua est susceptiua, facta conuenienti radiorum magneticorum à cardinibus cæli Magnetici diffusorum, & refractorum intra eam appropriatione, constituit in ea cardines, illis constanter correspondentes, quibus ita consisteret, vt factis licet mutationibus, quæ, ex varietate tempestatum per accessum, & recessum luminarium à climatibus oppositis, vel ex alijs causis naturalibus, viderentur posse mutare suarum partium æquilibrium circa medium primò constitutum, ipsa tamen nunquam inclinaretur iuxta illud effatum (fundasti Terram super stabilitatem suam, non inclinabitur, &c.

Prima pars assertionis probatur à fortiori ex supra constitutis scēt. VI. quia si talis virtus inter ipsa Magnetica nullam exercet determinatè situationem, nisi sint intra Sphæram actiuitatis magneticæ constituta, & extra illam nullam determinatè refugit vel elongationem totius, vel auersionē cuiuslibet partis vnius ab altero; sed pro quacumque situatione respectu illius indifferēter se habet, quia nulla est quæ ipsi vt magnetico sit melior, nulla quæ sit deterior: tanto minus nullo dato corpore Magnetico quod Terræ correspondere possit in vniuerso vllam determinabit vel consistentiam totius, vel partium conuersionem in illa; cessante in tali suppositione prorsus, & per se sine proximo omnis consistentiæ, vel motionis Magneticæ, ex cuius cessatione per accidens per elongationem, qua vnum Magneticum sit extra Sphæram actiuitatis alterius, vis Magnetica inter ipsa actu Magnetica nullam consistentiam totius, vel conuersionem certarum partium exercet, nullam remotionem totius vel auersionem illarum impedit.

Secunda Pars probatur, quia cum, ex lege magnetica supra constituta, talis virtus, à quocumque polo Magnetici  
pro-

*Vis Magn: Terram dēinet solum in medio.* 2 1 1  
propagetur, sit virtus duarum directionum, per quam subiectum affectum, sicut per certam directionem suarum partium inclinatur determinatè versus polum, à quo ad se virtus diffunditur; ita secundum earundem oppositam directionem inclinatur ad polum oppositum; necessario sequitur, quod si hinc inde à duobus polis Cæli Magnetici continentis globus Terræ afficitur, per directionem certam omnium suarum partium ita inclinatur ad polum eius Septentrionalem, cuius radijs magneticis secundum talem directionem occurrit, ut per earundem omnium suarum partium directionem in oppositum inclinatur ad polum Australem, cuius radijs magneticis pariter occurrit secundum illam. Dum autem ab illis virisque æqualiter afficitur, & prouocatur, ad utrumque æqualiter inclinatur, ut sic sui perfectiuos, secundum virtutem Magneticam; & ita per eam sic acquisitam, & benè se habentem in situ medio inter illos ex inclinatione magnetica conquiescat.

Non potest autem esse rationabilis suspicio, quod posita correspondentia Terræ per suos polos cum polis cæli Magnetici, ipsius partes hinc inde ab AEquinoctiali versus illos dispositæ, ex inclinatione ad illos nitantur diuidere globum ipsius; cum omnes partes in toto magnetico secundum utranque directionem, quam vi magnetica possident, in utrumque inclinent, & sit prorsus falsa ista partitiō inclinationum, qua incipientes ab AEquinoctiali magnetico hinc inde ad polos dirigantur.

Tertia Pars probatur, quia constituta Terra, ut probauimus, in axe magnetico cum Cœlo Mundum continente, dum illud tota sua mole tam vasta similem motum non peragit, quem neque facile est fingere, neque Terra à correspondentia cum polis illius diuertere naturaliter potest, nec à medio influentiæ illorum recedere.

Et si vis aliquomodo agnoscere, quantum positio Pytha-



gorica elongetur à veritate, cogita quanta sit diameter circuitiōnis, quæ tribuitur in vera positione Soli circa Terram motu annuo per Zodiacum, posito præsertim excessu distantiæ in Apogeo per æstatem, quem de facto dari, nouo experimento Tubi optici, traijcentis in oppositum planum disci solarem cum maculis, oculatissimus aduertit Pater Scheiner, & nostra Optica breui, vt spero, edenda addita demonstratione comprobabit.

Assero tertio vim magneticam non esse in globo Terræ ad impediendam conuolutionem, qua, retenta per suum axem correspondentia ad Polos cæli magnetici, videretur alicui posse in se ipso exercere motum diurnum, absolutè soli circa ipsum tribuendum.

Probatur assertio, quia in suo subiecto per se vis magnetica consequitur suum finem proximum, disponendo illud per suos axem & polos conuenienter ad aliud similiter affectum; sic enim cum tali dispositione ad illud iuxta constituta sect. VI. benè se habet quatenus magneticum est; quod si alicui tali subiecto vltèrius, vt habet alias qualitates connaturaliter adiunctas, & iuxta alios fines, ad quos in constitutione vniuersi conuenienter ordinatur, alia bona debentur, virtus Magnetica ad illa, non nisi per sui finis proximi consequutionem concurrat. Sed potest hic finis proximus haberi, etiamsi retenta eadem dispositione sui axis, & polorum ad polos alterius Magnetici influentis, circa talem axem, & polos ipsum per suas partes voluatur; Ergo vis magnetica non est de se impeditiua talis conuolutionis.

Quod autem experimento, facilius in lapide magnete spectabili, a viro eruditissimo, naturæ inspectore est obseruatum, quod secundum planum sui determinatum magnes se conuertat, & situet in Meridiano cuiuscumque regionis, si per axem in linea verticali constitutatur; immo polo eius, in Septentrionem verti solito, sursum erecto certæ eiusdem partes

*Vis Magn: Terram dignet solum in medio.* 213  
tes conuertātur in Occidentem, quæ eodem deorsum verso  
semper consistebant ad Orientem; non probat virtutem  
magneticam per se operari constantem correspondentiam  
per aliud, quàm per signabilia, quæ in oppositis faciebus ma-  
gnetici per se determinantur; sicut enim magnetica non  
diffundunt radios magneticos per illam, nisi à polis, ita non  
nisi secundum illos exercet per se correspondentiam ma-  
gneticam inter se.

Atque id probaui dicta sect. VI. in qua reddidi rationem  
dicti experimenti, quàm confirmatam clarè cognosces à se-  
cunda parte illius; verè enim refractione radiorum magneti-  
corum à Terræ polis diffusorum ad massam, ex qua forma-  
batur Magnes, quæ tunc facta est in plano lapidis congruē-  
ti Terræ meridiano, secundum sursum & deorsum præcisè, in  
partibus verò extra meridianum etiam aliquomodo in dex-  
trum, & sinistrum, & quæ videtur determinare tale planum  
vt adsitum in meridiano Terræ se consequenter accomodet;  
postulat etiam vt fiat talium determinatarum lapidis partiū  
conuersio in Occidentem, erecto sursum polo verti solito in  
Septentionem, quæ eo deorsum verso consistebant ad Oriē-  
tem, vt apertè consideranti patebit, Facta vel leui designa-  
tione radiorum modo dicto refractorum secundum sursum,  
& deorsum. Quare tales determinationes non existunt per  
se a vi magnetica in suo subiecto, neque illa per se exercet  
correspondentias secundum illas: imò si lapides huiusmodi  
possent secundum suum axem Magneticum constitui in eadē  
directione cum axe Magnetico Terræ, nulla fieret secundum  
huiusmodi partes in illis determinata consistentia; quia in  
orbem essent dispositi circuli meridiani, in quos tale planum  
quomodocumque conuersum æquè incurreret; sicut de fa-  
cto longè a polis indifferenter consistit in meridiano cuius-  
cumq; regionis.

## S E C T I O X I.

*Ad quid sit vis Magnetica in Terræ globo  
iuncta Gravitati.*

**A** Sfero primò gravitatem esse in aggregato ex Terra, & Aqua non solum ad constituendum illas in medio intra leuiores, sed etiam ad sistendum; & quidem resistendo tā impulsui, quo vrgerentur ad recedendum ab illo, quā impulsui, quo propellerentur in gyrum in eodem.

Ad probationem primæ partis præmitto, quod licet gravitas in maiori perfectione videatur esse in Terra, quam in Aqua; eius tamen natura tū respectu totius, tū respectu partium melius dignosci potest in Aqua, quia hæc, obfluxibilitatem, ei melius obsequitur ad dispositionem partium, & totius.

Licet igitur Aquæ de se spectatæ prodesset ad conservationem sui maxima suarum partium propinquitas, exclusiua admixtionis contrarij inter illas, sub minima superficie in figura Sphærica, sic minimè exposita actioni contrarij; quam affectat, & obtinet in minoribus guttis, dum particulis inferioribus illarum, secundum rotunditatem eleuatis, parum oneris à superstantibus imponitur: gravitas tamen ita illam inclinat ad medium intra leuiores, ut non nisi per correspondentiam ad illud talem partium eius propinquitatem, & conformationem in toto aut faciat, aut patiatur. Quare non solum factis paulò maioribus guttis, addito per vltiorem infusionem humido, incumbente particulis inferioribus ante eleuatis, eas deprimit, & peculiari in ijs figura Sphærica abolita, ad medium magis vrget; sed etiam in mole illius  
tam



*Grauitas Terram sistit ne conuoluatur. 215*

tam ingenti, vt in se conuenientem toti aquæ conformationem exhibere posse videatur, adeo causat approximationē, quam potest, ad medium, vt omnino subsidere cogat, & nulla propria figura exhibita, conformari cavitatibus Terræ, intra quas defluit. quod si in extremitate aëri proxima exhibet aliquid superficiei Sphericæ, id præcisè sequitur ex maximo accessu illius ad medium; dum enim, partibus inclinantibus ad illud tota suæ grauitatis potentia, non sit consistentia, donec fiat æquilibrium inter illas, ex eo est illa terminatio superficiei superioris: quomodo Aqua intra Terram cum illa constituit velut globum integrum; vt conuincitur ex vna velut integra rotunditate Vmbre, quæ cernitur in Luna patiente Ecclypsim, ex interpositione non solum Terræ, sed etiam Aquæ inter ipsam, & Solem illustrantem, cuius radij, vt magnam aquæ molem peruadere non possunt, ita si aliquam non ita magnam in globum cōformatam peruadant, paulò post vniti ita consequenter disperguntur, vt in distantia notabili, globi aquei vmbra non sit internoscibilis ab illa, quàm ipsæ partes Terræ, oppositæ illustranti, exhibēt.

Quod autem partes Aquæ per suam grauitatem inclinent ad medium intra leuiores; non autem ad medium Terræ vt sic, videtur constare, quia cum Terra ratione siccitatis sit inimica Aquæ, & hæc ab ea ita refugiat, vt in minoribus suis particulis, minus superstantium onere grauatis, assurgat eleuata in globulos supra illam; non potest sua proprietate connaturali directè inclinare ad diffusionem supra illam, etiam cum suarum partium dissipatione; potest autem dum inclinat ad locum suæ conseruationi conuenientem, mediū intra leuiores, per grauitatem; & accedit ex tali inclinatione ad eum quantum potest, inuenta Terra rotunda ei circumfundi, vt cum primò condita est; illa verò excauata cavitatibus infunditur; ita enim quærendo proprium bonum quantum potest per connaturalem sibi grauitatem, seruit dispositioni

con-

conuenienti Vniuerso, & fini à Conditorè illi sapientissimè præscripto, cuius Prouidentia ita peculiaribus corporum inclinationibus vsa est, vt in earum vsu appareret, non tam ab ipsis conspirantibus mundum coaluisse, quam ab Artifice dirigente fuisse compositum.

Rursus operatur grauitas in singulis partibus humidi, in quibus est, imprimendo impetum, quo singulæ vrgeantur quantum fieri potest ad medium, non solum quando fit motus partium in toto, & non nisi factò æquilibrio in tali vrgeantia fiat quies illarum in ipso; sed etiam quando fit motus totius integri, vel continui: centrum autem grauitatis est signabile, circa quod sicut sunt dispositæ partes in grauitate æquales; ita, cum fit motus talis totius, sunt æqualiter dispositi partiales impetus, illarum ad sic mouendum totum conspirantes.

\* Idem proportionaliter operatur grauitas in Terra, nisi quantum continuitas cum duritie impedit in illa motum partium in toto. Specta graue in maiori mole terminatum superficie æquabilis per planum simile inclinatum; & agnosces, quod Terram contingens, vterius intra, seu quod idè est, infra leuiora sua grauitate nititur; cum tamen si ad Terram præcisè tenderet, non haberet post approximationem cur vterius moueretur.

Grauitas igitur vniuersaliter loquendo, iuxta exigentiam naturæ grauium, & conuenientis dispositionis illorum in Vniuerso, inclinatur ad constituenda ea infra leuiora, quia sic ipsa, & Vniuersum melius per se loquendo disponuntur; ratione autem inæquabilitatis in grauitate ob maiorem vel minorem densitatem grauium, minus grauiam respectu maioris grauium se habent vt leuiora; & sic illa infra hæc nituntur, pro viribus suæ maioris grauitatis collatis ad impedimenta, quæ ex proprijs corporum conditionibus possunt, etiam omnino sistere motum illius.

Nec

*Gravitas Terræ sisti ne cōvoluatur. 2 17*

Nec vllum fundamentum est asserendi reliqua graua ad Terram ferri, quia ab illa magneticè alliciuntur; cum grauiissima aurum & argentum. vium nullam magneticam diffusionem aut impressionem receptam, & secundum illam nullam magneticam directionem aut consistentiam habere certissimo constet.

Et ex his Prima Pars assertionis videtur sufficienter stabilita.

Ad probationem secundæ Partis Aduerto, graue repugnantiam habere ratione grauitatis, vt moueatur, & non deorsum via breuissima; constat quippe requiri vim extrinsecam, vt moueatur quantumvis deorsum, & non via breuissima, & maiorem, vt in tali motu recedat magis à perpendiculari, & consequenter multò maiorem, vt moueatur horizontaliter; quamuis in tali motu non recederet à medio. Licet autem graue descendens non habeat solum grauitatem, sed impetum productum ab illa, & quidem pergente vltius descensu crescentem, & quantum potest ratione sui inclinantem ad medium via breuissima; ac proinde resistentem diuersioni ab illa. Nihilominus non ille solum, sed grauitas resistit diuersioni secundum quid ab eadem; cum non solum impetus à grauitate productus, sed ipsa de se grauitas resistat diuersioni simpliciter, per quam nitimur graue eleuare: ac proinde quamuis requiratur maior vis à extrinseco ad diuertendum graue descendens à via breuissima suæ inclinationi conformi; aliqua tamen requiritur etiam ad diuertendum graue quiescens, pro conditione grauitatis in illo; ita vt illud non solum ratione impetus à sua grauitate producti, sed ratione grauitatis ipsius exigit, vt impetus à vi extrinseca sibi impressus, secundum directionem aliquo modo oppositam suæ inclinationi, non du-  
ret, sed languescens tandem deficiat: Sicut non solum ratione impetus à grauitate producti; sed ratione etiam ipsius



grauitatis resistit impressioni illus; cum etiam, quando in quiete urgetur à vi improporcionata, per solam grauitatem, sine illo, resistentiam exerceat.

Et ex his probatur secunda Pars assertionis, quod grauitas Terræ resistat conuolutioni ipsius, si quidem per huiusmodi conuolutionem omnes partes illius graues mouerentur horizontaliter, quomodo licet pro quolibet momento comparatæ ad medium æqualiter se haberent, sicut prius antequam mouerentur, nihilominus cum duo latera trianguli sint necessariò maiora tertio, si à termino, à quo motus, ducatur linea ad signabile, pro quo, ficto motu, comparatur, illa simul cum præcedenti linea inclinationis necessariò constituet aliquid maius ipsa sola linea inclinationis in quiete; cui perinde repugnat inclinatio grauis, quæ exigit mensurari linea breuissima.

Huius impedimenti per grauitatem, ne Terra moueatur circa suos polos motu diurno, à me insinuat, cum Sphæram eius edendam recognoscerem, mentionem fecit Præceptor meus Pater Iosephus Blancanus, & aliquibus postea non omnino displicuit; licet alij non admiserint; qui tamèn nec æqualem inuenerunt, neque rationem attulerunt, cur improbarent.

Ex his pariter reicies, quod aliqui tam constanter affirmant, quamlibet vim minorem, & minorem de se sufficere ad mouendum grauius, & grauius super planum, dic potius conuexum, horizontale, quia in tali motu nulla fit eleuatio illius, cui soli assumunt, non probant, resistere grauitatem. Nec ex eo quod aliqua, vt pila benè rotundata, modicissimo pulsu reuoluantur in tali horizontali, debes inde inferre idem de motu in illo omnibus grauib; successurum; multò minus nullam esse repugnantiam grauitatis ad talem motum; non primum quia huiusmodi insistentia tali conuexo horizontali, stant per æquilibrium suarum partium; ita

ut medietas; quæ in motu reuolutionis debet ascendere, habeat ad oppositam positionem, æqualem; quæ eodem motu, descendet, conformiter sui ponderis inclinationi. Si ergo tollatur æquilibrium, quo sistuntur, vel imprimendo aliquid impetus deorsum prementis vni medietati, vel correspondenti sursum dirigentis, voluentur; quidquid enim addatur adiumenti vni, vel impedimenti contrario nisi in altera, statim tollitur æquilibrium, & fit motus præponderantis, & sic reuolutionis Sphæræ ad eius positionem; quæ ratio non militat in diuersi modè figuratis, ut patet; huiusmodi autem cum sunt exactè polita, vel modica superficie insistant horisontui, videntur facillimè moueri, quia comparamus motui asperorum super aspera, quo per multas particulas impingentia valdè notabilem inveniunt resistantiam ulteriori progressioni, vel motui cum aliqua totius grauis eleuatione exercito. Non secundum, quia cum impulsus in quibushbet huiusmodi experimentis potius languescens deficiat, experimentum potius fauet asserentibus gravitatem resistere tali motui horisontali grauium, quàm negantibus. Et si illud modicum resistantiæ, quod de his videtur colligi, multiplicabunt per totidem partes æquales, quæ in cōuolutione Terræ debent horisontaliter moueri, facile agnoscent, tali motui cōuolutionis in Terrâ, maximam ab eius gravitate haberi resistantiam conformiter nostræ assertioni.

Assero tertio quod cum à formatione Cardinum in Terra super quos positus sit orbis, à stabilitate Terræ nunquam inclinandæ, à firmatione orbis illius non commouendi, a velocitate cursus solis per infallibilem veritatem extollatur Potentia Conditoris vniuersi, non possunt huiusmodi esse commentitia; & cum absolute possint esse talia, qualia tali auctoritate proponuntur, nefas est ea negare, & ad meram credulitatem insipientium dicta esse interpretari.

Positis supradictis Assertio patet, & ex inani conatu pugnantium in oppositum; hi enim ad hanc diem per solam possibilitatem sui systematis, & solutionem rationum, quæ nitebantur ostendere, contrarium esse necessario consequens ex apparentijs, contenderunt probare, ita de facto existere, quod potuit etiam aliter disponi, & minus aduerterunt se, dum minuere tentant solos motus, in aliud tanto æstimatione physica difficilius incidere, augendo inimmensum moles; & multo deterius velocitatem motuum cælestium, quæ humanæ admirationi proponitur, ad manifestandam gloriam Conditoris, & Moderatoris vniuersi ab authoritate infallibili, obijcere ut maximè absurdum communi systemati.

Quis autem non miretur homines, qui solis sacris litteris se stare passim profitentur, earum attestationsi claræ, & apertæ tam præsidenter contradicere; ut etiam vilitatem Terræ pro argumento adducant, quo syderum circa illam cursus ordinatos esse negent; dum attestatur Conditor ipse; quem falli, aut fallere nefas est, & stultum arbitrari (quod creauit ea in ministerium cunctis gentibus, quæ sub cælo sunt) Sed hæc, & similia parit contradicendi studium, aut peregrinæ doctrinæ, ad inanes plausus captandos sciolorum, ostentatio; quibus, toto vniuerso reluctante, videntur ipsius vniuersi dispositionem primorum corporum solis connaturalibus conditionibus committere velle, nulla hominis, cui dispositum est, nulla sapientissimi Artificis, à quò illud, & hic in sui gloriam posita sunt, habita ratione; cum tamen singulariter in hac ad finem a se intentum tam apta, tam admirabili fabrica (non reliquerit semetipsum sine testimonio) tam multis, præter exigentiam peculiarem partium componentium, sed tamen conuenientissimè, constitutis.



## S E C T I O X I I .

*An sit vis Magnetica in Sole ad reliquorum  
Planetarum cursus ordinandos , an in  
Luna ad Maris æstum conci-  
tandum?*

**S**upponendi primò hic Canones motus , in Sole hac nostra ætate deprehensi , quos plurium annorum constantissimo labore , consultò sæpius in dies cælo , melioris Astronomiæ regulis in Consilium adhibitis , nouis sapienter additis , constituit Pater Christophorus Scheiner nostræ Societatis ; & posteriores non librorum tantum , sed & astrorum inspectores ita comprobarunt ; vt ex ijs , vel ipsi antea illius Censores , sua errata correxerint , omissa suppleuerint , in nullo ausi contradicere ; & nouissimè per tres annos Macularum Solis cursus ordinatos ediderit vir de Astronomia optimè meritis , quem mox appellabo , in suæ Selenographiæ libro .

Iuxta Canones motus solaris in rosa Vrsina digestos , Sol axem & polos suæ conuolutionis velut menstruæ ( non enim 27. dies implet ) per circulum annum quasi illi in oppositum inflectit ; vt per sex circiter menses à Sagittario ad Taurum inclusiue polus inferior ad Terram conuertatur , omnibus Macularum cursibus apparentibus in facie Solis sursum curuatis . Per alios sex à Geminis ad Aquarium polo inferiore auerso , conuertitur ad nos Superior , omnibus Macularum cursibus deorsum versus curuatis .

Supponenda secunda libratio corporis lunaris menstrua ,  
quam

quam à perpaucis notatam, nuper à se certis limitibus in eo definitam; per signa zodiaci, & reliquos in cœlo situs ritè distributam, edidit Heuvelius, non politix solum terreræ, sed syderalis inspector, meritò inter primos Astronomiæ Magistratus nostræ ætatis accensendus.

Luna igitur per 14. circiter dies singulis mensibus semper in signis descendantibus à Cancro ad Aquarium, conuolutionem aliquam habet ab Euroaustro Corum versus, quæ certæ partes, quæ sunt aliquomodo ad marginem inferiorem, ab illo recedunt, alijs in conspectum prodeuntibus, quæ in hæmisphærio auerso latebant; ita ut perueniente Luna ad Capricornum pars illius insignior, pertinens ad quadrantem inferiorem, Mons Sinai dicta ab Heuvelio, sit in maxima elongatione, quam toto mense obtineat à margine dicto; hæc est illa pars, à qua notabiliores, & longiores tractus lucidi velut extenduntur, ideo ab aliquibus fons lucis appellata; cum tamen circumpositæ illi vmbre melioribus Tubiopticis animaduersæ, & tractus illi lucidi sæpius inflexi, & interrupti omnem illi talis nominis honorem abrogarint.

Alijs vero diebus 14. circiter in Signis ascendentibus à Capricorno ad Geminos reuolutionem habet à Coro Euroaustrium versus, quæ, secundum ordinem signorum, prioribus oppositæ partes, aliquomodo margini Superiori proximæ, elongantur ab eo, succedentibus in conspectum alijs, quæ in hæmisphærio auerso latebant; & è contra pars illa insignior, Mons Sinai dicta, ubi Luna cancerum attingit, ad maximam sibi propinquitatem margini inferiori restituta, conspicitur; & omnem reuolutionis totius corporis lunaris suspensionem excludit.

Supponendæ tertiò leges magneticæ, ex longo & diligenti examine experimentorum inter ea, quæ certo magnetica esse cognoscuntur, firmis illationibus constitutæ:  
in

in quo genere ludicrum est, & puerile, inter corpora mundana velle correspondentias magneticas assignare, ad accessus, & recessus inuicem, & circuitus illorum explicandos, quæ à legibus magneticis passim redarguantur; & hoc ipso à mundi dispositione reali ad vertigines capit s suorum authorum reuocentur, qui similibus figmentis ipsum systema Phythagoricum dehonestant; cui fulciendo, & ornando illa comminiscuntur. His suppositis.

Affero primò Lunam nullam habere correspondentiam magneticam ad Solem, nullam ad Terram, & Mare.

Prima Pars probatur primò, quia non correspondet in libratione; cum enim luna; vt vidimus, suam librationem mensuram in ijsdem semper signis determinate exerceat; nullo modo potest secundum illam correspondere soli, cum quo alijs, & alijs mensibus aliter, modo in vno, modo in alio signorum, nunc coniunctionem. nunc appositionem, nunc alium respectum exercet; & dum ille in omnibus ferè mensibus, quem polum suæ gyrationis habet ad Lunam pro aliquot diebus conuersum, in reliquis mensis eiusdem diebus non auertit, ipsa semper intra eundem mensẽ à conuersione, facta eorum versus, auertitur in Euroaustrum.

Secundo quia non correspondet per polos suæ librationis polis Solis; cum per sex ferè menses continuos sol vnum, & eundem ex suis, polis ad Lunam conuertat, & per alios sex consequentes oppositum. Luna verò vnum ex polis suæ librationis, à coniunctione ad oppositionem, ad Solem conuertat, & alium semper ab oppositione ad coniunctionem; ac proinde vno polo Solis obtinente faciem dissimilem illi, quæ reperitur in polo Lunæ illa à coniunctione ad oppositionem constanter accedet ad Solem; ab oppositione ad coniunctionem semper recedet a Sole. E contra verò altero polo Solis per sequentes sex menses ad Lunam conuerso, & obtinente faciem similem ei, quæ est in tali polo Lunæ  
sibi



sibi à coniunctione ad oppositionem correspondente, semper à coniunctione ad oppositionem Luna refugiet à Sole per dictos sex menses; ab oppositione verò ad coniunctionem semper accedet; quæ ut sunt ex legibus Magneticis necessariò consequentia, ita sunt manifestis experimentis omninò repugnantia.

Similia argumenta facile suppetent conferenti leges magneticas cum motibus Solis & Lunæ, & correspondentijs eorum ad inuicem, si quem inueneris, qui pressus allatis confugiat ad alias facies, & polos magneticos in ijs aliter assignatos.

Dices posse per leges magneticas constitui alteram ex faciebus in centro Luminarium; alteram in ambitu proportionaliter, ut explicantes refractionem radiorum magneticorum diximus de lamina ferrea, ad cuius medium per suum polum magnes accesserit.

Sed attende quid ex hac positione sequatur; nam si facies similes essent in ambitu vtriusque, illa semper recederent ab inuicem; si dissimiles, semper accederent; & quod ad conuolutionem, neutrum ab alio prouocaretur; cum æqualiter se haberet quodlibet illorum ad aliud quomodocumque volutum.

Dices secundò vim magneticam, à Sole ad alios Planetas propagatam esse solum directiuam; qua Sol in reliquos Planetas influens, & in se circumuolutus, eos solum prouocat ad motum in gyrum circa se. Sed hoc est vim magneticam in Sole & Planetis negare; quia vna, & eadem est quæ causat correspondentias aliquas per modum conuolutionis inter magnetica, & causat accessum, quando secundum facies dissimiles se respiciunt, intra Sphæram actiuitatis magneticæ constituta; recessum verò, quando ita secundum facies similes se respiciunt, ut talem respectum facili reuolutione sui vitare non possint. Sed de ista vi gyratione  
Pla-

*Vis Magn: non est in Sole; neq; in Luna. 225*

Planetarum à Sole diffusa iterum paulò post agemus.

Secunda Pars assertionis probatur primò, quia in Maris æstibus datur varietas, non solum in tumescentiæ, & subsidentiæ aquarum, quæ ex varia amplitudine sinuum, dispositione climatum, & complexione, vt ita dicam, Terræ subiectæ oriri potest; sed etiam in mensura durationis, qua peraguntur; & nihilominus omnes, quantum aduertere potui in relationibus peritorum, secundùm aliquos aspectus Lunæ ad Solem suas mutationes exercent: Luminarium autem per suas partes conuersio ad Mare nullam certam habet cum dictis aspectibus connexionem, vt constat ex determinatione supposita librationis Lunæ, & conuolutionis Solis circa suum centrum.

Probarur secundò, æquè tumescunt Maria Luna existente in puncto mediæ noctis, ac tumescunt ea posita in Meridiano; in his autem sitibus oppositis, ad oppositas situs differentias necessariò vis magnetica Lunæ alliceret aquas maris: tumorem ergo aquarum in aliquo horizõte existentium, quem excitaret prouocando illas ad se in meridiano, compesceret vt minimum sistendo illas easdem in maxima ad se, propinquitate; obrinens situm mediæ noctis respectu talis horisontis, si in oppositum mouere non posset.

Nulla enim hic fingi potest reflexio virtutis magneticæ aquarum allectiua, quæ à Luna ad Stellæ fixas diffusa refundatur ad Mare; cum illæ ex supradiëtis, sicut nec coelum, cui affiguntur, magneticæ sint, & si essent, reflexionem facerent etiam Luna existente in meridiano; immo tunc vis huiusmodi refunderetur ab illis in facie simili ei, secundùm quam Luna esset conuersa ad mare, non sic illa existente in media nocte; Denique stellæ fixæ per totum circuitum, mare prouocarent, vel rectius in nullo situ posset vis Lunæ, ad illas pertingens, esse propagatiua similis deorsum pro tanta distantia ad vllum effectum physicum.

Quod nulla sit correspondentia Lunæ cum Terra statim patebit consideranti dispositionem virtutis magneticæ in Terra comprobata, & situm corporis Lunaris ad illam, sine alia probatione.

Affiro secundò nullam esse correspondentiam magneticam inter solem, & Planetas, nec vlla probabilitate posse in illam referri motum Planetarum circa solem.

Probatur primò, quia nullam habent talem correspondentiam in suis accessibus ad Solem, & recessibus ab illo cum polis illius; vt facile constabit consideranti determinationē polorum in Sole, & circuitum annum, fixo illorum axe in centro solis, & conferenti cum dictis accessibus, & recessibus Planetarum respectu Solis exercitis. hæc probatio vim habet ex ijs, quibus reieciimus paulò ante, agentes determinatè de Luna, falsam imaginationem asserentium vim magneticam Solis non esse allectiuam Planetarum ad illum, sed solum prouocatiuam motus in gyrum, aliquomodo volutioni illius circa suum centrum correspondentis.

Probatur secundò, quia vis magnetica, quæ poneretur in Sole non posset causare motum Planetarum circa solem; quoties enim vnum corpus magneticum non impeditur à conuolutione circa suum centrum, si aliud, intra cuius sphaeram actiuitatis reperitur, habeat determinatam correspondentiam per suas partes partibus illius, & circa suum centrū conuoluatur, illud pariter ex vitalis correspondentie voluitur circa suum centrum; non autem per motum in gyrum sui centri mouetur circa illud, vt in corporibus certò magneticis possumus passim experiri.

Probatur tertio, vel Sol in toto suo ambitu haberet vnā, & eandem correspondentiam ad Planetas, vna scilicet facie magnetica existente in centro, vt supra dicebamus, alia diffusa in toto ambitu; vel certæ partes ad ambitum terminatæ essent congenæ; aliæ vero ex vi talis virtutis non connexæ,

vel



*Vis Magn: non est in Sole, neq; in Luna.* 227

vel etiam auersæ? non primum, quia, facta quacunque volutione solis circa suum centrum, æque perfectè, & congenè secundum virtutem magnetitam se haberent Planetæ cum partibus accedentibus, atque cum recedentibus; ergo nulla esset ratio, cur tanto gyro voluerentur ad correspondentiam cum recedentibus retinendam, dum in quiete possent æqualiter se habere; immo qualis esset ista correspondentia cum huiusmodi partibus Solis retenta, vel affectata, per tantorum corporum tantos ambitus; cum Saturnus gyrum suum 30. annorum spatio conficiat, Iuppiter 12. Mars verò 23. mensium, Venus sesquiocto; Mercurius trium; dum in medio istorum vnica reuolutio solis 26. diebus circiter absoluitur? Non secundum, quia si partes Solis congenæ, & correspondentes tali suo progressu incitarent Planetas secundum ordinem signorum v. g. in motu illorum, & Solis tam dispari succederent ad correspondentiam aliæ, nullo modo prouocantes, vel etiam tandem retro auertentes à se versus congenas subsequentes, & hoc totum fieret singulis mensibus volutionis solaris. quæ omnia apparentijs omnium consensu constitutis repugnant.

Attende naturam, & proprietates virtutis magneticæ in motibus, consistentijsque exercendis inter magnetica, & agnosces, his & similibus figmentis eorū inuentores nil aliud obtinuisse, quam vt ostenderent sua commenta de constitutione vniuersi ad extremam debilitatem redacta, quibus suo iudicio his fulcimentis subueniendum putarent.

Et hæc de virtute magnetica, quam præcedentibus sæculis obstitam tenebris, & erroribus, hoc nostrum in tantam veritatis lucem eduxit, vt singularem Philosophiæ Partem cum dignitate impleat.

## Amice Lector.

**I**N toto hoc opere, si quid meritò sapiet, veritatis Authori debet; si quid iure redargues, meū est. hominis autē alijs curis occupati, & breuitati scriptionis ex angustijs mentis, & temporis addicti tenebras multiplicata ingenij tui luce dissijce. Si quid emendandum censueris, & monueris de eo superstitem, gratissimum feceris.

